




# ԶՄԻԱԾԻՆ



ՌՈՒ 196



ԼԱ  
ՏԱՐԻ



# ԷԶՄԻԱԾԻՆ



ՊԱՇՏՈՆԱԿԱՆ  
ԱՄՍԱԳԻՐ  
ՀԱՅՐԱՊԵՏԱԿԱՆ  
ԱԹՈՌՈՒՅ  
Ս. ԷԶՄԻԱԾՆԻ

Խոհարարական - 10

1974





**ԲՈՎԱՆԴԱԿՈՒԹՅՈՒՆ**

ԱՄԵՆԱՅՆ ՀԱՅՈՑ ՎԵՀԱՓՍՈՒ ՀԱՅՐԱՊԵՏԻ կոնդակը Հայկոյի Կրթասիրաց վարժարանների 50-ամյակի առիթով . . . . .	8
ԱՄԵՆԱՅՆ ՀԱՅՈՑ ՎԵՀԱՓՍՈՒ ՀԱՅՐԱՊԵՏԻ կոնդակը Բնրոթի Կարմիրյան վարժարանի բարերար տիար Գևորգ Կարմիրյանին ս. Գրիգոր Լուսավորչի Ա կարգի շքանշանով պարգևատրելու առիթով . . . . .	4
Հայոց Հայրապետի այցելությունը Հայկական ՍԱՀ Գերագույն սովետի նախագահության նախագահ Ն. Խ. Հարությունյանին . . . . .	6
Ղազարապատի վերակառուցված շենքի հանդիսավոր բացումը . . . . .	7
Վեհափառ Հայրապետի գամակալության 18-րդ տարեդարձը Մայր Աթոռում . . . . .	18
Գերաշնորհ տ. Հմայակ եպիսկոպոս Ինդոյան . . . . .	27
Գերաշնորհ տ. Արիս եպիսկոպոս Շիրվանյան . . . . .	28
Գերաշնորհ տ. Ներսես եպիսկոպոս Պոզապայան . . . . .	31
Յոթամասունհինգամյակ պրոֆ. Սարգիս Մելիքսեյանի . . . . .	33
Ա. ՀԱՏԻՏՅԱՆ—Մամ Տիրամոր՝ Սիրանույշ Պայճյանի . . . . .	35
ՄԱՅՐ ԱԹՈՒՌՈՒՄ . . . . .	38
Հայտարարություն . . . . .	41
ՆԵՐՍԵՍ ԵՊԻՍԿՈՊՈՍ ՊՈԶԱՊՍԼԵԱՆ—Եկեղեցիների համաշխարհային խորհրդի Կենտրոնական կոմիտեի 28-րդ գումարումը Արևմտյան Բեռլինում . . . . .	42
Լուրեր Հայաստանյայց եկեղեցու թեմերից . . . . .	46
Լուրեր քույր եկեղեցիներից . . . . .	47
Լուրեր եկեղեցիների համաշխարհային խորհրդից . . . . .	47
Լուրեր Մայր Աթոռից . . . . .	48
ԵԶՆԻԿ ԱՐԵՂԱ ՊԵՏՐՈՍԵԱՆ—Մովսես Երզնկացու «Ընդդիմադրություն սակա ջրոյն խառնման ի սուրբ խորհուրդն ի թուին հայոց .2ԾԸ.» դավանաբանական թուղթը . . . . .	49

**ԽՄԲԱԳՐՈՒԹՅԱՆ ՀԱՍՑԵՆ**

**Հ Ա Յ Կ Ա Կ Ա Ն, Մ Ս Հ, Է Ջ Մ Ի Ա Մ Ի Ն**

**«ԷՋՄԻԱՄԻՆ» ԱՄՍՈՒԳՐԻ ԽՄԲԱԳՐՈՒԹՅՈՒՆ**

Армянская ССР, Эчмиадзин, Редакция журнала «Эчмиадзин».  
 Rédaction de la revue «Etchmiadzine», Etchmiadzine. Arménie, URSS

Հանձնված է արտադրության 22/X 1974 թ.: Ստորագրված է տպագրության 28/XI 1974 թ.:

Տպագրական 4 մամուլ+7 ցերդիր, թուղթ 60×84<sup>1</sup>/<sub>8</sub>, պատվեր 709

Մայր Աթոռ ս. Էջմիածնի տպարան, 1974 թ.

ՀՐԱՄԱՆԱԻ

Տ. Տ. ՎԱԶԳԵՆԻ ԱՌԱՋՆՈՅ

ՎԵՀԱՓԱՌ ԵՒ ՍՈՐԱՋՆԱԳՈՅՆ ԿԱԹՈՂԻԿՈՍԻ  
ԱՄԵՆԱՅՆ ՀԱՅՈՑ



ԿՈՐԻՆ ՍՈՒՐԲ ԾԺՈՒԹՅՈՒՆ Տ. Տ. ՎԱԶԳԵՆ Ա. ԿԱԹՈՂԻԿՈՍ ԱՄԵՆԱՅՆ ՀԱՅՈՑ



**ԱՄԵՆԱՅՆ ՀԱՅՈՑ ՎԵՀԱՓԱՌ ՀԱՅՐԱՊԵՏԻ  
ԿՈՆԴԱԿԸ ՀԱԼԵՊԻ ԿՐԹԱՍԻՐԱՑ ՎԱՐԺԱՐԱՆՆԵՐԻ  
50-ԱՄՅԱԿԻ ԱՌԻԹՈՎ**

ՄԱՅՐ ԱԹՈՒ ՍՈՒՐԲ ԷԶՄԻԱՇՆԷՆ ՈՂՋՈ՞ՅՆ ՀԱՅՐԱԿԱՆ ԵՏ  
ՕՐՀՆՈՒԹԻՂՆ ՀԱՅՐԱՊԵՏԱԿԱՆ ՀԱԼԵՊ ՔԱՂԱՔԻ ԿՐԹԱՍԻՐԱՑ  
ՎԱՐԺԱՐԱՆՆԵՐՈՒ ՀՈԳԱՔԱՐՉՈՒ ՎԱՐՉՈՒԹԵԱՆՑ, ԴԱՍԱԽՕՍԱԿԱՆ  
ԿԱԶՄԻՆ ԵՒ ՍԻՐԱՍՈՒՆ ԱՇԱԿԵՐՑ-ԱՇԱԿԵՐՏՈՒՀԻՆԵՐՈՒՆ

Աստուծոյ ողորմութեամբ սփիւռքի տարածքի վրայ շէն ու պայծառ եճ  
հայոց աղօթքի Տուները և անոնց կողքին կրթական հաստատութիւնները,  
որոնք հաւատացեալ ժողովուրդի գաւակներուն կը քաշխեն հոգևոր սնունդ,  
գիտութեան լոյս և ազգային դաստիարակութիւն:

Ձեր վարժարանները ևս պատուաբեր տեղ մը կը գրաւեն սուրիական  
հիւրընկալ հողի վրայ, ուր Դուք քարենպաստ պայմաններու մէջ կը շարու-  
նակէք Ձեր կրթական առաքելութիւնը ահա յիսուն տարիներէ ի վեր:

Մենք քարձորտէն կը գնահատենք Ձեր կենդարեայ վաստակը և այս յո-  
րելիմական հանդիսաւոր առիթով ամենայն հայոց Մայր Աթոռ սուրբ Էջ-  
միածնէն և Մեր սրտէն հայրապետական օրհնութիւններ կը լղենք Կրթասի-  
րաց վարժարաններուդ հոգաբարձու հիմնադիրներուն, քարերարներուն,  
մարմիններուն, կրթական մշակներուն և աշակերտ-աշակերտուհիներուն,  
աղօթքով որ Աստուած միշտ հաստատ ու միշտ շէն պահէ-պահպանէ Ձեր  
վարժարանները, սուրիացի եղբայր ժողովուրդի մեծ ընտանիքին մէջ:

Ուժ ու եռանդ մշտանորոգ, քարի ներշնչումներ բոլորիդ և Ձեր ազնիւ  
ստիպատանքներուն՝ աստուածահաճոյ պտղառատ արդիւնքներ:

Ողորմութիւն և շնորհք Տեառն մերոյ Տիսուսի Բրիստոսի եղիցին ընդ  
Ձեզ. ամէն:

*Վաչագհ Թ*

**ԾԱՅՐԱԳՈՅՆ ՊԱՏՐԻԱՐԷ ԵՒ ԿԱԹՈՂԻԿՈՍ  
ԱՄԵՆԱՅՆ ՀԱՅՈՑ**

Տուա կոմդակս ի 15-ը հոկտեմբերի  
1874 փրկչական ամի,  
և ի տումարիս հայոց ՌՆԻԳ,  
ի մայրավանս սրբոյ Էջմիածնի  
ՀՄՐ. 789





ԱՄԵՆԱՅՆ ՀԱՅՈՑ ՎԵՀԱՓԱՌ ՀԱՅՐԱՊԵՏԻ ԿՈՆԴԱԿԸ  
ԲԵՅՐՈՒԹԻ ԿԱՐՄԻՐՅԱՆ ՎԱՐԺԱՐԱՆԻ ԲԱՐԵՐԱՐ  
ՏԻԱՐ ԳԵՎՈՐԳ ԿԱՐՄԻՐՅԱՆԻՆ Ա. ԳՐԻԳՈՐ  
ԼՈՒՍԱՎՈՐՁԻ Ա. ԿԱՐԳԻ ՇՔԱՆՇԱՆՈՎ ՊԱՐԳԵՎԱՏՐԵԼՈՒ  
ԱՌԹԻՎ

ՄԵԾԱՅԱՐԳ ՏԷՐ ԵՒ ՏԻԿԻՆ ԳԷՈՐԳ ԵՒ ՄԱՌԻ ԿԱՐՄԻՐԵԱՆՆԵՐՈՒՆ,  
ՀԱՐԱՋԱՏ ՈՐԴՈՑ ՄԱՅՐ ԱԹՈՌՈՑ ՍՐԲՈՑ Էջմիածնի  
ՈՂՋՐՁՆ ՀԱՅՐԱԿԱՆ ԵՒ ՕՐՀՆՈՒԹՅՈՒՆ ՀԱՅՐԱՊԵՏԱԿԱՆ:

ՊԷՂՐՈՒՅ

Աստուծոյ ողորմութեամբ Մենք խորապէս մխիթարուած ենք որ ախիտ-  
քի տարածքի վրայ, մեր հաւատացեալ ժողովուրդի ծոցին մէջ կան ու կը  
գործեն պատուական անձինք, որոնք իրենց բարոյական և ցիւքական օժան-  
դակութեամբ կը շէնցեն ու կը սայծառացեն մեր աղօթքի Տուներն ու կըր-  
թական հաստատութիւնները:

Մեր ազգի այդ պատուական զաւակներու Ռոյլին կը պատկանիք նաև 'Դուք,  
Ձեր թանկագին ծառայութիւններով և նուիրաբերութիւններով: Լիբանանի  
մայր քաղաք Պէյրուքի սրտին վրայ բարձրացող, Ձեր անունը կրող կրթա-  
կան մեծ հաստատութիւնը՝ Հ. Բ. Ը. միութեան Կարմիրեան վարժարանը Ձեր  
կեանքի մեծագոյն իրագործումներէն մին կը հանդիսանայ որ արժանի է  
Մեր օրհնութեան և համայն մեր ազգի գնահատանքին: Իրքեք պիտի չլի-  
մոցուի Ձեր այս մեծ ծառայութիւնը որ պատիւ կը բերէ Ձեր անունին, պա-  
տիւն կը բերէ նաև ամբողջ լիբանանահայութեան:

Երբեք պիտի չմոռնանք նաև Ձեր որդիական այնքան ջերմ վերաբերու-  
մը Մայր Աթոռ սուրբ Էջմիածնի հանդէպ և Ձեր կարևոր նուիրաբերումը  
ի պայծառութիւն միածնաէջ Մայր տաճարին:

Արդ, սրտանց կը գովենք եկեղեցաշէն ու կրթանուէր Ձեր բարի ետանդը  
և իբրև վկայութիւնը Մեր հայրապետական գնահատանքին, Ձեզ կը պարգե-  
ատրենք ս. Գրիգոր Լուսաւորչի Ա կարգի շքանշանով, մաղթելով որ ար-  
դար հպարտութեամբ զայն կրէք Ձեր բարի սրտին վրայ իբրև օրհնութիւն  
սուրբ Էջմիածնէն:

Կ'աղօթենք առ Աստուած որ Ձեզի պարգևէ երկար, շատ երկար կենաց տարիներ Ձեր ընտանեկան երջանիկ յարկին տակ, որպէսզի միշտ հոգեկան ուրախութիւնը ունենաք կենսագործելու Ձեր հոգեշէն ու ազգանուէր ծրագիրները:

«Ողջ յերուր, գորացեալ սուրբ Հոգույն և յաւետ օրհնեալ ի Տեառնէ և ի Մէնջ». ամէն:

*Կապիտէ Թ*

ԾԱՅՐԱԳՈՅՆ ՊԱՏՐԻԱՐԶ ԵՒ ԿԱԹՈՂԻԿՈՍ  
ԱՄԵՆԱՅՆ ՀԱՅՈՑ

Տօնա կոնդակս ի 21-ը հոկտեմբերի

1874 փրկչական ամի,

և ի տամարիս Ռայոց ՌԱՆԳ,

ի մայրալանս սրբոյ Էջմիածնի

ՀՆՐ. 780





**ՀԱՅՈՑ ՀԱՅՐԱՊԵՏԻ ԱՅՅԵԼՈՒԹՅՈՒՆԸ ՀԱՅԿԱԿԱՆ ՍՍՀ  
ԳԵՐԱԳՈՒՅՆ, ՍՈՎԵՏԻ ՆԱԽԱԳԱՀՈՒԹՅԱՆ ՆԱԽԱԳԱՀ  
Ն. Խ. ՀԱՐՈՒԹՅՈՒՆՅԱՆԻՆ**

Սեպտեմբերի 30-ին, երկուշաբթի օրը, առավոտյան ժամը 11-ին, Վե-  
հափառ Հայրապետը, ընկերակցությամբ ուխտավորաբար Մայր Աթոռում  
գտնվող Թուրքիայի հայոց ամենապատիվ տ. Շնորհք սրբազան պատրիարք  
Գալստյանի, Արևմտյան Եվրոպայի հայրապետական պատվիրակ և Ֆրան-  
սիայի հայոց առաջնորդ տ. Սերովքե արքեպ. Մանուկյանի, Հեռավոր Արև-  
լիքի և Ավստրալիայի հայոց առաջնորդ տ. Գարեգին եպս. Գազանճյանի,  
այցելություն է տալիս Երևանում Հայկական ՍՍՀ Գերագույն սովետի նա-  
խագահության նախագահ Ն. Խ. Հարությունյանին:

Հայոց Հայրապետին ողջկցում էր նաև Արարատյան թեմի առաջնոր-  
դական փոխանորդ տ. Կոմիտաս արքեպ. Տեր-Ստեփանյանը:

Հայոց Հայրապետի, հայ եկեղեցու բարձրաստիճան հոգևորականների և  
Հայաստանի Հանրապետության մեծահարգ պրն. նախագահի միջև տեղի է  
ունենում ջերմ գրույց, որի ընթացքում Վեհափառ Հայրապետը, ողջունելով  
Նորին գերագանցությանը, նրան է ներկայացնում իր թանկագին հյուրերին:

Հայկական ՍՍՀ Գերագույն սովետի նախագահության պրն. նախագահը  
րարի գալուստ է մաղթում Հայոց Հայրապետին ու Նրան ընկերակցող հայ  
եկեղեցու բարձրաստիճան հոգևորականներին և գրույցի ընթացքում հարգե-  
լի հյուրերին պատմում Սովետական Հայաստանի մշակութային, տնտեսա-  
կան նվաճումների և մեր հանրապետության ժողովրդական տնտեսության  
գարգացման հեռանկարների մասին:

Սույն ջերմ գրույցին մասնակցում էին նաև Հայկական ՍՍՀ Գերագույն  
սովետի նախագահության քարտուղար Ռ. Ք. Սվետլովան, Հայկական ՍՍՀ  
Միջհատրների սովետին առընթեր հայ եկեղեցու գործերի խորհրդի նախա-  
գահ Ս. Տ. Գասպարյանը և Հայկական ՍՍՀ Գերագույն սովետի նախագա-  
հության գործերի կառավարիչ Գ. Հ. Սահակյանը:





מנהל המחלקה לרפואת ילדים, ד"ר יצחק גולדברג, מציג את המחשבים לילדים במסגרת תוכנית "ילדים וטכנולוגיה".



## ՂԱԶԱՐԱՊԱՏԻ ՎԵՐԱԿԱՌՈՒՑՎԱԾ ԾԵՆԻԻ ՀԱՆԴԻՍԱՎՈՐ ԲԱՑՈՒՄԸ

Մայր Աթոռում այս տարի էլ, խանդավառ մթնոլորտում և հանդիսավոր իրադրության մեջ, նշվում է Տ. Տ. Վազգեն Ա Ամենայն Հայոց Հայրապետի գահակալության 19-րդ տարեդարձը:

Այս քարեպատեճ առիթով Մայր Աթոռում տեղի են ունենում մի շարք բացառիկ հանդիսություններ, որոնք սերտորեն կապվում են Ն. Ա. Օծության եկեղեցաշեն և հայրենանվեր գործունեության հետ:

Այդ հանդիսություններից առաջինն էր Մայր Աթոռում սեպտեմբերի 28-ին, շաբաթ օրը, Գալուստ Կյուլպեճկյան հիմնարկության նվիրատվությամբ պատմական Ղազարապատի վերջերս վերակառուցված շենքի հանդիսավոր բացումը:

Այս առթիվ Մայր Աթոռ էին ժամանել Գալուստ Կյուլպեճկյան հիմնարկության հայկական գործերի բաժնի վարիչ տիար Մոսթերտ Կյուլպեճկյանը իր հարգելի տիկնոջ և փոխ-վարիչ տիար Վահրամ Մավյանի հետ:

Ղազարապատի շենքի բացման հանդիսությանը ներկա էին ուխտավորաբար Մայր Աթոռում գտնվող Թուրքիայի հայոց ամենապատիվ տ. Շնորհք սրբազան պատրիարքը, Արևմտյան Եվրոպայի հայրապետական պատվիրակ և Ֆրանսիայի առաջնորդ տ. Սերովքե արքեպ. Մանուկյանը, Ավստրալիայի հայոց առաջնորդ տ. Գարեգին եպս. Գազանճյանը, իտալահայ համայնքի հոգևոր հովիվ տ. Զոհն եպս. Տեր-Հակոբյանը, Անգլիայի հայոց նորրճտիր հոգևոր տեսուչ և հայրապետական պատվիրակ տ. Ներսես ծ. վրդ. Պոզապալյանը, Դեկորյտի հայոց հոգևոր հովիվ տ. Փառեն ծ. վրդ. Ավետիքյանը և Նիցցայի հայոց հոգևոր հովիվ տ. Տարոն վրդ. Ծերենյանը:

Ներքին թեմերից Մայր Աթոռ էին ժամանել Արարատյան թեմի առաջնորդական փոխանորդ տ. Կոմիտաս արքեպ. Տեր-Ստեփանյանը, Շիրակի թեմի առաջնորդ տ. Նարեկ եպս. Ծաքարյանը, վրահայոց թեմի առաջնորդ տ. Գևորգ եպս. Սերայդարյանը և Ադրբեջանի հայոց թեմի առաջնորդ տ. Վահան եպս. Տերյանը:

Ղազարապատի շենքի հանդիսավոր բացմանը ներկա էին նաև ուխտավորաբար Մայր Աթոռում գտնվող տեր և տիկին Գևորգ Սարաֆյանները՝ Արգենտինայից:

Ս. ՀՈՎՀԱՆՆԵՍ ՄԿՐՏԻՉ ՄԱՏՈԱՆ ՕՇՈՒՄԸ

Սեպտեմբերի 28-ին, շաբաթ օրը, առավոտյան ժամը 11-ին, տեղի է ունենում ս. Հովհաննես Մկրտիչ մատուան օծումը:

Օծման արարողությունը կատարում է Մայր տաճարի լուսարարապետ տ. Հուսիկ եպս. Սանթրոբյանը:

Այնուհետև ս. Հովհաննես Մկրտիչ մատուան խորանի վրա մատուցվում է ս. պատարագ: Պատարագում է Մայր Աթոռի միաբան տ. Գրիգորիս արք. հունցիությանը:

Ս. պատարագին ներկա է լինում Վեհափառ Հայրապետը՝ շրջապատված բարձրաստիճան հոգևորականներով:

Ս. պատարագի արարողությանը ներկա էին տեր և տիկին Ռոբերտ Կյուլպենկյանները և տիար Վանրամ Մալյանը:

Ս. պատարագի արարողությանը ներկա են լինում նաև Հայկական ՍՍՀ Մինիստրների սովետին առընթեր հայ եպիսկոպոս Գրիգորի Գալստյանի, Գաապարյանը և տեղակալ Ս. Հովհաննիսյանը:

Ս. պատարագի ավարտին օրվա նշանակության մասին հոգեշունչ քարոզ է խոսում Ամենայն Հայոց Վեհափառ Հայրապետը:


ՎԵՀԱՓԱՌ ՀԱՅՐԱՊԵՏԻ ՔԱՐՈՋԸ ՄԿՐՏԱՐԱՆՈՒՄ

«Յանուն Հօր եւ Որդոյ եւ Հոգոյն սրբոյ. ամեն»:

Աստուծո ողորմությանը այսօր, 28 սեպտեմբեր 1974 թվի, ս. պատարագով, և այս մկրտարանի օծմամբ կատարում ենք բացումը Ղազարապատի շինության: Ղազարապատը այսպես է կոչվում, որովհետև այս ամբողջ շենքը, երկու հարկանի, կառուցվել է հանգուցյալ Ղազար կաթողիկոսի օրով, 1750 թվականին, և ծառայել է երկար ժամանակ, մինչև առաջին համաշխարհային պատերազմից հետո իբրև ձեռագրատուն վերևի հարկերը, իսկ ներքևի հարկերը՝ իբրև սեղանատուն Մայր Աթոռի միաբանության:

Այս շենքը կառուցվել է հայկական ոճի ոգով կամարակապ, ամրակուռ և տպավորիչ: Սակայն ժամանակն իր ավերներն էր գործել, և շենքը հետադարձաբար թուլացել էր իր հիմքերից իսկ և համարյա կիսավեր վիճակի մեջ էր գտնվում մեր օրերին: Վերևի հարկը լրիվ փլատակ էր, իսկ ներքևի հարկը՝ մույն ճակատագրին էր սպասում: Նույնիսկ ոմանք այն կարծիքը հայտնել էին, թե այս շենքը վերաշինել հնարավոր չէ, ավելի հարմար է լրիվ փլցնել և մեկ նոր շենք կառուցել: Մենք որոշեցինք պահպանել շենքը և թեկուզ եռապատիկ ծախսով, վերակառուցել մույն ոճով, մույն ընդհանրապես տեսքով, մույն նպատակներին ծառայելու համար:

Երկրորդ գլխավոր հարցն էր՝ նյութական միջոցներ հայթայթել՝ այս բազմածախս գործը կենսագործելու համար: Գիմեցիճք Լիսարոն (Պորտուգալիա)՝ հիմնադրված Գալուստ Կյուլպենկյան մեծ հիմնարկության ղեկավարներին՝ խնդրելով, որ նրանք մեզ օգնեն, ձեռք երկարեն, և այս պատմական շինությունը վերակառուցվի: Երջանիկ ենք հայտնելու, թե Գալուստ Կյուլպենկյան հիմնարկությունը սիրով ընդառաջեց Մեր խնդրանքին և 80.000 դոլլար տրամադրեց այս նպատակի համար: Երկրորդ մեծ ձեռնարկն էր, որ ի կատար էր ածվում հանգուցյալ մեծ բարերար Գալուստ Կյուլպենկյանի ժառանգությամբ: Ինչպես բոլորս գիտենք, հանգուցյալ Գալուստ Կյուլպենկյանն իր մահից առաջ, իր կտակի մեջ հատուկ նշել էր՝ չորս հարյուր



ՎԵՀԱՍԹԱՆԻ ՀԱՅՐԱՊԵՏՆԵՐ, ՊՐԵ. Ա. ԳԱՍՊԱՐՅԱՆԸ, ՏԵՐ ԵՎ ՏՐԻԿԻՆ Ռ. ԿՅՈՒՆԼՊՈՒԿՅԱՆՆԵՐԸ ԵՎ ՊՐԵ. Վ. ՄԱՎԹԻՍՅԱՆԸ  
ՇՐՋԱՊԵՏՎԱԾ ՄԱՏԻ ԱԹՈՒԻ ՄՐԱԲԱՆՆԵՐՈՎ

հազար դոլլար տրամադրել ս. Էջմիածնի Մայր տաճարի և նրա անմիջական շրջապատի վերաճորդման համար, մի գործ, որ կյանքի կոչվեց սրանից ավելի քան տասը տարիներ առաջ:

Եվ, ահավասիկ, սիրելի հավատացյալներ, Մենք այսօր հոգեկան մեծ մխիթարությունը ունենք բացումը կատարելու այս շինության, Ղազարապատ շինության՝ ի ներկայության պաշտոնական ներկայացուցիչների Քալուստ Կյուլպենկյան հիմնարկության՝ հանձնես տիար Ռոբերտ Կյուլպենկյանի և իր տիկնոջ և տիար Վահրամ Մավյանի:

Քիչ հետո Մենք հոգեկան մխիթարությունը պետք է ունենանք նաև հոգեհանգստյան պաշտոն կատարելու՝ ի հիշատակ հանգուցյալ Քալուստ Կյուլպենկյանի հոգվույն և, ոգեկոչելու նրա պայծառ հիշատակը:

Մեր փոքրիկ ժողովուրդը, սիրելի հավատացյալներ, իր պատմության ընթացքին գրեթե միշտ հալածված և ցիր ու ցան է ապրել աշխարհի բոլոր ճանփաների վրա և բազում տառապանքներ կրել, նույնիսկ երբեմն նահատակվել: Սակայն այս հալածված փոքրիկ ժողովրդի ծոցում միշտ ծնվել են բացառիկ անձնավորություններ թե՛ եկեղեցական-հոգևոր կյանքում, թե՛ մշակութային ու գիտության ասպարեզում, թե՛ տնտեսական-ընկերային կյանքում: Գրեթե բոլոր երկրներում, ուր հաչեր են ապրել, այս վերջին հարյուրամյակներին ծնվել են պայծառ դեմքեր, փայլուն անձնավորություններ, որոնք մեծ ծառայություններ են մատուցել, լինի հայ ժողովրդին, Հայաստանյայց եկեղեցուն, լինի հյուրընկալ ժողովուրդներին ու երկրներին: Այդ բացառիկ անձնավորություններից մեկը հանդիսացավ Քալուստ Կյուլպենկյան, որ ծնվել է Թուրքահայաստանում, Կեսարիայում, ավելի քան 100 տարիներ առաջ: Բավական երկար է ապրել նա, մինչև 1855 թվականը, և իր ամբողջ կյանքը նվիրել է՝ ստեղծելու համար նյութական մեծ հարստություն, նյութական մեծ հարստություն, որի նպատակը պետք է լիներ՝ կրթական, մշակութային, զեղարվեստական և բարեսիրական գործեր կատարել:

Մենք գիտենք մեր պատմությունից, որ ունեցել ենք բազմաթիվ մեծահարուստներ, սակայն ոչ բոլորը կարողացել են հասնել բարոյական այն գիտակցության, որ նյութական հարստությունը կդառնա զոյության իմաստ ունեցող արժեք, եթե ծառայի մարդասիրական և ոգեկան նպատակների իրագործման: Քալուստ Կյուլպենկյան եղել է այն մեծանուն հարուստներից, որ չավ է հասկացել այս ճշմարտությունը:

Իր մահվանից հետո նա թողել էր իր մեծ կտակը, որով իր ամբողջ հարստությունը թողնում էր իր անունը կրող հիմնարկության, որ հաստատվեց Լիսաբոնում և որ ամբողջապես նվիրված է կրթական, մշակութային, եկեղեցական և բարեսիրական նպատակների իրագործման:

Քալուստ Կյուլպենկյան մի օրհնություն հանդիսացավ մեր ժողովրդին կյանքում:

Մենք երախտապարտ սրտով ուզում ենք այստեղ ընդգծել նաև հույժ բարյացակամ վերաբերմունքը Քալուստ Կյուլպենկյան հիմնարկության դեկավորներին, առաջին հերթին նրա նախագահին՝ դոկտ. Ժոզե Ազերեդո Պերտիգանին, որ պորտուգալացի պատվական անձնավորություն մըն է՝ սիրով չեցուն դեպի հայ եկեղեցին և հայ ժողովուրդը: Նույն զգացումներով կամենում ենք հիշել նաև անունը հիմնարկության դեկավար անձնավորություններից՝ տիար Ռոբերտ Կյուլպենկյանի, որ իրոք մարմնացումն է հանգուցյալ Քալուստ Կյուլպենկյանի հարազատ ոգուն:






ԱՄԵՐԻԿԱՆԱԿԱՆ ՎԻՍՏԱՄԱՆՈՒՄԻ ԳՐԱԳԻՏՈՒՄԻ ԿՐԻՍՏՈՍԻ ԲԱՆՏՈՒՄԸ

ՌՈՒՔԵՐՏ ԿՅՈՒԼՊԵՆԿՅԱՆԻ ԽՈՍՔԸ  
ԸԱԾԿԵՐՈՒՅԹԻ ԺԱՄԱՆԱԿ

«Մեզ՝ սփյուռքահայերիս համար քացառիկ ուրախ օր է այսօր գտնվել ս. Լջմիածնում, Նորին Սրբություն Վազգեն Ա-ի կողքին, կառավարության շատ հարգելի ներկայացուցիչ պրն. Գասարյանի կողքին, մի քան, որը ջույց է տալիս այն ներդաշնակ հարաբերությունը, որ գոյություն ունի մեր եկեղեցու և Հայաստանի կառավարության միջև: Բայց այսօր միաժամանակ ուրախ և երջանիկ օր է հանգուցյալ Գալուստ Կյուլպենկյանի հոգու համար, որը միշտ ունեցել է համեստ կյանք և միշտ ցանկացել է, որ բարիքը կատարվի միայն իր մահից հետո: Ահա թե ինչու Գալուստ Կյուլպենկյան հիմնարկության ներկայացուցիչները և մասնավորապես ես որևէ հատուկ շնոր-



Ղազարապատի շենքի վերակառուցման արձանագրությունը

հակալության խոսք չուներ ստանալու, որովհետև ես ուրիշ քան չեմ անում, եթե ոչ՝ կատարել հանգուցյալ մեծ բարերարի կամքը և ունենալ հոգեկան գոհունակությունը իմ պարտականությունը կատարած լինելու, ինչպես պարագան է նաև մեր հաստատության հայկական բաժնի բոլոր ներկայացուցիչների, հանձնիս պրն. Կորյուն Քեչիշյանի, պրն. Արամ Թերզյանի և այրն. Վահրամ Մավյանի:

Մենք մեր կենդանի աչքերով տեսնում ենք իրագործումը Ղազարապատի շենքի, ինչպես առիթը ունեցանք ակամատես լինելու նաև այլ իրագործումների երևանում և Լեհիմականում: Մենք դրանց համար նույնպես խորունկ գոհունակություն ենք զգում:


Ահա թե ինչու ես կցանկանայի բարձրացնել իմ բաժակը՝ խմելու Նորին Սրբություն Վազգեն Ա-ի կենացը, Որին ես հոգևոր կցանկանայի, որ Լևտված երկար կյանք շնորհեր, որպեսզի իրագործումներով հարուստ միջնակ այսօր կտրված ճանապարհն այսուհետև ևս ճիխանա նորանոր իրագործումներով՝ շնորհիվ եկեղեցու և կառավարության այն ներդաշնակ գործակցության, որին ես ակնարկեցի քիչ առաջ:


Վեհափառ Հայրապետ, կստոռ եք ամբողջապես վստահություն ունենալ  
Գալուստ Կյուլպենկյան հիմնարկության վրա Ձեր ապագա գործունեության  
ընթացքում:

Որդիաբար ճաշցում ենք Ձեր օրհնությունը»:


Սույն պաշտոնական ընդունելություն-ճաշկերույթն ավարտվում է Վեհա-  
փառ Հայրապետի գոհաբանական աղոթքով:

Ղազարապատի հին շենքը վերակառուցվել է Գալուստ Կյուլպենկյան  
հիմնարկության օգնությամբ: Ղազարապատի վերակառուցված շենքի  
շքամուտքի ճակատին, արևելյան կողմում, կա վերակառուցման արձանա-  
գրությունը:





ՂԱԶԱՐԱԳՐԱՏԻ Ս. ՀՈՎՀԱՆՆԵՍԻ ԽՈՐՀԻ ԽՈՏՈՒՆՆԵՐԻ ՄԿՐԱՄԱՆԿԵ



**ՎԵՀԱՓԱՌ ՀԱՅՐԱՊԵՏԻ ԳԱՀԱԿԱԼՈՒԹՅԱՆ  
19-ՐԴ ՏԱՐԵԴԱՐՁԸ ՄԱՅՐ ԱԹՈՌՈՒՄ**

Սեպտեմբերի 29-ին, կիրակի օրը, Մայր Աթոռում հանդիսավորապես իջվեց Ամենայն Հայոց Վեհափառ Հայրապետի գահակալության 19-րդ տարեդարձը:

Գահակալության հանդիսությանը ներկա էին ուխտավորաբար Մայր Աթոռում գտնվող Թուրքիայի հայոց պատրիարք ամենապատիվ տ. Շնորհք սրբազան պատրիարքը, Արևմտյան Եվրոպայի հայրապետական պատվիրակ և Ֆրանսիայի առաջնորդ տ. Սերովբե արքեպ. Մանուկյանը, Ավստրալիայի հայոց առաջնորդ տ. Գարեգին եպս. Գազանճյանը, իտալահայ համայնքի հոգևոր հովիվ տ. Զգոն եպս. Տեր-Հակոբյանը, Անգլիայի հայոց նորընտիր հոգևոր տեսուչ և հայրապետական պատվիրակ տ. Ներսես ծ. վրդ. Պողապալյանը, Դեմոքրատի հայոց հոգևոր հովիվ տ. Փառեն ծ. վրդ. Ավետիքյանը և Նիցցայի հայոց հոգևոր հովիվ տ. Տարոն վրդ. Մերենյանը:

Ներքին թեմերից Մայր Աթոռ էին ժամանել Արարատյան թեմի առաջնորդական փոխանորդ տ. Կոմիտաս արքեպ. Տեր-Ստեփանյանը, Շիրակի թեմի առաջնորդ տ. Նարեկ եպս. Ծաքարյանը, վրահայոց թեմի առաջնորդ տ. Գևորգ եպս. Սերայդարյանը և Ադրբեջանի հայոց թեմի առաջնորդ տ. Վահան եպս. Տերյանը:

Վեհափառ Հայրապետի գահակալության 19-րդ տարեդարձի հանդիսությանը ներկա էին նաև ուխտավորաբար մայր հայրենիքում գտնվող պրն. Վահրամ Մավյանը՝ Պորտուգալիայից, տեր և տիկին Գևորգ Սարաֆյանները՝ Արգենտինայից, տաղանդավոր երգեհոնահար Պերճ Ժամկոչյանը և տեր և տիկին Արշակ Տիգրանյանները՝ ԱՄՆ-ից, ու այլ ուխտավորներ:

**ՀԱՅՐԱՊԵՏԱԿԱՆ ՊԱՏԱՐԱԳ ԵՎ ԵՊԻՍԿՈՊՈՍԱԿԱՆ  
ԶԵՌՆԱԴՐՈՒԹՅՈՒՆ ՄԱՅՐ ՏԱՃԱՐՈՒՄ**

Սեպտեմբերի 29-ին, կիրակի. Վարազա ս. Խաչի տոնի օրը Մայր տաճարում ս. պատարագ է մատուցում Նորին Ա. Օծություն Ս. Տ. Վազգեն Ա Սրբազնագույն կաթողիկոսը և եպիսկոպոս ձեռնադրում երեք շնորհալի ու

խոստումնայից վարդապետները՝ տ. Հմարակ ծ. վրդ. Ինդոյանին, տ. Արիս ծ. վրդ. Շիրվանյանին և տ. Ներսես ծ. վրդ. Պոզապայանին:

Շարաք օրը, երեկոյան ժամերգությունից հետո, Մայր տաճարում կատարվում է նորընծաների «գնորություն և ոխտադրություն» ըստ սահմանի Հայաստանեայց եկեղեցւոյ: Իջման ս. սեղանի առաջ նորընծաները ուխտում են անխտոր և անսայթաք ընթանալ Հայաստանայց առաքելական եկեղեցու ուղղափառ վարդապետության շավղով և հավատարիմ լինել «սրբոյ Էջմիածնի մինչև ցվախճան կենաց իրեանց կալ մնալ հլու հպատակութեամբ ի ներքոյ իշխանութեան և հրամանաց սրբոյ կաթողիկէ Մայր Աթոռոյս, ծառայել երեխոյի Տեառն յօգուտ և ի փառս անուան սրբոյ Էջմիածնի»:

Երդումնագրի ընթերցումից հետո նորընծաները ստորագրում են այն, և Արարատյան թեմի առաջնորդական փոխանորդ տ. Կոմիտաս արքեպ. Տեր-Ստեփանյանն ու լուսարարապետ տ. Հուսիկ եպս. Սանթրոյրյանը վկայում են ուխտադրությունը:

Կիրակի օրը, առավոտյան ժամը 11-ին, Վեհափառ Հայրապետը, հայրապետական զգեստավորման մեջ, ամպհովանու ներքո, հանդիսավորապես իջնում է Մայր տաճար՝ իրեն առընթերակա եպիսկոպոսներ ունենալով տ. Գարեգին եպս. Գազանճյանին և տ. Վահան եպս. Տերյանին:

Մայր տաճարում, ս. Ստեփանոսի սեղանի առաջ, Վեհափառ Հայրապետը քազմում է Աթոռի վրա, և սկսվում է ձեռնադրության կարգը:

Այնուհետև ս. պատարագը շարունակվում է Ավագ խորանի վրա, մինչև ճաշոց գրքի ընթերցումը, որից հետո կատարվում է ձեռնադրության կարգը:

Նորընծաները ծնրադիր, դեմքերը դարձրած դեպի հավատացյալները, հրաժարվում են աշխարհից, մինչ Մայր տաճարի կամարների տակ հնչում է կոչման խորիմաստ շարականը՝ «Աստուածային և երկնաւոր շնորհ, որ միշտ լնու զպէտս սպասաւորութեան առաքելական եկեղեցւոյ, կոչէ զՀմայեակ, զԱրիս և զՆերսէս վարդապետունս ի քահանայութենէ յեպիսկոպոսութիւն»:

Օրհնությունը կրկնվում է երեք անգամ, որից հետո Վեհափառ Հայրապետը կատարում է օծման սրբազան կարգը:

Ապա համապատասխան աղոթքներով նորընծա եպիսկոպոսներին տրվում են եպիսկոպոսական զավագան և մատանի՝ ի ճշան եպիսկոպոսական իշխանության:

Վեհափառ Հայրապետը համբուրում է նորապսակ սրբազանների ճակատները և, ներշնչված օրվա խորհրդով, իր հայրական պատգամներն ու հորդորը տալիս նրանց.

**ՎԵՀԱՓԱՌ ՀԱՅՐԱՊԵՏԻ ՔԱՐՈՋԸ ՄԱՅՐ ՏԱՃԱՐՈՒՄ  
(1874 թ. սեպտեմբերի 29)**

**«Յանուն Հօր եւ Որդոյ եւ Հոգւոյն սրբոյ»:**

**«Եւ լցան ամենեքեան Հոգւովն սրբով»:**

**Եվ լցվեցին բոլորը սուրբ Հոգով:**

**Միրելի հավատացյալ ժողովուրդ,**

Գուցե ձեզանից շատերը հիշեն այս խոսքերը, որոնք հենց այս քեմից Մենք արտասանեցինք Հոգեգալստյան տոմի առիթով: Այն ատեն պատմեցինք, թե ինչպես երկու հազար տարիներ առաջ, երբ մեր Փրկիչը կենդանի էր և ապրում էր շրջապատված իր աշակերտներով, վերջին ընթրիքի



պահին նա խոստացավ աշակերտներին, իրենից հետո առաքել մխիթարիչ սուրբ Հոգին: Աշակերտներն այն ատեն շատ հստակ չհասկացան գուցե, թե ինչ էր ուզում ասել Հիսուս, բայց նրանք այդ սկսած հասկանալ, նրա մահից հետո, նրա հարություն առնելուց հետո: Երբ Հիսուս բացակայում էր արդեն իրենց շրջանակից, նրանք՝ առաքյալները, զգում էին իրենց իբրև որբացածներ: Այն ատեն հիշեցին նրանք, թե երևի աստվածային մեծ խոստումն ի կատար կածվի, և Հիսուս իր անձի փոխարեն կառաքի մխիթարիչ ս. Հոգին:

Այդ հրաշքը կատարվեց Պենտեկոստեի օրը, այսինքն այն օրը, որ մենք ոգեկոչում ենք իբրև Հոգեգալստյան օր ի հիշատակ այն դեպքի, որ իսկապես տեղի ունեցավ Վերնատան մեջ, երբ հավաքվել էին Քրիստոսի աշակերտները Աստվածամոր շուրջ: Հանկարծ, պատմում է մեզ ս. Գիորջը, կրակն լուսեղեն բոցեր կաթիլ-կաթիլ իջան ամեն մեկ առաքյալի վրա և նրանք ցնցվեցին այդ լույսով, հոգեպես վերափոխվեցին, վերածնվեցին և դարձան մարդիկ: ներշնչյալ, մարդիկ մի մեծ առաքելության գիտակցությամբ:

Ահա այդ պահուն է, որ աշակերտները դարձան իսկական առաքյալները Հիսուսի Քրիստոսի, սուրբ Հոգին ընդունելով իրենց մեջ և հետո աշխարհով մեկ տարածվեցին քարոզելու համար սուրբ Ավետարանը: Առաքյալները լցված էին սուրբ Հոգու զորությամբ, զոր ապա սկսան նրանք փոխանցել ձեռնադրության խորհուրդի միջոցով: Այսպես է, որ հիմնվեց, հաստատվեց ամուր կերպով այն մեծ խորհուրդը, որ կոչում ենք մենք այսօր ձեռնադրության խորհուրդ, մի խորհուրդ, որը հենց այսօր ձեր ներկայությամբ, սիրելի հավատացյալներ, Մենք կատարեցինք ի վերա մեր երեք վարդապետների, ղանոնք ձեռնադրելով եպիսկոպոս: Ինչպես նկատեցիք անշուշտ, արարողությանց ընթացքին մի քանի անգամներ, Մեր ձեռքը դրեցինք նրանց վրա ու աղոթքներ կարդացինք այն հավատքով, որ աստվածային սուրբ Հոգու զորությունը փոխանցվում է նրանց խորհրդավոր կերպով: Եվ Մենք այսօր անկեղծավոր սրտով, խոր հավատքով և ամենաչերմ բաղձանքներով աղոթեցինք, որպեսզի Աստուծո ողորմությամբ սուրբ Հոգվո շնորհները փոխանցվեն այսօր ձեռնադրված երեք եպիսկոպոսներին, որպեսզի նրանք, ինչպես Պենտեկոստեի օրը այդ պատահեց առաքյալներին, սուրբ Հոգվո ներգործությամբ վերափոխվեն, վերածնվեն հոգեպես, առավել զորանան և լուսավորվեն և առավել գիտակցեն իրենց մեծ և սուրբ առաքելությունը, մի առաքելություն հոգևոր իմաստով, մի առաքելություն դաստիարակչական իմաստով, մի առաքելություն ժողովուրդը առաջնորդելու իմաստով, մի առաքելություն մեր ժողովուրդին ծառայելու իմաստով:

Ահա մի քանի խոսքով այն գործը, այն աշխատանքը, որ սպասում է մեր նորապսակ եպիսկոպոսներին:

Դուք, սիրելի հավատացյալներ, գուցե հեռվից դիտելով այնքան չեք կարող հասկանալ ամբողջական իմաստը հոգևոր առաքելության, հոգևոր ծառայության և առաջնորդության: Իրականության մեջ, վստահ եղեք, չափազանց ծանր պարտականություն է դրվում հոգևորականների վրա:

Մենք քիչ առաջ նշեցինք հոգևոր առաքելության տարբեր երեսները: Արդեն այդ բավական է ձեզ հասկանալու, թե ինչքան ընդարձակ է դաշտը հայ հոգևոր գործչին: Եվ եթե դրա վրա ավելացնենք բազում այլ և այլ դժվարությունները, որոնցմով շրջապատված ենք մենք, մեր հոգևոր գործունեության ճանապարհին, հատկապես արտասահմանում տարբեր-տարբեր պայմանների մեջ, այն ատեն ամբողջապես, հստակ կղառնա ձեր աչքի առաջ ճշմարիտ պատկերը, ճշմարիտ պատկերը հայ հոգևորականի աշխա-

տանքին, պարտականություններին: Սակայն այս բոլորը մեզ՝ հոգևորականներին, անշուշտ որ չեն վախեցնում, չեն տկարացնում, չեն հուսահատեցնում, ընդհակառակը, ամեն ճշմարիտ հոգևորական, ինչպես առհասարակ, քաղցրալից և կարագի պաննոնով ամեն մարդ, հենց առավել ևս ոգեշնչվում է, երբ իր աշխատանքը ծանր է, երբ իրենցից ավելի է պահանջվում, քան թե է, երբ իր աշխատանքը ծանր է, երբ իրենցից ավելի է պահանջվում, քան թե է սովորական մարդկանցից. երբ ինքը նույնիսկ ռազում դժվարությունների է հանդիպում: Դժվարությունները տկար մարդկանց պարտություն են մատուցում, բայց հոգևոր-քաղցրական ուժեղ և կարագի պաննոնով մարդկանց ընդհակառակը առավել զորացնում են ու առավել գոտեպնդում:

Ահա այսպիսի սպասումներով Մենք ողջունում ենք մեր երեք նորապսակ եպիսկոպոսներին՝ մի անգամ ևս բարձրացնելով առ Աստված Մեր սողոթքը, որ իրոք ս. Հոգվո շնորհները իջնեն և ներգործեն նրանց ներաշնորհին մեջ, և նրանք շուտով մեկնեն Մայր Աթոռից իրենց պաշտոնատեղիները՝ կատարելու համար այն նվիրական գործը, որ մեր ժողովուրդը, մեր եկեղեցին նրանց ուսերի վրա է դնում՝ հուսալով որ նրանք կլինեն արժանավոր բարձրաստիճան հոգևորականներ, և նրանց ձեռաց գործերը կլինեն միշտ բարի, մաքուր, խաղաղաբար, հաշտարար և ստեղծարար, և հատկապես սրբությանը կպահեն-պահպանեն Մեր պանդուխտ զավակները ամբողջ ու անբաժան ի պիտոս աշխարհի, որոնք կարիք ունեն մեկտեղվելու, կարիք ունեն սուրբ եկեղեցու հովանու ներքև հավաքվելու, որպեսզի բոլորը մնան միշտ հավատարիմ զավակները մեր առաքելական սուրբ եկեղեցու, միշտ անբաժան հայաստանցի ժողովրդից, միշտ անբաժան մեր եկեղեցու կենտրոն Մայր Աթոռ ս. Էջմիածնից:

Սիրելի սրբազաններ, կրկին անգամ հայցում ենք ձեզ Աստուծո օրհնությունը և օգնականությունը, և աղոթում ենք ձեր կյանքի և ձեր արդյունաշատ գործունեության համար, որպեսզի դուք լինեք ժիր մատուցակները Հայաստանյայց եկեղեցու:

Օրհնյալ եղերուք այժմ և միշտ. ամեն՞:

**ԾՆՈՐՀԱՎՈՐՈՒԹՅՈՒՆՆԵՐ ԳԱՀԱՍՐԱՀՈՒՄ**


Հավարտ ս. պատարագի Վեհափառ Հայրապետը, ընկերակցությամբ Թուրքիայի հայոց պատրիարք ամենապատիվ տ. Ծնորհք սրբազան արքեպիսկոպոս Գալստյանի, եկեղեցական թափորով առաջնորդվում է Վեհարարի գահասրահ:

Եկեղեցական թափորին հետևում են Մայր Աթոռի հյուրերը և քաղմաթիվ ուխտավորներ:

Հայաստանյայց ս. եկեղեցու բարձրաստիճան հոգևորականության անուցից, գահակալության 19-րդ տարեդարձի առիթով, Վեհափառ Հայրապետին ուղղված շնորհակալական ջերմ խոսք է ասում Թուրքիայի հայոց սրբազան պատրիարքը.

ԹՈՒՐԿԻԱԿԱՆ ՀԱՅՈՑ ՊԱՏՐԻԱՐԷ ԱՄԵՆԱՊԱՏԻՎ Տ. ԾՆՈՐՀՔ ԱՐԷԹՊ. ԳԱԼՍՏՅԱՆԻ ԾՆՈՐՀԱՎՈՐԱԿԱՆ ԽՈՍՔԸ ՎԵՀԱՓՄԱՐ ՀԱՅՐԱՊԵՏԻՆ ՎԵՀԱՐԱՆԻ ԳԱՀԱՍՐԱՀՈՒՄ ՆՐԱ ԳԱՀԱԿԱԼՈՒԹՅԱՆ 19-ՐԴ ՏԱՐԵԴԱՐԶԻ ԱՌԹԻՎ  
(1974 թ. սեպտեմբերի 30)

Աստուծո; ողորմությամբ, 19 տարիներ առաջ՝ մենք անձամբ ներկա էինք այդ նրջանիկ օրերում, երբ կար խոշոր խանդավառություն, կար ցնձու-



ԴԱՏԱՐԱՆԻ ՎԵՐԱԿԱՆՈՒՄԻ ԱՐԿԻՄԵՆՏԱԿԱՆ ԵՄԿԱՆԱՏՈՒՄ


թյուն, կար հույզերու հորդում: Երբ ամբողջ ժողովականները միաձայնու-  
 թյամբ իրենց կամքը կետրոնացուցին Ձեր անձին վրա, այն վստահությունը  
 ունեին, թե կընտրեին ոչ միայն արժանավորագույն հոգևորականը, այլ նաև  
 ամբողջ ազգին բաղձանքները իր մեջ մարմնավորող անձնավորություն, և  
 իրենց այդ համոզումին մեջը հուսախաբ չեղան անոնք: Անցնող 19 տարի-  
 ները արդարև մեկը մյուսին գերազանցող ոսկե շղթա մը եղավ, Վեհափառ  
 Տեր: Ձեր հայրապետական սլաշտոնավարության ամեն մեկ տարին քայլ մը  
 եղավ առաջացումի, քայլ մը՝ բարգավաճումի և քայլ մը պայծառացումի Մայր  
 Աթոռի և Հայաստանյայց առաքելական եկեղեցիին համար: Ամենքս ալ գի-  
 տեինք, թե այն օրերուն Էջմիածինը անփառունակ կացության մը մեջ կգըտ-  
 նըվեր: Ամենքս ալ վերահասու էինք, թե Ձերդ Վեհափառության ուսերուն  
 վրա ծանր բեռ մը կդրվեր: Դուք այն ատեն եռանդուն ու երիտասարդ՝ ունե-  
 ցաք արիությունը, քաջությունը՝ ստանձնելու այս պատասխանատու պաշտո-  
 նը և այսպես այսօրվան այս պայծառության բերելու:

Մեր Մայր Աթոռը ավելի քան 1800 տարիներու իր շատ արկածային  
 պատմության ընթացքին ունեցած է փառավոր օրեր և նսնձ օրեր. բախտա-  
 վոր օրեր և անբախտ օրեր: Կարող ենք ըսել անվարան, Վեհափառ Հայրա-  
 պետ, թե այսօրվանը ամենաբախտավոր շրջաններեն մեկն է. բախտավոր  
 բազում իմաստներով և բազում պատճառներով. բախտավոր նախ անոր հա-  
 մար որ անավոր և արյունլի վերջին պատերազմն հետո Դուք Լուսավորչի  
 գահը բարձրացաք և տեսաք այս հայրենիքի վերաբարձրացումը և վերա-  
 բարգավաճումը: Անոր զուգընթաց բարգավաճեցավ նաև Մայր Աթոռը Ձեր  
 շնորհիվ: Առանց չափազանցության կարող ենք ըսել, թե ամբողջ իր պատ-  
 մությանը մեջ Մայր Աթոռը քիչ անգամ եղած է այնքան բարեկարգ ու այն-  
 քան պատվարեր, Հայաստանյայց առաքելական եկեղեցվո համար, որչափ  
 եղավ Ձեր հայրապետության օրոք: Ասոր համար մենք երախտապարտ ենք  
 Ձեզի, ասոր համար մենք ամենքս ուրախ և երջանիկ ենք Ձեր հետ:

Եվ Դուք, Վեհափառ Տեր, եղաք այն Հայրապետը, որ ամենեն ավելի  
 մտնեցավ իր ժողովուրդին, անոր հետը եղավ, անոր մեջը շրջեցավ իբրև  
 քաջ հովվապետ: Քանիցս ցուպը ձեռին Դուք գաղթօջախն գաղթօջախ,  
 հայ համայնքն հայ համայնք շրջագայեցաք իբրև հովիվ քաջ տանելու համար  
 Ձեր հայրական սերը և օրհնությունը անոնց: Էջմիածնի հանդեպ հայ ժողո-  
 վուրդի հավատարմության զգացումները ավելի ամրապնդեցիք: Եվ թերևս  
 քիչ անգամ Էջմիածինը ունեցած է այն հզոր քաջողական գորությունը, որ  
 այսօր ունի անիկա: Եվ, փառք Նախախնամության, ստեղծված են այնպիսի  
 պայմաններ հայրենի կառավարության թույլտվությամբ, որոնց շնորհիվ ար-  
 տասահմանեն գունդ առ գունդ ուխտավորներ կուգան հայրենիք և Մայր Ա-  
 թոռ վայելելու համար երկուքն ալ. քիչ մը ավելի զորացած, և քիչ մը ավելի  
 հպարտացած վերադառնալու համար իրենց բնակատեղիները:

Եվ այս է կարևոր առաքելություններեն մեկը, Վեհափառ Տեր, Մայր  
 Աթոռին, որպեսզի արտասահմանյան հայությունը չվհատի ամենքին ծանոթ  
 վտանգներու ներքև. և ընդհակառակը այս կամ այն ձևի ձուլումի և այլ վը-  
 տանգներու պարագային, որոնք կշրջապատեն զմեզ, մենք կարենանք նայիլ  
 հայրենիքին, նայիլ Մայր Աթոռին և ըսել, թե մենք ունինք մեր կետրոննե-  
 րը հայրենական ու հայրապետական, որոնք մշտնջենապես պիտի պահեն  
 զմեզ:

Այս շատ բարեբաստիկ և երջանիկ առիթով ինձի համար մեծ բախտա-  
 վորություն է Վեհափառ Տեր, սրտագինս շնորհավորել զՁեզ նախ անձամբ



մեր անունով, իբրև պատրիարք հայոց Թուրքիո, և ապա՝ հանուն Հայաստան-  
այց եկեղեցվո նվիրապետական Աթոռներու և համայն հայ հոգևորականու-  
թյան: Կրեթենք անգամ մը ևս ամբողջ Թուրքիո հայության որդիական սերը և  
հավատարմության զգացումները և կմաղթենք ու կաղոթենք, որպեսզի Տերը  
պարգևի Ձեր վեհափառության գործություն և օգնականություն, և օծոյալ  
պահեն Ձեզ մշտական քաջատողջությամբ, դեռ երկար տարիներ մնալու հա-  
մար այս պատմական մեծ գահին վրա նույն արդյունավորությամբ և նույն  
արժանավորությամբ, և շարունակելու համար հայրապետական այս ծանր  
պաշտոնը ավելի երկար տարիներ ի փառս Աստուծո, ի պայծառություն Հա-  
յաստանայց եկեղեցվո և ի միխթարություն մեր ժողովուրդի. ամեն»:

Հանուն հայրենի կառավարության և հայ եկեղեցու գործերի խորհրդի,  
վեհափառ Հայրապետին շնորհավորում է Հայկական ՍՍՀ Միենիսորների  
սովետին առընթեր հայ եկեղեցու գործերի խորհրդի նախագահ Ս. Գառպար-  
յանը:

ՀԱՅՎԱԿԱՆ ՍՍՀ ՄԻՆԻՍՏՐՆԵՐՈՒ ՍՈՎԵՏԻՆ ԱՌԸՆԹԵՐ ՀԱՅ ԵԿԵՂԵՑՈՒ  
ԳՈՐԾԵՐԻ ԽՈՐՀՐԴԻ ՆԱԽԱԳԱՀ Ս. ԳԱՍՊԱՐՅԱՆԻ ԾՆՈՐՀԱՎՈՐԱԿԱՆ  
ԽՈՍՔԸ ՎԵՀԱՓԱՌ ՀԱՅՐԱՊԵՏԻՆ ՎԵՀԱՐԱՆԻ ԳԱՀԱՍՐԱՀՈՒՄ՝  
ՆՐԱ ԳԱՀԱԿԱԼՈՒԹՅԱՆ 19-ՐԴ ՏԱՐԵՂԱՐՁԻ ԱՌԹԻՎ

(1974 թ. սեպտեմբերի 29)


«Ձերդ Սրբություն,  
Ամենապատիվ արքայազան պատրիարք Թուրքիայի հայոց,  
Գերաշնորհ հայրեր,  
Հարգելի ներկաներ,

Ինձ վրա հանելի պարտականություն է դրված այս հանդիսավոր առի-  
թով Հայաստանի կառավարության, հայ եկեղեցու գործերի խորհրդի անդամ-  
ների և անձամբ իմ կողմից՝ հայտնելու Ձեզ մեր ջերմագին շնորհավորանք-  
ները և քաջատողջության լավագույն ցանկությունները՝ Ձեր գահակալու-  
թյան 19-րդ տարեդարձի առթիվ:

Ծառ երկար ժամանակ պետք է պահանջվեր ինձնից՝ բնութագրելու  
համար այն բազմաբեղուն գործունեությունը, որ Դուք ունեցաք այս տարիներ  
ի ընթացքում: Կկամենայի ընդգծել այդ գործունեության միայն մի քանի  
կարևոր կողմեր: Հանրահայտ է, որ Դուք Ձեր ջանքերի մի զգալի մասը նվի-  
րեցիք հայ եկեղեցու ներքին և արտաքին թեմերի գործունեության կազմա-  
կերպմանը: Սակայն դրան զուգահեռ Դուք մեծապես շնորհակալ աշխա-  
տանք կատարեցիք մեր պատմական անկրկնելի հուշարձանների վերականգ-  
նման ուղղությամբ, հուշարձաններ, որոնք հայտնի են ոչ միայն հայ ժողո-  
վրդին, այլև աշխարհի մյուս ժողովուրդներին:

Հատկանշական է, որ մենք այսօր հավաքվել ենք՝ այստեղ այն ժամա-  
նակ, երբ նոր միայն ավարտվեց Մայր Աթոռի շրջափակի մի կարևոր մասի՝  
Ղազարապատի վերանորոգումը: Այդ աշխատանքը Դուք զուգակցեցիք հրա-  
տարակշիռ գործունեության հետ: Ձեր գահակալության 19-րդ տարեդար-  
ձի օրը հրապարակի վրա է մի նոր հրաշալի հրատարակություն, որը կոչ-  
վում է «Հայկական խաչքարեր»:

Հետպատերազմյան շրջանը ամբողջ հայ ժողովրդի համար նշանավոր-  
վեց որպես բնաշխարհի ժողովրդի և սփյուռքահայության միջև կապերի ան-



Նագախաչառի վերականգնված շենքի հարավային ճակատը

նախընթաց ծավալման շրջան, որը մեզ համար չափազանց մեծ նշանակություն ունի: Դուք չխնայեցիք Ձեր եռամիսյան ու կորովը՝ չափազանց մեծ աշխատանք կատարելով սփյուռքահայության և հայրենի ժողովրդի միջև ամուր կապերը ամխորտակելի դարձնելու ուղղությամբ:

Դուք մեծ ավանդ բերեցիք այն ասպարեզում, որն այժմ հուզում է ամբողջ մարդկությանը, որն ամենակարևոր խնդիրն է հանդիսանում աշխարհի բոլոր ժողովուրդների համար: Դա խաղաղության ամրապնդման գործն է, նրանց դա ժողովուրդների միջև բարեկամության ամրապնդման գործն է. նրանց միջև խաղաղ համագործակցությունն ապահովելու գործը: Այժմ աշխարհի ժողովուրդները տեսնում են, որ այս դժվարին ճանապարհին շատ մեծ հաստատություններ են արձանագրված: Աշխարհի ժողովուրդները տեսնում են սոցիալական պետության տիտանական ջանքերը՝ ամբողջ աշխարհում կայուն խաղաղություն հաստատելու ուղղությամբ: Ուրախ եմ հաստատելու, որ Ձեր այդ գործունեությունը քարծր է գնահատվում հայ ժողովրդի և սովետական Միության մյուս ժողովուրդների կողմից, միջազգային առաջադեմ հասարակայնության կողմից:

Խաղաղության վսեմ գործի ամրապնդման նպատակով այս դահլիճում եղել են ուսն ժողովրդի, մեր Միության մյուս ժողովուրդների, ինչպես նաև քրիստոնեական աշխարհի հեղինակավոր շատ ներկայացուցիչներ:

Այս անցած տարիները նշանակալի են նաև նրանով, որ Դուք բազմաթիվ ուղևորություններ կատարեցիք դեպի արտասահմանի հայ գաղութները, ինչպես նաև եկեղեցական կենտրոնները: Այդ ուղևորությունների նշանակությունը դուրս եկավ հայկական ազգային շրջանակներից և միջազգային լայն արձագանքներ ունեցավ:

Թույլ տվեք ընդգծել նաև, որ հայ եկեղեցու և կրոնական մյուս համայնքների գործունեությունն ապահովվում է խղճի ազատության վերաբերյալ սովետական պետության օրենքների խստիվ պահպանմամբ:

Թույլ տվեք կրկին ողջունել Ձեզ, Ձերդ Սրբություն, և կամենալ քաջաւորություն, երկար տարիների կյանք և Ձեր հայրենասիրական գործունեության մեջ՝ նոր հաջողություններ»:

Այնուհետև Հայոց Հայրապետին շնորհավորում է Արևմտյան Եվրոպայի հայրապետական պատվիրակ և Ֆրանսիայի հայոց առաջնորդ տ. Աերովբե արքեպ. Մանուկյանը.

**Տ. ՍԵՐՈՎԲԵ ԱՐՔԵՊԻՍԿՈՊՈՍ ՄԱՆՈՒԿՅԱՆԻ ՇՆՈՐՀԱՎՈՐԱԿԱՆ ԽՈՍՔԸ ՎԵՀԱՐԱՆԻ ԳԱՀԱՍՐԱՀՈՒՄ**

(1974 թ. սեպտեմբերի 29)

«Վեհափառ Տեր,

Գերաշնորհ Շնորհք պատրիարքը խոսեցավ հանուն հայ եկեղեցվոր քարծրաստիճան հոգևորականության, մեր սիրելի նախարարը՝ պրն. Գասպարյան, խոսեցավ հանուն մեր հայրենի կառավարության, ե՛ս ալ, հավանաբար, եթե թույլ տաք, կարենամ խոսիլ հասարակ եկեղեցականության անունեն, աշխարհի չորս կողմը սփռված Ձեր հարազատ զավակներու անունեն, որոնք այնչափ սիրով և անկեղծությամբ կապված են Ձեր անձին, Ձեր գործին և Մայր Աթոռ ս. Էջմիածնին, և եթե ատոնց վրա թույլ տաք՝ նաև հանուն Գերագույն հոգևոր խորհուրդին:

Վեհափառ Տեր, այսօր ամբողջ հայ եկեղեցիներում մեջ, ըլլան անոնք ի Հայաստան աշխարհի, ըլլան անոնք ի սփյուռս աշխարհի, կհիշատակենք Ձեր բարեբաստիկ զահակալության 18-րդ տարեդարձը: Եվ ավելացնենք, որ մեծ անձկությամբ և մեծ փափագով կսպասենք Ձեր զահակալության 20-րդ տարեդարձին, որ կարենանք այդ առիթով շատ ավելի մեծ հանդիսությամբ և շատ ավելի մեծ փառքով անդրադառնալ Ձեր այդ 20 տարիներու այնչափ պայծառ, այնչափ բեղմնավոր, այնչափ խորունկ կրոնական և հայրենասիրական գործերուն: Ես ինքզինքս թույլ չեմ տար այսօր ատոնց մասին անդրադառնալու, երբ արդեն մեր երկու սիրելի խոսողներուն կողմե ակնարկություն եղավ այդ մասին: Միայն կուզեմ շեշտել, որ, Վեհափառ Տեր, Ձեր անձին հմայքովը լցված է արտասահմանի հայությունը և արտասահմանի մեջ գործող բոլոր եկեղեցական իշխանությունները և կրոնական հաստատությունները: Այս 18 տարիներու ընթացքին մեր պատմության մեջ բոլորովին չտեսնված երևույթ մը, եթե կուզեք՝ հրաշք մը քացվեցավ հայրենի աշխարհին մեջ գտնվող ժողովուրդին և արտասահմանի հայության միջև: Այդ երեվույթը, այդ հրաշքը Դուք եք, որ կատարեցիք, Վեհափառ Տեր: Մեզի համար և ասկե առաջ արտասահման ապրող բոլոր հայության համար Մայր Աթոռ ու Էջմիածինը, հայրենիքը, Արարատը և տակավին Սանահին, Հաղթատ, Տաթևի համալսարան-վանքերը ամուսններ էին, երազներ էին, որոնց միմիայն մտքով կրնայինք հասնիլ: Ձեր զահակալության առաջին իսկ օրերեն թե՛ մայր հայրենիքը և թե՛ Մայր Աթոռ ու Էջմիածինը և թե՛ մեր հայրենիքի մեջ գտնվող բոլոր սրբությունները Ձեր անձով երազ ըլլալեն դադրեցան և իրականություն դարձան: Դուք ուր որ գացիք, Փարիզեն Հռոմ, Նյու-Յորքեն Երուսաղեմ, ամեն տեղ Ձեր շնորհալի անձին հետ տարիք սրբությունները, նվիրականությունները մայր հայրենիքին և Մայր Աթոռ ու Էջմիածին: Եվ ասիկա միմիայն Ձեր Վեհափառության զահակալության շրջանին է, որ տեղի ունեցավ քաղաքական օժանդակությամբ մեր հայրենի կառավարության և ձեռներեցությամբ Ձերդ Վեհափառության:

Վեհափառ Տեր, այսօր, երբ Մայր Աթոռ ու Էջմիածինը, մեր բոլոր սրբությունները և նվիրականությունները և մեր մայր հայրենիքը երազ ըլլալեն դադրած են և իրականություններ դարձած են, այսօր արտասահմանի հայությունը կարծեք թե կզգա, որ Դուք ամեն եկեղեցիի մեջ այսօր ներկա եք, և մենք, ինչպես այսօր, կտեսնենք Ձեզ, կլսենք Ձեզ և անձամբ բախտավորությունը և երջանկությունը ունինք Ձեզի շնորհավորելու, նույն ձևով ալ, վստահ եղեք, որ արտասահմանի ամենապարզ եկեղեցիի ամենապարզ քահանան անգամ երբ պատարագ կընեն և հայրապետական մաղթանք կկատարեն, իր աչքին առջև ունի Ձերդ Սրբության վեհ և քաղցր անձնավորությունը, ասոր հետ նաև՝ Մայր Աթոռ ու Էջմիածինը, անոնց հետ նաև՝ մեր վերածնած մայր հայրենիքը:

Վեհափառ, այս ուրախ առիթով և 18 տարիներու այս բեղմնավոր արդյունքներով էս, հանուն հայ պարզ ժողովուրդին և հանուն պարզ եկեղեցականության, կշնորհավորեմ Ձեզ, Վեհափառ Տեր, մաղթելով Ձեզի առողջ, երկար և ավելի բեղմնավոր տարիներ:

Այս առթիվ, Վեհափառ Տեր, թույլ տվեք կրկին Ձեզի շնորհավորեմ և միմիայն հիշեմ, որ ինչպես անցած տարի, Ձեր զահակալության 18-րդ տարեկիցին առիթով, այս տարի ևս մեր բարձրաստիճան եկեղեցականներուն թիվին վրա ավելացան երեք նորապսակ խոստումնալից և արժանավոր եպիսկոպոսներ:

Ես կմտայեմ, որ Դուք շատ երկար ապրիք և շատ ավելի առիթներ ունենաք Ձեր ձեռքը դնելու շատ արժանավոր եկեղեցականներու վրա, որպեսզի մեր Ավիրապետական Աթոռներու շարունակականությունը միշտ անպակաս մնա՝ ի փառս Աստուծոյ և ի պայծառություն Մայր Աթոռ ս. Էջմիածնի, Հայաստանայց ասաքելական սուրբ եկեղեցւոյ և ի մխիթարություն մեր համայն հավատացյալ ժողովորդի»:

Վերջում շնորհակալության և օրհնության խոսք է ասում Ամենայն Հայոց Վեհափառ Հայրապետը.

ՎԵՎՈՒԹՈՒՆ ՀԱՅՐԱՊԵՏԻ ԾՆՈՐՀԱԿԱԼԱԿԱՆ ԽՈՍՔԸ ՎԵՀԱՐԱՆԻ  
ԳԱՀԱՍՐԱՀՈՒՄ ԻՐ ԳԱՀԱԿԱԼՈՒԹՅԱՆ 18-ՐԴ ՏԱՐԵՆԱՐՁԻ ԱՌԹԻՎ

(1874 թ. սեպտեմբերի 28)

«ԻՄենք պետք է նախ գոհություն տանք Աստուծոյ, որ շնորհեց Մեզ ապրելու այս օրերը, Ըշելու Մեր զահակալության 18-րդ տարեդարձը և միասին ուրախանալու այն իրագործումների համար, որոնք կատարվեցին անցյալ տարիների շրջանին: Սրտագին շնորհակալություն այն բարի խոսքերի համար, որոնք ուղղվեցին Մեր համեստ անձին, խոսքերը ամենապատիվ սրբազան Ծնորդ պատրիարքի, մեծարգո պարոն Սարգիս Գասպարյանի՝ նախագահը եկեղեցական գործերի խորհրդի և ներկայացուցիչը այստեղ մեր հայրենի հարազատ պետության, նաև խոսքերը, ներշնչված խոսքերը գեր. Մերովքե արքեպիսկոպոսի՝ հայրապետական պատվիրակը մեր Արևմտյան Եվրոպայի: Նրանց լսելով և մի պահ պատկերացնելով այն, ինչ որ կարողացանք իրագործել այս 18 տարիների ընթացքում, Մենք անշուշտ ուրախ եղանք, որովհետև իրոք ապարդյուն չանցան այս տարիները: Սակայն և արդար է մտածել, որ այս բոլորը վերագրել միմիայն Մեր ուժերին, անշուշտ որ չափազանցված պիտի լինեն: Թեև այդ բոլորը կապվում են Մեր անվան հետ, Մեր զահակալության շրջանի հետ, բայց իրականությունն այն է, որ այդ բոլորն իրագործվեցին շնորհիվ բարեկաստ պայմանների, որոնք գոյություն ունին մեր երկրում, մեր շուրջ, այստեղ և արտասահմանում: Սերովքե սրբազան հայրը հրաշք բառը օգտագործեց որոշ իմաստով, Մենք էլ համաձայն կլինենք իր հետ, որ իրոք հրաշքի համագոր պետք է նկատել այս բոլորը, բայց, ինչպես գիտենք մեր պատմությունից, մեր եկեղեցու անցյալից, բազում դժվարությունների միջով անցնելուց հետո, երբեմն անբացատրելի կերպով նույնիսկ, կարծեք ի վերուստ եղած մի կարգադրությամբ մեր եկեղեցին և Մայր Աթոռը վերանորոգման ու ծաղկման նոր շրջաններ են ապրել: Իրոք, ռազմաթիվ պայմաններ և տվյալներ ի մի հավաքվեցին, միավորվեցին և ստեղծեցին այսպիսի իրադրություն Մեր զահակալության 18 տարիների ընթացքում: Մենք չենք ուզում կեղծ համեստությամբ հրաժարվել Մեր մասնակցությունից: Անշուշտ որ Մենք աշխատեցինք Մեր կարելին և ավելին անել, մի տեսակ կենտրոնը հանդիսանալ այն բոլոր տվյալներին, ուժերին, որոնք համախմբվեցին, միատեղվեցին Մեր շուրջ: Գուցե Մեր արժանիքն այն եղավ, որ կարողացանք օգտագործել այդ բոլորը, միավորել, ներդաշնակել և մեկ նպատակի ծառայեցնել: Ահա այսպես է որ միացյալ ուժերով՝ հայրենի պետություն, Մեր գործակիցներն այստեղ, Մայր Աթոռում հոգեվորական թե աշխարհական, մեզ գործակցող եղբայրները մեր արտասահմանում, ինչպես հենց ինքը կ. Պոլսո Ծնորդ սրբազան պատրիարքը, ինչ-

պես նաև Երուսաղեմի սրբազան պատրիարքը և մեր բոլոր թեմակալ առաջնորդները և բազում մեծահոգի հայ ժողովրդի զավակներ, բարերարներ Մայր Աթոռ ս. Էջմիածնի, որոնք բոլորը, բոլորը նեցուկ կանգնեցին Մեզ և վճռական դեր կատարեցին իրենց բարոյական և նյութական օժանդակությամբ: Եկեք միասին փառք տանք Աստուծո, որ արժանի արեց մեզ բոլորս, որ դերակատարները լինենք կատարված իրագործումների, և փառք տանք Աստուծո, որ այդ տվյալները և պայմանները գոյություն ունեն նաև այսօր որով Մենք նույն բարեկամական ուժերով շրջապատված, Մեր հոգևոր եղբայրների անմիջական գործակցությամբ պիտի կարողանանք շարունակել Մեր աշխատանքը՝ ի պայծառություն, առավել պայծառություն Մայր Աթոռ ս. Էջմիածնի, Հայաստանյայց եկեղեցու ընդհանրապես, ի միախորություն մեր համայն հավատացյալ ժողովուրդին:

Հրաշքի համազոր է նաև հաստատել մեր պարզ, բանվոր և գյուղացի ժողովրդի սերը և հարգանքը դեպի իր սրբությունները, դեպի իր ավանդությունները, արժեքներ, որոնք մի պահ թվում էին մոռացված լինել, բայց արդեն նրանք վաղուց երևան եկած են լույս աշխարհ, և Մենք տեսնում ենք, ինչպես գունդագունդ մեր ժողովուրդը մոտենում է մեր ս. սեղաններից, մեր նվիրական տաճարների պարիսպներից և իր համբույրով, իր աղոթքով, իր վառած մոմերով ասում է ինչ-որ մի բան այսօր: Մեր ժողովուրդը դարձրել է շարունակ բարձր պահեց իր հոգու դրոշակը և այդպես ապրեց միշտ ներշնչված և միշտ հոգեկան սնունդով հագեցած, միշտ տեղծագործ: Մենք հպարտ ենք մեր ժողովրդով, մեր ժողովրդի հավատքով, մեր ժողովրդի լավատեսությամբ, մեր ժողովրդի աշխատանքով, մեր ժողովրդի հանճարով և մեր ժողովրդի ազնիվ երազանքներով և տեսիլքներով:

Թող Աստված օրհնի մեր սուրբ եկեղեցին և մեր հարազատ և հավատարիմ ժողովուրդը՝ ի Հայաստան և ի սփյուռս աշխարհի: Ամեն:

Կրկին շնորհակալություն ձեր ազնիվ մտածումների և զգացմունքների համար»:

**ՊԱՇՏՈՆԱԿԱՆ ԸՆԴՈՒՆԵԼՈՒԹՅՈՒՆ-ԺԱՇԿԵՐՈՒՅԹ**

Նույն օրը, ժամը 15-ին, Վեհաբանում տեղի է ունենում պաշտոնական ընդունելություն-ճաշկերույթ՝ Վեհափառ Հայրապետի զահակալության 18-րդ տարեդարձի ուրախ առիթով:

Ընդունելությանը ներկա են լինում տ. Շնորհք սրբազան պատրիարքը, տ. Սերափեբ, տ. Կոմիտաս, տ. Զգոն, տ. Հուսիկ, տ. Գարեգին, տ. Վահան, տ. Արսեն, տ. Նարեկ, տ. Գևորգ, տ. Հմայակ, տ. Արիս, տ. Ներսես սրբազանները և Մայր Աթոռի միաբաններն ու այլ հրավիրյալներ:

Հրավիրյալների թվում էին՝ զահակալության հանդիսությունների առիթով Մայր Աթոռ ժամանած սփյուռքահայ բազմաթիվ ուխտավորներ:

Պատվո սեղանի շուրջ, Վեհափառ Հայրապետի կողքին, տեղ է գրավում նաև Հայկական ՍՅՀ Միմիստրների սովետին առընթեր հայ եկեղեցու գործերի խորհրդի նախագահ Ա. Գասպարյանը:

Սեղանն օրհնում է Վեհափառ Հայրապետը:

Խանդավառ մթնոլորտում Վեհափառ Հայրապետի զահակալության տարեդարձը ջերմորեն շնորհավորում են տ. Շնորհք սրբազան պատրիարքը, տ. Սերովբե արքեպ. Մաճուկյանը, պրն. Ա. Գասպարյանը և այլ սեղանակիցներ:

Վեհափառ Հայրապետը բաժակ է բարձրացնում, ի դեմս պրն. Սարգիս

Գասպարյանի, հայրենի բարեխնամ կառավարության հայրենաշեն գործերի հաջողության համար՝ շեշտելով իր երախտագիտությունը դեպի հայրենի կառավարությունը, Մայր Աթոռի գործերի հաջողության մեջ կարևորությամբ նշելով նրա բարոյական ու օրինական օժանդակությունը:

Այնուհետև Հայոց Հայրապետը երկրորդ քաժակն առաջարկում է բարձրացնել հայ հոգևոր դասի և, մասնավորաբար, Գործապետական երեք եպիսկոպոսների կենացը: Նորին Արքեպիսկոպոսին այս առթիվ շնորհավորում է Գործապետականը՝ տալով նրանց եպիսկոպոսական պանակեք, որպես եպիսկոպոսական իշխանության արտաքին նշան, և ցանկանում նրանց տեսնել հայ եկեղեցուն և հայ ժողովրդին լավագույն ծառայողների շարքում:

Այս Ամենայն Հայոց Հայրապետին ուղղված շնորհակալական և երախտագիտության որդիական ջերմ խոսք են ասում Գործապետական սրբազանները:

### ՆՈՐԱՊՍԱԿ Տ. ՀՄԱՅԱԿ ԵՊՍ. ԻՆԴՈՅԱՆԻ ԽՈՍՔԸ

«Զերդ Վեհափառություն,

Հովհաննես Ռսկեպերան Հայրապետ իր քարոզներեն մեկուն մեջ, բնաբան ունենալով Մատթեոս Ավետարանի «Գոհանամք զԷԷՏ ՏԷՐ երկնի և երկրի...» համարը, երախտագիտությունը համարում է քրիստոնեական առաքինություններու մայրը, ազնվական զգացումներու աղբյուրը:

Ամերիկայի Միացյալ Նահանգներն ու Կանադան տարվան մեջ մասնավոր հանդիսավոր օր մը հատկացուցած են երախտագիտության, որ տարվան հինգ մեծագույն տոնախմբումներեն մին է այդ երկիրներուն:

Բնական է երախտագիտությունը բարիքի մը, օգնության մը, գնահատանքի մը կամ տրված շնորհի մը գիտակցությունն է: Իսկ երախտապարտությունը, խղճամիտ և գիտակից անհատին համար ծանր պատասխանատվություն է:

Կյանքիս այս կարևոր հանգրվանի պահուն, գիտեմ թե ասպարեզակիցներես բացառիկ քիչերու երախտապարտ մնացած եմ, հակառակ շատերու օգտակար եղած ըլլալուս: Այդ բացառիկ քիչերն եղած են իմ հոգևոր ծնողներս: Առաջին, հոգեյույս Գուշակյան պատրիարք, որ ոչ միայն իմ ուսուցիչս և գիտակրոն քահանա ձեռնադրողն եղած է, այլ նաև պաշտպանս: Երկրորդ, Զերդ Վեհափառությունը, որ ինձի շնորհած է Հայաստանյայց եկեղեցվո շարժրագույն երկու աստիճանները՝ ծայրագույն վարդապետությունն ու եպիսկոպոսությունը, որոնց համար խորապես երախտապարտ եմ: Ուրախ եմ և երախտապարտ Զերդ Ս. Օծության շնորհներուն արժանանալուս համար, վասնզի իրավամբ Դուք մեծագույն և շինարար Հայրապետն եք Ամենայն Հայոց: Դուք հայ ժողովուրդեն թե օտարներեն սիրված, հարգված և մեծարված Հայրապետն եք Ամենայն Հայոց: Դուք իմաստուն, շրջահայաց և տնտեսագետ Հայրապետն եք Ամենայն Հայոց, որ այս 19 տարվան ընթացքին կարգավորած և բարեզարդած է Մայր Աթոռ ս. Էջմիածինը ամբողջովին:

Ինձի համար ուրախություն է Զերդ հայրապետական հովանիին ներքև ծառայել Մայր Աթոռին, Հայաստանյայց առաքելական ս. եկեղեցիին, հայ ժողովուրդին և անարգել ուռճացող մեր սիրելի հայրենիքին՝ Սովետական Հայաստանին:

Կփափագիք քաժակ շարժրացնել Զերդ Ս. Օծության արևշատության և գալիք բազմաթիվ տարիներու Զեր փառալի գահակալությանն»:

## ՆՈՐԱՊՍԱԿ Տ. ԱՐԻՍ ԵՊՍ. ԾԻՐՎԱՆՑԱՆԻ ԽՈՍՔԸ

«Վեհափառ Տեր,

Արքազան և հոգևոր եղբայրներ,

Հարգելի սեղանակիցներ,

Այսօր հոգեկան խոր և խառն ապրումների օր է ինձ և օծակից երկու արքազան եղբայրներիս համար, որովհետև Նորին Արքայության բարեհաճ որոշումով և ձեռնադրությամբ մենք կոչվեցինք եպիսկոպոսական բարձր աստիճանի: Մենք ունենք այն խորունկ գիտակցությունը, որ սա աշխարհիկ իմաստով փառք ու պատիվ չէ, այլ սրանով մեր ուսերին վրա կդրվի ավելի ծանր և յուրջ պատասխանատվություն՝ ծառայելու համար Հայաստանյայց եկեղեցուն և հայ ժողովրդին, լինի Հայաստանում կամ լինի արտասահմանում:

Մենք երեկ իջնան ս. սեղանի առաջ ուխտեցինք արքայամբ պահել և պահպանել Հայաստանյայց եկեղեցու կանոնները, ավանդությունները և այն բոլոր սրբությունները, որոնք հատկանշում են հայ եկեղեցին, և հավատարիմ մնալ Նորին Վեհափառության հրահանգներին: Կվստահեցնեմք, որ մեր ապագա գործերը վկայությունը պիտի լինեն մեր ուխտին:

Անցնող երկու տարիները Մայր Աթոռում ինձ համար եղան հոգեկան մեծ քավարարության տարիներ: Ավելի մոտեն ճանաչեցի Նորին Արքայության վեհ անձնավորությունը, Մայր Աթոռ սուրբ Էջմիածինը և նրա կարևոր տեղն ու դերը մեր եկեղեցու կյանքի մեջ: Ծառ բան առի նրանցից և մայր հայրենիքից: Եվ այժմ Նորին Արքայության կարգադրությամբ պիտի գնամ հովվելու և կազմակերպելու Կանադայի շրջանը որպես թեմ: Ուժերիս ներածին չստիով պիտի աշխատեմ վրաս դրված հույսերը լիովին արդարացնել՝ ամուր հիմերի վրա դնելով նոր կազմվելիք թեմը:

Այս առիթով կուզեի իմ որդիական ջերմ շնորհակալությունը և երախտագիտությունը հայտնել Նորին Արքայություն Տ. Տ. Վազգեն Ա կաթողիկոսին Ամենայն Հայոց՝ իմ հանդեպ ցուցաբերած հայրական հոգածության և եպիսկոպոսական այս բարձր աստիճանը շնորհելուն համար: Թող Աստված երկար կյանք և առողջություն պարգևե Վեհափառ Հայրապետին:

Նույնպես մասնավոր շնորհակալություն կուզեի հայտնել մեր հայրենի պառավարության ներկայացուցիչ՝ Միսիստրների սովետին կից հայ եկեղեցու գործերի խորհուրդի նախագահ պարոն Սարգիս Գասպարյանին և նրա տեղակալ պարոն Սուրեն Հովհաննիսյանին, որոնք հնարավոր դարձրին անցնող երկու տարիների իմ կեցությունը այստեղ:

Պիտի ավարտեմ ասելով, որ Վեհափառ Հայրապետը անցնող տասնիվ տարիների իր գործունեությամբ հանդիսացավ այն ոսկե կամուրջը, որ հոգեկան անտեսանելի կապերով Հայաստանը միացրեց սփյուռքին և սփյուռքը՝ Հայաստանին: Կասկած չկա, որ Կանադայի մեր հավատավոր զավակները ևս կսիրեն մայր հայրենիքը և Մայր Աթոռ ս. Էջմիածինը: Իմ պարտականությունը պիտի լինի նրանց սրտերում արծարծ և անջեջ պահել եկեղեցասիրության, Էջմիածնասիրության և հայրենասիրության ոգին»:

## ՆՈՐԱՊՍԱԿ Տ. ՆԵՐՍԵՍ ԵՊՍ. ՊՈԶԱՊՈՒՅԱՆԻ ԽՈՍՔԸ

«Վեհափառ Տեր,

Ամենապատիվ պատրիարք սրբազան հայր,

Մեծարգո տիար Ս. Գառպարյան,

Սրբազան հայրեր,

Հարգարժան հյուրեր.

Ամենայն Հայոց Հայրապետ Տ. Տ. Վազգեն Ա կաթողիկոսի գահակալության 19-րդ տարեդարձի հանդիսությանց առթիվ մեզ՝ երեք վարդապետներին, Հայոց Հայրապետի ձեռամբ շնորհվեց եպիսկոպոսական բարձր ատիճան:

Ժողովք երկու հազար տարիներ առաջ, Պենտեկոստեին, Վերնատնում, աշակերտների վրա հրեղեն լեզուների կերպարանքով երկնքից իջավ ս. Հոգին, վերակերտեց խեղճուկ ձկնորսներից՝ դարձնելով նոր կրոնի ուսուցիչներ և մարդկային պատմության ընթացքը հեղափոխողներ:

Նույն ս. Հոգին ս. Թադեոս և ս. Բարթողիմեոս առաքյալների միջոցով եկավ Հայաստան աշխարհ: Նրա կենարար շնորհների առատությունից դարեր շարունակ հագեցան ս. Գրիգոր Լուսավորիչ և բոլոր եռամեծ հայրապետներն ու վարդապետները մեր:

Վեհափառ Տեր, Ձեր աղոթքներով և Ձեր աստվածատուր շնորհներով ապստ ս. Էջմիածնի դարավոր այս կամարների տակ նույն կենարար ս. Հոգին դարերի խորքից բխող, բայց հավիտենապես նոր, փոխանցվում է մեզ՝ իջնելու մեր էությունը և մեզ վերակերտելու համար:

Այս սրբազան պահին անդրադարձը ունենք, թե քանի-քանիներ մեզ նման այս կամարների տակ երկյուղածությամբ ծնրադրել են «առտուածային և երկնատր շնորհ»-ին առջև: Այսպես է, որ մեր սրբազան պատմությունը կերտվում է քար առ քար, դրվագ առ դրվագ:

Մեր կյանքի ու գործունեության ընթացքում կրկին պիտի ապավինենք Ձերոջ Սրբության աղոթքների ուղեկցության, որպեսզի միշտ ուժեղ զգանք մենք մեզ: Մեր հերթին միշտ աղոթողները պիտի լինենք վասն արևշատության Հայոց Հայրապետին:

Թող օրհնյալ և պայծառ մնա հայ հոգու հավիտենական վեմը՝ ս. Էջմիածին:

Թող երկար, երկար ապրի հայ ժողովրդի Հայրը՝ մեր առաքելաշնորհ Հայրապետը»:

Պաշտոնական ընդունելություն-ճաշկերույթն ավարտվում է Վեհափառ Հայրապետի գոհաբանական աղոթքով:





## ԿԵՐԱՇՆՈՐՀ Տ. ՀՄԱՅԱԿ ԵՊԻՍԿՈՊՈՍ ԻՆՌՈՅԱՆ

Նորապսակ տ. Հմայակ եպիսկոպոսը, ավագանի անունով՝ Ազատ, մականունով՝ Հովսեփյան, ծնվել է 1808 թվականին Քղի գավառի Ապողնակ գյուղում:

Ապրիլյան եղեռնին ծնողների նախաօգնությունից հետո, որբացել է և ընկել Մայրաթիայի, Սեբաստիայի և ասպա Կորնթոսի ամերիկյան Նիքո Իստ Ռիլիֆի որբահոցները:

1827 թվականին, լուսահոգի տ. Եղիշե Ինուրյան պատրիարքի օրով, ընդունվել է Երուսաղեմի ս. Հակոբյանց վանքի Ժառանգավորաց վարժարան, որն ավարտել է 1832-ին, իսկ 1832—1835 թվականներին սովորել և ավարտել է ընծայարանի բաժնի՝ փայլուն հաջողությամբ:

1833 թվականին տարկավագ և 1836-ին՝ չուսակրոն քահանա է ձեռնադրվել լուսահոգի տ. Թորգոմ պատրիարք Գուշակյանի ճեղամբ:

Այնուհետև երիտասարդ հոգևորականի ստաջ բացվել է վանական, վարչական և ինովական ծառայության դաշտ:

1836—1845 թվականներին Երուսաղեմի լուսայոց ս. Հակոբյանց վանքում վարել է պատասխանատու պաշտոններ. եղել է սրբազան պատրիարքի գավազանակիր, մատարար, Տնօրեն ժողովի անդամ, միաժամանակ դասավանդել է մի շարք եկեղեցափրկական-կրոնական առարկաներ Ժառանգավորաց վարժարանում, ընծայարա-

նում և ս. Թորգոմանչաց նախակրթարանում:



1842 թվականին ստացել է վարդապետական, իսկ 1855-ին՝ ծայրագույն վարդապետական իշխանություն:

1945—1968 թվականներին պաշտոնավարել է որպես հոգևոր հովիվ նախ Հայֆայի ս. Եղիա եկեղեցում և ապա առավելապես՝ Կանադայի և Հյուսիսային Ամերիկայի արևելյան թեմի եկեղեցիներում, այդ թվում՝ Հեյվըր Հիլի ս. Գրիգոր Լուսավորիչ, Լորենսի, Յունիզն Սիտիի, Նյու-Յորքի ս. Խաչ եկեղեցիներում և Թրոյի ս. Պետրոս եկեղեցում:

1951—1955 թվականներին եղել է ԱՄՆ-ի հայոց արևելյան թեմի թեմական խորհրդի անդամ և առեմապետ: Որպես եկեղեցական պատգամավոր 1955 թվականի հոկտեմբերին ս. Էջմիածնում մասնակցել է Տ. Տ. Վազգեն Ա Ամենայն Հայոց Հայրապետի ընտրության, օծման և գահակալության հանդիսություններին:

Տ. Հմայակ եպիսկոպոսը զբաղվել է նաև գրականությամբ և հրապարակախոսությամբ: Նա աշխատակցել է «Սիոն» և «Հայաստանյայց եկեղեցի» ամսագրերին և ա-

մերիկահայ առաջադիմական մամուլին: Նրա գրչին են պատկանում «Ծանանչներ», «Ընդհանուր նշումներ» (Ա և Բ հատորներ) և «Հայրապետական պատվիրակությունի թեմերում» հուշագրական աշխատությունները:

Տ. Հմայակ եպիսկոպոսն իր եսին ունի շուրջ 40 տարիների եկեղեցական, կրթական, հովվական և քարոզչական քեղուն գործունեություն:

1974 թվականի օգոստոսին տ. Հմայակ ծ. վարդապետը Վեհափառ Հայրապետի կողմից հրավիրվել է աշխատանքի Մայր Աթոռ և սեպտեմբերի 29-ին եպիսկոպոս ձեռնադրվել՝ օծակից ունենալով տ. Ներսես և տ. Արիս ծ. վարդապետներին:

Տ. Հմայակ եպիսկոպոս Ինդոյանը հայ եկեղեցու կարգ ու կանոնին նախանձախընդիր, պարտաճանաչ, ծառայասեր հոգևորական է, որ յուրովյաճն և նվիրումով ծառայել է մեր ժողովրդի հոգևոր սպասին:





## ԳԵՐԱՇՆՈՐՀ Տ. ԱՐԻՍ ԵՊԻՍԿՈՊՈՍ ԾԻՐՎԱՆՅԱՆ

Նորապսակ տ. Արիս եպս. Ծիրվանյանը ծնվել է 1834 թվականի հուլիսի 23-ին Հայ-ֆա (Պաղեստին) քաղաքում: Ավագանի անունով՝ Արմենակ:

Սրբազանն իր նախնական կրթությունը ստացել է տեղի հայոց ս. Եղիա վարժարանում և այն ավարտել 1847-ին:

Մի որոշ ժամանակ նա հաճախել է նաև տեղի ֆրեյերների ֆրանսիական վարժարանը:

1848 թվականին ծնողների հետ գաղթել է և հաստատվել Բեյրութում, ուր հաճախել է Նոր Մարտչի ս. Բառասուն Մանկանց վարժարանը, որն ավարտել է 1850-ին:

1852 թվականին ընդունվել է Երուսաղեմի հայոց ժառանգավորաց վարժարանը:

1854 թվականին սարկավագ է ձեռնադրվել:

Հաջորդ տարիներին մասնակցել է Լոնդոնի համալսարանի «Ծեցերըլ Սերտիֆիկեյտ օֆ Էկզեմինեյը»-ին և ստացել համապատասխան վկայական:

1857 թվականին ավարտել է ընծայարանի բաժինը փայլուն հաջողությամբ և կուսակրոն քահանա ձեռնադրվել՝ վերանվանվելով տ. Արիս արեղս:

Կայուն և անհրաժեշտ կրոնական գիտելիքների տեր ու պատրաստված հոգևորական, սրբազանը ս. Աթոռում վարել է պատասխանատու պաշտոններ. նշանակվել է ժառանգավորաց վարժարանի փոխ-տեսուչ, գավազանակիր և ապա 1858—1860 թվականներին պաշտոնավարել որպես հոգևոր տեսուչ Ամմանի հայոց:

1860 թվականին տ. Արիս սրբազանը մեկնել է Լոնդոն՝ կատարելագործելու իր ու-

սումը: 1864-ին ավարտել է Լոնդոնի Տար-հրմի աստվածաբանական ֆակուլտետը պատվո հիշատակությամբ և ստացել աստ-



վածաբանության «Պսակավոր արվեստից» աստիճան:

Այնուհետև տ. Արիս սրբազանը հովվական պաշտոն է վարել Փարիզում, ս. Հովհաննես Մկրտիչ եկեղեցում, և միաժամա-

նակ հետևել «Էմստիտյու կաթոլիկ» համալսարանի դասընթացներին: 1966 թվականի հոկտեմբերին մեկնել է Լոս-Անջելոս՝ որպես հոգևոր հովիվ տեղի հայոց ս. Հակոբ եկեղեցու:

Կալիֆոռնիայի թեմում ծառայելիս տ. Արիս սրբազանը ծավալել է քարոզչական, հովվական քեղուն գործունեություն և ընտրվել թեմական խորհրդի անդամ և ատենապետ:


1972 թվականին Վեհափառ Հայրապետի կողմից հրավիրվել է աշխատանքի Մայր Աթոռ՝ որպես հոգևոր ճեմարանի փոխ-տեսուչ:

1973—1974 ուսումնական տարում տ. Արիս սրբազանը վարել է հոգևոր ճեմարանի տեսչի պաշտոնը:

1974 թվականի սեպտեմբերի 29-ին Վեհափառ Հայրապետի կողմից տ. Արիս ծ. վարդապետը եպիսկոպոս է ձեռնադրվել և նշանակվել Կանադայի հայոց առաջնորդական փոխանորդ:

Տ. Արիս սրբազանը մեր եկեղեցու պատրաստված, խոստումնալից հոգևորականներից մեկն է, որ յուրովսանն ծառայել է հայ եկեղեցուն, ուր որ տարել է նրան կոչումի ձայնը և հոգևոր ծառայության գիտակցությունը:





## ԳԵՐԱՃՆՈՐՀ Տ. ՆԵՐՍԵՍ ԵՊԻՍԿՈՊՈՍ ՊՈԶԱՊԱԼՅԱՆ

Նորապսակ տ. Ներսես եպս. Պոզապալ-  
յանը, ավագանի անունով՝ Հակոբ, ծնվել է  
1897 թվականի հուլիսի 5-ին Գըրրզ Խա-  
նում (Կիլիկիա), արհեստավորի ընտանի-  
քում:

1898 թվականին ընտանիքով գաղթել է և  
հաստատվել Բեյրութում, ուր ստացել է իր  
ճախնական կրթությունը, տեղի հայկական  
Նուպարյան վարժարանում:

1951 թվականին ընդունվել է Անթիլիասի  
Դպրեվանքը, ուր սովորել է և մնացել մին-  
չեվ 1955 թվականի հունիս ամիսը:

1955—1957 թվականներին սովորել է  
Էջրեֆիե թաղամասում գտնվող Կենտրոնա-  
կան վարժարանում:

1957 թվականի սեպտեմբերին ծնողների  
հետ ներգաղթել է հայրենիք և քնակություն  
նստատեսել Երևանում:

Տ. Ներսես սրբազանն ապրելով քարե-  
պաշտ և հոգեսեր ընտանեկան հարկի տակ,  
մանկությունից իր մեջ զգացել է խորունկ  
սեր դեպի հոգևորական ասպարեզը և Աս-  
տուծո սեղանին ծառայելու կոչումը: Այդ նը-  
պասակով էլ, հայրենիք ներգաղթելուց հե-  
տո, 1957 թվականին ընդունվել է ս. Էջ-  
միածնի հոգևոր ճեմարան, որի լսարանա-  
կան բաժինը փալլուն հաջողությամբ ա-  
վարտելով, 1960 թվականին սարկավագ,  
իսկ 1961 թվականին Վեհափառ Հայրապե-  
տի ձեռքով կուսակրոն քահանա է ձեռնա-  
դրվել վերանվանվելով տ. Ներսես արե-  
ղա: Որպես հմուտ եկեղեցական երա-  
ժըշտության և արարողության, սույն թվա-  
կանին էլ նշանակվել է Մայր տաճարի լու-  
սարարապետի օգնական, միաժամանակ  
գավազանակիր Հայոց Հայրապետի և դա-  
սախոս հոգևոր ճեմարանում:

Տ. Ներսես սրբազանն իր կրոնական, ե-  
կեղեցագիտական կրթությունը խորացնելու

համար 1963—1965 թվականներին սովորել  
է Լոնդոնի «Հարության կոլեջ»-ի աստվա-  
ծաբանական ֆակուլտետում և, անգլիկան  
եկեղեցու մասին գրած իր թեզով, ստացել  
«Լամբեթի աստվածաբանության» տիտղոս:



Այնուհետև վերադառնալով Մայր Աթոռ,  
1965—1968 ուսումնական տարիներին պա-  
տասխանատվությամբ և արդյունավորու-  
թյամբ վարել է հոգևոր ճեմարանի տեսչի  
պաշտոնը:

1968 թվականին կոչվել է Ծվեյցարիայի  
հայոց հոգևոր հովվության պաշտոնին, ուր  
մնացել է մինչև 1971 թվականը:

Շվեդարիա գտնված ծամանակ, 1869—1870 թվականներին, կատարելագործել է իր ուսումը Ժճևի էկումենիկ ինստիտուտում: 1872 թվականից մինչև 1874 թվականի հունիս ամիսը եղել է հոգևոր հովիվ Լոնդոնի հայոց ս. Սարգիս եկեղեցու:

1874 թվականը նույն ամսին ընտրվել է Լոնդոնի հայոց հոգևոր տեսուչ և Ամենայն Հայոց Վեհափառ Հայրապետի սրբատառ կոնդակով նշանակվել հայրապետական պատվիրակ Մեծ Բրիտանիայի և հայ եկեղեցու ներկայացուցիչ Քենտրբերիի և համայն Անգլիայի արքեպիսկոպոսի մոտ:

Տ. Ներսես եպիսկոպոսը 1868 թվականից Եկեղեցիների համաշխարհային խորհրդի կենտրոնական կոմիտեի անդամ է:

1870 թվականին ընտրվել է Աստվածաշունչային համաշխարհային ընկերության Եվրոպայի բաժնի գործադիր կոմիտեի անդամ:

Տ. Ներսես եպ. Պողոսապյանը գտնվում է իր հոգևոր ու մտավոր ուժերի ծաղկման հասուն շրջանում, իր կոչման բարձրության վրա:

1874 թվականի սեպտեմբերի 28-ին տ. Ներսես ծ. վարդապետն Ամենայն Հայոց Վեհափառ Հայրապետի ձեռքով Մայր տաճարում եպիսկոպոս է ձեռնադրվել՝ որպես հոգևոր տեսուչ և հայրապետական պատվիրակ Անգլիայի հայոց:

• •

«Էջմիածին» ամսագրի խմբագրությունը շնորհավորում է նորապսակ տ. Հմայակ, տ. Արիս և տ. Ներսես սրբազաններին՝ մաղթելով նրանց հետագա հաջողություններ, իրենց հոգևոր-ազգային գործունեության ճանապարհի վրա:





## ՅՈԹԱՆԱՍՈՒՆՀԻՆ ԳԱՄՅԱԿ ՊՐՈՖ. ՍԱՐԳԻՍ ՄԵԼԻՔՍԵԹՅԱՆԻ

Լրացավ Գերագույն Ռոզևոր խորհրդի անդամ, արվեստագիտության դոկտոր, Հայկական ՍՍՀ արվեստի վաստակավոր գործիչ, թատերագետ և մանկավարժ, գրող ու հրապարակագիր պրոֆ. Սարգիս Մելիք-սեթյանի հենդյան յոթանասունհինգամյակը: Հորեյարը ծնվել է 1899 թվականի սեպտեմբերի 5-ին Գանձակում (այժմ՝ Կիրովաբադ):

Երիտասարդ հասակից զբաղվել է հայ բեմարվեստի հարցերով և ունեցել մեծ սեր դեպի թատրոնը: Տասնութ տարեկան հասակում Թիֆլիսում հուլմիսկ անձնավես մասնակցել է կազմակերպված ներկայացումների և արել գրական փորձեր:

1921 թվականին մի քանի հայ մտավորականների նետ հա առաջիններից մեկն է եղել, որ հաստատվել է Երևանում և այնուհետև իր ողջ կյանքը նվիրել հայ թատրոնի, հայ գիր ու գրականության, հայ մանկավարժության զարգացման շնորհակալ աշխատանքներին:

Երևանում Ա. Մելիքսեթյանը վարել է հայ մամուլի տարբեր օրգաններում պատասխանատու պաշտոններ:

1927 թվականին Հայաստանի արվեստի աշխատողների արհեստակցական միության համագումարում ընտրվում է հանրապետական վարչության նախագահ:

1930 թվականին աշխատանքի է հրավիրվում «Հայկինո»-ում որպես սցենարական քաժնի վարիչ և ապա որպես վարչության նախագահ-դիրեկտորի տեղակալ:

1936 թվականին երբ Երևանում կազմակերպվում է Արվեստի գործերի վարչություն, Ա. Մելիքսեթյանը նշանակվում է թատերական բաժնի վարիչ:



Հորեյարն ակտիվ մասնակցություն է ունենում նաև Երևանի թատերական թանգարանի ստեղծման գործում, որտեղ նա,

որպես տնօրեն, աշխատում է անընդմեջ տասնչորս տարի:

1944 թվականին երբ հիմնադրվում է Երեվանի թատերական արվեստի ինստիտուտը, հորեյարը լինում է քարձրագրող և թատերական այդ հաստատության և՛ դասախոս, և՛ թատերագիտական ֆակուլտետի առաջին դեկանն ու ապա նույն ֆակուլտետի ամբիոնի վարիչը:

Ս. Մելիքսեթյանը թատերական ինստիտուտում առաջինն էր, որ մշակում է հայ թատրոնի պատմության առարկան:

Հորեյարը Հայաստանի թատերական ընկերության հիմնադիրներից մեկն է: Երկար տարիներ նա եղել է նաև Գ. Սունդուկյանի անվան Աշխատանքային կարմիր դրոշի շքանշանակիր դրամատիկական թատրոնի գեղարվեստական խորհրդի անդամ:

Ս. Մելիքսեթյանի անունը կապվում է նաև, որպես ավագ գիտական աշխատող, Հայաստանի գիտությունների ակադեմիայի արվեստի սեկտորի և ապա Ե. Չարենցի անվան գրականության և արվեստի թանգարանի աշխատանքների հետ՝ որպես դիրեկտոր:

Ս. Մելիքսեթյանի քարեխիղճ և հետևողական, կազմակերպչական աշխատանքների շնորհիվ այդ թանգարանն այժմ դրվել է ոչ միայն իր գիտական քարձր մակարդակի վրա, այլև այն հանդիսանում է հայ մշակույթի և մեր հոգևոր կյանքի կարևորագույն օջախներից մեկը: Ս. Մելիքսեթյանը թանգարանի արխիվային ֆոնդերը հարստացնելու համար սերտ կապ է պահպանում սիլիոնի գանազան մշակութային կենտրոնների, կազմակերպությունների և անհատների հետ:

Հորեյարն իր վարչական, կազմակերպչական, մանկավարժական աշխատանքներին գումարեռ զբաղվել է նաև գիտական ուսումնասիրություններով, եղել է քեղուն ստեղծագործող: Նրա գրչին են պատկանում հայ թատերական արվեստին և նրա անվանի գործիչներին նվիրված մի շարք գիտական, ծավալուն աշխատություններ և ուսումնասիրություններ ու մի քանի հարյուրի հասնող հոդվածներ:

Ս. Մելիքսեթյանի, որպես թատերագետի և թատերական քննադատի, երկար տարիների տքնաջան աշխատանքների խորք գիտական եզրահանգումների, որոնող ու անհանդարտ մտքի, հոգեկան կորույթի և նրվիրումի ու ստեղծագործական լայն ընդգրկումների արգասիքն են նրա քեղմնավոր գրչին պատկանող «Հովհաննես Աթեյ-

յան», «Ուրվագիծ սովետահայ թատրոնի պատմության», «Գևորգ Չմշկյան», «Թատերական ակնարկներ», «Մեր թատրոնի ուղին», «Երևանի պետական թատրոնը», «Մտերմական Շիրվանզադեն», «Մեծ արվեստի ուժը», «Կյանք ու քեմ», «Շեքսպիրը և մերոնք» և այլ աշխատություններ, որոնք թաղում կողմերով հարստացրել են հայ մշակույթի գանձարանը և լուսաբանել հեղինակությամբ, սկզբունքայնությամբ ու հանախ արվեստագետի կրթությամբ հայ թատրոնի անցյալն ու ներկան:

Արդարև Ս. Մելիքսեթյանը իր գործով և գրչով հանդիսանում է հայ մշակույթի անխոնջ երախտավորներից մեկը:

Վերջին տասը տարիների ընթացքում Ս. Մելիքսեթյանի անունն ու աշխատանքը կապված է եղել նաև Մայր Աթոռում Ամենայն Հայոց Վեհափառ Հայրապետի գործունեության հետ:

1985 թվականին բազմալսաստակ գիտնականը Հայոց Հայրապետի հրավերով իր փորձառությամբ և իր հարուստ գիտելիքներով շնորհակալ իր մասնակցությունն է բերել «Էջմիածին» ամսագրի հրատարակության աշխատանքներին՝ որպես խմբագրական մարմնի ժրջան անդամ:


Այնուհետև 1969 թվականից, որպես Գերագույն հոգևոր խորհրդի անդամ, Ս. Մելիքսեթյանն իր օգտակար ծառայությունն է բերել նույնպես Հայոց Հայրապետի եկեղեցաշեն, հայրենանվեր ու խաղաղասիրական գործունեությանը:

Ս. Մելիքսեթյանը 1971 թվականին պաշտպանել է իր դոկտորական դիսերտացիան և արժանացել արվեստագիտության դոկտորի աստիճանի:

Հորեյարն իր ետին ունի ավելի քան 50 տարիների քեղուն, ստեղծագործական, բազմակողմանի աշխատանք և ծառայություն: Այսօր էլ նա իր կյանքի 75-ամյակի սեփին տոգորված է երիտասարդական նույն եռանդով ու հոգեկան կորովով՝ շարունակելու իր սիրած գործը՝ ի փառս հայ մշակույթի և մեր վերածնված հայրենիքի ու ժողովրդի:

«Էջմիածին» ամսագրի խմբագրությունը, հանուն Հայոց Հայրապետի և Գերագույն հոգևոր խորհրդի, ջերմորեն շնորհավորում է հորեյարին՝ իր ծննդյան 75-ամյակի առթիվ, և սրտագին քարեմաղթում նրան քաջառողջություն, երկար տարիներ՝ չալակասող եռանդով ու ստեղծագործական նոր հաջողություններով հարստացնելու համար հայ մշակույթի գանձարանը:





## ՄԱՀ ՏԻՐԱՄՈՐ՝ ՍԻՐԱՆՈՒՅԾ ՊԱՆՃՅԱՆԻ (1884—1974)

### Մայր որդով բերկրեալ

Ոչ ևս է նա՝ բոլորից սիրված և հարգված Տիրամայրն ամենայն հայոց՝ Սիրանուշ Պալճյանը:

1874 թվականի հոկտեմբերի 7-ին, երկուշաբթի գիշեր, Վեհարանի իր բնակարանում, կարճատև հիվանդությունից հետո, 90 տարեկան հասակում, «ի Տէր հանգեաւ» մեր թանկագին Տիրամայրը:

Ծանր է մանավանդ Հայոց Հայրապետի վիշտը:

Հանգուցյալ Տիրամայրը ծնվել է Ադրիանապոլսում, 1884 թվականին, Մարգարյան քարեպաշտ հայ արհեստավորի ընտանեկան հարկի տակ: Տիրամոր ծնողները եղել են բնիկ ոտտոսթոցիներ: Չորս տարեկան հասակում Տիրամայրը դժբախտությունն է ունենում կորցնելու իր մորը և փոխադրվում է Ռոտոսթո, իր մորաքրոջ մոտ, ուր մեծանում և դաստիարակվում է հայկական ավանդությունների ոգով:

Ռոտոսթոյում ստանալով իր նախնական կրթությունը, Տիրամայրը վաղ հասակից իր հոգում սրտացիկ կրչում է զգում նվիրվելու ուսուցչության: 1900 թվականին, դեռ մանկամարդ օրիորդ, նա Ռոտոսթոյում որպես ուսուցչուհի պաշտոնավարում է տեղի ս. Թագավոր թաղի Հովնանյան վարժարանում և ապա ս. Խաչ թաղի Հիսուսյան դպրոցում:

1907 թվականին Տիրամայրը հաստատվում է Բուխարեստ, ուր ամուսնանում է ոտտոսթոցի, արհեստով կոշիկակար Արրահան Պալճյանի հետ: Այս երջանիկ ամուսնությունից էլ 1908 թվականի սեպտեմբերի 20-ին ծնվում է նորակազմ այդ ընտանիքի միակ զավակը՝ Լևոն-Կարապետը՝ Ամենայն Հայոց ապագա կաթողիկոսը:

Բուխարեստում Տիրամայրն առաջին իսկ

օրից գործոն մասնակցություն է ունենում տեղի նորակազմ փոքրաթիվ հայ համայնքի կրթական, հասարակական, ազգային-մշակութային կյանքում: Տիրամոր և մի խումբ կրթասեր ոտտոսթոցի տիկիների ջանքերով 1908 թվականին Բուխարեստում բացվում է հայոց ազգային վարժարանը, որը հետագայում հանդիսանում է Բուխարեստի զարգացող ու կազմակերպվող հայկական համայնքի կրթական վառ օջախներից մեկը:

1914—1916 թվականներին Տիրամայրը, որպես Բուխարեստի կարմիր խաչի վարչության ժրաջան անդամ, գործոն մասնակցություն է ունենում հայ կամավորական շարժման օգնություն կազմակերպելու հայրենակիներ գործում:

1916 թվականի ձմռանը ոտտոսթոցի բազում հայ ընտանիքների հետ միասին Պալճյան ընտանիքը նույնպես Բուխարեստին մոտեցող և թուրքերի դաշնակից գերմանական բանակների ստույգ վտանգի առաջ հեռանում է քաղաքից և, որպես ֆաղթական, հաստատվում Օդեսա քաղաքում, ուր մնում է մինչև 1919 թվականը: Օդեսայում էլ Տիրամայրը մասնակցում է գաղթական հայերի կրթական գործին: Նա պաշտոնավարում է գաղթական հայ մանուկների համար բացված հայկական վարժարանում, և ուր հաճախում է նաև Լևոն-Կարապետը:

Զինադադարից հետո Պալճյան ընտանիքը վերադառնում է դարձյալ Բուխարեստ:

1920—1930 թվականներին, ատոցին իր աշխատանքներին զուգընթաց, Տիրամայրը նվիրվում է իր միամոր որդու դաստիարակության գործին՝ շարունակելով նաև իր մասնակցությունը բերել հայ համայնքի

կրթական, հասարակական կյանքին, աշխատակցելով միաժամանակ հայր Մկրտիչ Պոտուրյանի «Երկիր» շաբաթաթերթին:  
 1928—1930 թվականներին Տիրամայրը ստանձնում է նաև Բուխարեստում օտար վարժարաններ հաճախող հայ աշակերտներին հայերեն լեզվի կիրակնօրյա դասավանդությունը, որը կազմակերպել էր Հայաս-

վարժական, հասարակական և մանավանդ եկեղեցական թեղում գործունեությանը՝ հաջողություններով և փառքով:  
 1955 թվականից սկսած, տասնինը տարիներ շարունակ ս. Էջմիածնում Տիրամայրը վայելում է իր Վեհափառ Որդու փառքը, որպես Լուսավորչի Աթոռի գահակալի:  
 Որպես գիտակից ու կյանքի հարուստ



Տիրամայրը Վեհարանի իր աշխատասենյակում

տանի օգնության տեղական կոմիտեն:  
 1939 թվականի ապրիլին Տիրամայրը կորցնում է կյանքի իր հավատարիմ ընկերոջը՝ իր ամուսին Արրահամ Պալճյանին:  
 Հակառակ անցյալում անցկացրած իր ծանր ու դժվարին տարիների, այնուամենայնիվ Տիրամայրը հանդիսանում է քախտավոր և երջանիկ մայր, ճշմարտապես «Մայր որդու՛վ բերկրեալ»:  
 Ավելի քան երեսուն տարիներ նա մխթարվում և ուրախանում է իր Որդու մանկա-

փորձ ունեցող, հայրենասեր ու հավատավոր կին, Տիրամայրը Վեհարանի իր առանձնասենյակում նստած սրտով ու անջրջուկ հետևում է իր Վեհափառ Որդու հայրապետական գործունեությանը, մոտիկից հետաքրքրվում սփյուռքի մեր ազգային-եկեղեցական կյանքով և հաճախ ակնարկելով սփյուռքում եկեղեցական գետնի վրա տեղի ունեցող որոշ դժվարություններ, ասում էր. «Այս քույրը Վեհափառի օրո՛վ պիտի պատահեր»:

Հանգուցյալ Տիրամայրն ուներ շայն գրական հետաքրքրություններ և նամակագրական սրտագին կապ էր պահում սփյուռքի զանազան կազմակերպությունների, անհատների, մամուլի և ծանոթ քարեկամների հետ: Սփյուռքում տիկնանց բազում կազմակերպությունների պատվո նախագահ էր: Հոկտեմբերի 9-ին, չորեքշաբթի օրը, հանգուցյալ Տիրամոր հուղարկավորության և թաղման կարգը կատարվում է ս. Գայանե տաճարում և մարմինն ամփոփվում միաբանական գերեզմանատանը:

Հուղարկավորության թափորին և թաղման արարողությանը մասնակցում են տ. Կոմիտաս, տ. Թորգոմ արքեպիսկոպոսները, տ. Զոհն, տ. Հուսիկ, տ. Արսեն, տ. Նարեկ, տ. Հմայակ, տ. Արիս եպիսկոպոսները, Մայր Աթոռի ողջ միաբանությունը, ուխտավորաբար Մայր Աթոռում գտնվող Դամասկոսի թեմի առաջնորդ տ. Ոսկան ծ. վրդ. Գայրաթյանը, տ. Խահակ ծ. վրդ. Դազարյանը՝ ԱՄՆ-ից, մայրակնքի պաշտոններումն ու աշխատավորությունը, հոգեվոր ճեմարանի դասախոսական կազմն ու ուսանողությունը և սզակիր մի հոծ քաղվածություն, որը եկել էր իր վերջին հարգանքը մատուցելու ուրբացյալ Տիրամոր օրհնյալ հիշատակին:

Հուղարկավորության թափորին և Տիրամոր դագաղին անմիջապես հետևում էր վեհափառ Հայրապետը որպես սզակիր:

Ժամը 11-ին ս. Գայանե տաճարում լուսարարապետ տ. Հուսիկ եպս. Սանթուրյանը մատուցում է հոգեհանգստյան պատարագ՝ ի ներկայության հոծ քաղմության:

Ժամը 16-ին, դարձյալ ս. Գայանե տաճարում, կատարվում է հանդիսավոր հոգեհանգստյան պաշտոն՝ ուխտավորաբար Մայր Աթոռում գտնվող տ. Տիրան արքեպիսկոպոսի նախագահությամբ:

Արարողության ավարտին տ. Տիրան արքեպիսկոպոսը դամբանական է խոսում «Օրհնյալ ես դու ի կանայս, և օրհնեալ է պտուղ որովայնի քո» (Ղուկ. Ա 42) բնաբանով:

Դամբանական իր խոսքում տ. Տիրան արքեպիսկոպոսը վեր է հանում հանգուցյալ Տիրամոր կյանքի ուսանելի գծերը, որպես հայ կին, դաստիարակ, ուսուցիչ և, մանավանդ, որպես մայր Հայոց Հայրապետի, և մխիթարական քերթ խոսքերով սփոփում վեհափառ Հայրապետի մեծ վիշտը:

Այնուհետև Հայկական ՍՍՀ Միեմիստրների սովետին առընթեր հայ եկեղեցու գործերի խորհրդի նախագահ Ս. Գասպարյանն իր և Խորհրդի անուցից վշտակցություն է հայտնում վեհափառ Հայրապետին՝ Տիրամոր մահվան տխուր առիթով, և

ընթերցում Հայկական ՍՍՀ Միեմիստրների սովետի նախագահ պրն. Գրիգոր Արզումանյանի հետևյալ ցավակցական հետագիրը.

**«Մայրագույն Պատրիարք և կաթողիկոս Ամենայն Հայոց Վազգեն Ա-ին**

Ընդունեցեք, խնդրեմ, իմ խորին ցավակցությունը Ձեր սիրելի մոր՝ Սիրանուշ Պալանի մահվան առթիվ:

**ՀՍՍՀ Միեմիստրների սովետի նախագահ Գրիգոր Արզումանյան»**

Ապա դագաղն ուսամբարձ դուրս է բերվում տաճարից:

Հանգուցյալ Տիրամոր անյունն ամփոփվում է ս. Գայանե տաճարի հյուսիս-արևմեջյան մասում, միաբանական գերեզմանատանը:

Թաղման արարողությունից հետո Վեհափառ Հայոց Հայրապետն ընդունում է ողջ հոգևորականության, պաշտոնեության, հնչյախ՝ նաև պաշտոնական անձնավորությունների ու մայրաքաղաքի մտավորականության, գիտության և արվեստի անվանի գործիչների ցավակցությունները:

Տիրամոր մահվան տխուր առիթով ստացվել էին նաև քաղում ցավակցական հետագրեր մայր հայրենիքից, եղբայրական հանրապետություններից, սփյուռքից, հայ և օտար պաշտոնական շրջանակներից, քույր եկեղեցիների հոգևոր պետերից, կազմակերպություններից:

Ժամը 20-ին վանական սեղանատանը տրվում է հոգեհաշ միաբանության անդամների՝ վեհափառ Հայրապետի մասնակցությամբ:

Հոկտեմբերի 12-ին, շաբաթ օրը, ժամը 15-ին, դարձյալ նույն տեղում, հոգեհաշ է տրվում Մայր Աթոռի պաշտոնեությանը և աշխատավորությանը:

Հոգեհաշին/ներկա է լինում նաև վեհափառ Հայրապետը:

Ոչ ևս է նա՝ մեր թանկագին ու սիրեցյալ Տիրամայրը, քայքայ քայքայ անունն ու բարի հիշատակը միշտ վառ ու կենդանի կմնան Մայր Աթոռի միաբանության, պաշտոնեության և նրա հեռու թե մոտ թուրք ծանոթների սրտերում:

Թող Տերը լուսավորի նրա արդար հոգին և արժանացնի անթառամ իր փառքին, երկնի արքայության մեջ:

Հայրենի հողը թեթև վրառ, մեր սիրելի, մեր թանկագին, մեր անմոռանալի Տիրամայր, ճշմարիտ «Մայր որդուվ բերկրեալ»:

«Տիշատակն արդարոց օրհնութեամբ եղիցի»:

Ա. ՀԱՏԻՏՅԱՆ



## Մ Ա Յ Ր Ա Թ Ո Ռ Ո Ւ Մ

**Հոկտեմբերի 1-ին, երեքշաբթի.**—Այսօր առավոտյան ժամը 11-ին, Հայոց Հայրապետին է այցելում, Հողդինգ Բարտերի դեկավարությամբ, Ամերիկայի տարբեր թերթերի 12 հոգուց բաղկացած ժողովալիստների պատգամավորությունը, որը հյուրաբար գտնվում էր Երևանում:

Վեհարանում Հայոց Հայրապետի և հարգելի հյուրերի միջև տեղի է ունենում շահեկան գրույց: Վերջում լրագրողներն աջահամբույրով ստանում են Հայոց Հայրապետի օրհնությունը:

Նույն օրը ուխտավորաբար Մայր Աթոռ են ժամանում լոնդոնահայ եկեղեցական և համայնքային վարչության անդամ պրն. Արմանդ Բեշիշյանը և պատգամավորներ պրն. Կուրտիկյանն ու Գրիգոր Փափազյանը, որոնք Մայր տաճարում իրենց աղոթքն ու ուխտը կատարելուց հետո, Վեհարանում ստանում են Հայոց Հայրապետի օրհնությունը:

Նույն օրը դարձյալ ուխտավորաբար Մայր Աթոռ են այցելում քնչությաբնակ տեր և տիկին Գևորգ և Մարի Կարմիրյանները և ծանոթ հասարակական գործիչ պրն. Տաճատ Մրապյանը:

Ուխտավորները, Մայր տաճարում իրենց

աղոթքն ու ուխտը կատարելուց հետո, Վեհարանում աջահամբույրով ստանում են Հայոց Հայրապետի օրհնությունը:

**Հոկտեմբերի 8-ին, հինգշաբթի.**—Այսօր Մայր տաճարում իր եպիսկոպոսական անդրանիկ պատարագն է մատուցում նորապսակ տ. Ներսես եպս. Պոզապայանը:

Նույն օրը Մայր Աթոռ է այցելում ս. Մայքըլ Մաունդ եկեղեցու տնօրեն Չարլզ Ռոշը:

**Հոկտեմբերի 5-ին, շաբաթ.**—Այսօր ուխտավորաբար Մայր Աթոռ են ժամանում լոնդոնահայ 17 ուխտավորներ՝ գլխավորությամբ պրն. Հարություն Ասատրյանի:

Մայր տաճարում իրենց ուխտն ու աղոթքը կատարելուց հետո, Վեհարանում ընդունվում են Հայոց Հայրապետի կողմից և արժանանում նրա հայրական օրհնությանը:

**Հոկտեմբերի 8-ին, կիրակի.**—Գ Կիրակի զկնի ս. Խաչի.

Այսօր Մայր տաճարում իր եպիսկոպոսական անդրանիկ պատարագն է մատուցում

ցում նորապսակ տ. Արիս եպս. Շիրվանյանը և «Հայր մեր»-ից առաջ քարոզում «Եթէ մոռացայց զքեզ, Երուսաղէմ, մոռացի զիս աջ իմ: Կցեսցի լեզու իմ ի քիսն իմ՝ թէ ոչ յիշեցից զքեզ, թէ ոչ նախ նուագեցից զքեզ, Երուսաղէմ, սկիզբն ուրախութեան իմոյ» (Աղմ. ՎՃ 5—8) բնաբանով:

Ս. պատարագին ներկա են լինում շուրջ 20 արգենտինահայ և 25 ամերիկահայ ուխտավորներ:

Հավարտ ս. պատարագի Վեհափառ Հայրապետը Վեհարանում ընդունում է ուխտավորներին՝ տալով իր օրհնությունն ու պատգամը:

Նույն օրը Վեհափառ Հայրապետին է այցելում ծանոթ հասարակական գործիչ պրն. Տիգրան Մյուրաքյանը՝ իր հարգելի տիկնոջ հետ (Արգենտինայից):

Նույն օրը, երեկոյան ժամը 20.30-ից, Վեհարանի հանդիսությունների սրահում տեղի է ունենում հետաքրքիր համերգ՝ հայ երիտասարդ ճարտարապետներից քաղկացած ինքնուրույն նվագախմբի կատարմամբ՝ ղեկավարությամբ Արտաշես Մեստճյանի:

Նվագախումբը կատարում է Եղեռնի հիշատակին նվիրված երաժշտական մի հոյակապ ծոց:

Հոկտեմբերի 7-ին, երկուշաբթի.—Այսօր ուխտավորաբար Մայր Աթոռ են ժամանում ԱՄՆ-ի արևելյան թեմի առաջնորդ տ. Թորգոմ արքեպ. Մանուկյանը և տ. Տիրան արքեպ. Ներսոյանը, որոնք Մայր տաճարում իրենց աղոթքն ու ուխտը կատարելուց հետո, Վեհարանում ջերմ զրույց են ունենում Հայոց Հայրապետի հետ:

Հոկտեմբերի 18-ին, կիրակի.—Ե կիրակի զվճի ս. Խաչի.

Այսօր Մայր տաճարում իր եպիսկոպոսական անդրանիկ պատարագն է մատուցում նորապսակ տ. Հմայակ եպս. Ինդոյանը և «Հայր մեր»-ից առաջ քարոզում «Որք զարդարեցին տնօրինաբար զիմաստս անեղին, հաստատելով լեռերի զգիր կենդանի, հովուել զհօտ նոր Իսրայելի» (Շարական) բնաբանով:

Ս. պատարագին ներկա էր Վեհափառ Հայրապետը:

Հոկտեմբերի 14-ին, երկուշաբթի.—Այսօր առավոտյան շուրջ 40 արգենտինահայ ուխտավորներ, գլխավորությամբ պրն. Օճճիկ Այնեճյանի, այցելում են Մայր տաճար, ուր կատարում են իրենց աղոթքն ու ուխտը:

Այնուհետև քարեպաշտ ուխտավորներին Վեհարանում քարեհաճում է ընդունել Հայոց Հայրապետը՝ արժանացնելով իր օրհնությամբ:

Հոկտեմբերի 18-ին, երեքշաբթի.—Այսօր իր պաշտոնատեղին՝ Նյու-Յորք է մեկնում ուխտավորաբար Մայր Աթոռում գտնվող Հյուսիսային Ամերիկայի արևելյան թեմի առաջնորդ տ. Թորգոմ արքեպ. Մանուկյանը:

Նույն օրը, առավոտյան, պրն. Գրիգոր Տեր-Գրիգորյանի գլխավորությամբ, որպես ուխտավոր Մայր տաճար են այցելում շուրջ 35 կանադահայեր և իրենց աղոթքն ու ուխտը կատարում:

Այնուհետև Վեհարանում աջահամբույրով ստանում են Հայոց Հայրապետի օրհնությունը:

Հոկտեմբերի 20-ին, կիրակի.—Զ կիրակի զվճի ս. Խաչի.

Այսօր Մայր տաճարում ս. պատարագ է մատուցում և «Հայր մեր»-ից առաջ քարոզում ԱՄՆ-ից ուխտավորաբար Մայր Աթոռում գտնվող տ. Իսահակ ծ. վրդ. Ղազարյանը:

Ս. պատարագին ներկա էր Վեհափառ Հայրապետը:

Նույն օրը, Ամենայն Հայոց Վեհափառ Հայրապետի կարգադրությամբ, Մայր Աթոռ է ժամանում Լեւոնականի ս. Աստվածածին եկեղեցու քառածայն նորակազմ երգչախումբը՝ Շիրակի թեմի առաջնորդ տ. Նարեկ եպս. Շաքարյանի առաջնորդությամբ:

Երգչախումբը Մայր տաճարում կատարում է ս. պատարագի երգեցողությունը ըստ Մ. Եկմայանի՝ տ. Արամ ավագ քնն. Բոյաջյանի ղեկավարությամբ:

Հավարտ ս. պատարագի երգչախմբի անդամներին բարեհաճում է ընդունել Ամենայն Հայոց Վեհափառ Հայրապետը և տալ նրանց իր օրհնությունը:

Ժամը 14.30-ին երգչախմբի անդամները հրավիրվում են ճաշի միաբանական սեղանատանը, ուր ջերմ ընդունելության համար Ամենայն Հայոց Վեհափառ Հայրապետի հասցեին շնորհակալական խոսք է ասում թեմակալ առաջնորդ տ. Նարեկ եպս.

Հոկտեմբերի 22-ին, երեքշաբթի.—Այսօր, երեկոյան ժամը 19-ին, Երևանում, հայրապետական փլլայում, գումարվում է Գերագույն հոգևոր խորհրդի հերթական նիստը՝ Վեհափառ Հայրապետի նախագահությամբ:

Ժողովին ներկա է լինում նաև ուխտավորաբար Մայր Աթոռում գտնվող տ. Տիրան արքեպ. Ներսոյանը: Վեհափառ Հայրան արքեպ.



Լեոնեակամի ս. Աստվածածին եկեղեցու երգեցիկ խումբը թեմակալ առաջնորդ տ. Նարեկ եպիսկոպոսի հետ

**Շաքարյանը:**

Այնուհետև երգչախմբին ուղղված օրհնության և քաջալերանքի խոսք է ասում Մայր տաճարի լուսարարապետ տ. Հուսիկ եպս. Սանթրոյանը՝ վեր հանելով աղոթքի ոգին երգչախմբի երգեցողության մեջ:

Երգչախումբը, ի պատասխան քաժակաճաների, ապրումով կատարում է մի շարք հայրենասիրական երգեր:

Ճաշկերույթն ավարտվում է լուսարարապետ սրբազան հոր գոհաբանական աղոթքով:

Հոկտեմբերի 21-ին, երկուշաբթի.—Այսօր իր պաշտոնատեղին՝ Միլան է մեկնում մոտ երկու ամիս ուխտավորաբար Մայր Աթոռում գտնվող իտալահայ համայնքի հոգևոր նույիլ տ. Զոհն եպս. Տեր-Հակոբյանը:

րապետը հատենի ժողովի ողջունում է ներկայությունը տ. Տիրան արքեպիսկոպոսի և քարի գալուստ մաղթում նրան:

Տ. Տիրան արքեպիսկոպոսը շնորհակալություն է հայտնում Հայոց Հայրապետին՝ իրեն տրված այս առիթի համար:

Հոկտեմբերի 27-ին, կիրակի.—Է կիրակի գկմի ս. Խաչի. Գիտ Խաչի.

Այսօր Մայր տաճարում ս. պատարագ է մատուցում տ. Եզնիկ արք. Պետրոսյանը: «Հայր մեր»-ից առաջ հոգեշունչ քաղոզ է խոսում Ամենայն Հայոց Վեհափառ Հայրապետը՝ վեր հանելով օրվա տոնի հիշատակի կարևորությունը:

Ս. պատարագին ներկա են լինում հյուրաբար Երևանում գտնվող մի խումբ ֆրանսիացի փաստաբաններ:

Գերագույն հոգևոր խորհուրդն իր հոկտեմբեր 22 նիստում արձանագրեց Մայր Աթոռի նախկին միաբան տ. Մուշեղ վրդ. Պետիկյանի սեպտեմբեր 2 թվակիր հրաժարականը հոգևոր կոչումից և խնդրեց Վեհափառ Հայրապետին՝ նրան կարգազուրկ հայտարարել:

Ամենայն Հայոց կաթողիկոսը, հարգելով Գերագույն հոգևոր խորհրդի առաջարկությունը, հայրապետական իր վճռով կարգալուծ արեց նախկին տ. Մուշեղ վրդ. Պետիկյանին՝ դառնելով նրան ի շարս աշխարհականաց՝ Պերճ Պետիկյան ավագանի իր անունով:

ԳԻՎԱՆ ՄԱՅՐ ԱԹՈՒԻ

25-ը հոկտեմբերի 1874 թ.,

Ա. Էջմիածին





## ԵԿԵՂԵՑԻՆՆԵՐԻ ՀԱՄԱԾԽԱՐՀԱՅԻՆ ԽՈՐՀՐԴԻ ԿԵՆՏՐՈՆԱԿԱՆ ԿՈՄԻՏԵԻ 26-ՐԴ ԳՈՒՄԱՐՈՒՄԸ ԱՐԵՎՄՏՅԱՆ ԲԵՌԼԻՆՈՒՄ

Սույն թվականի օգոստոսի 10—18 օրերին Արևմտյան Բեռլինում տեղի ունեցավ Ե. Հ. Խ.-ի Կենտրոնական կոմիտեի 26-րդ գումարումը՝ մասնակցությամբ Կենտրոնական կոմիտեի ավելի քան 120 անդամների, պատգամավորների, երիտասարդ խորհրդակալների, դիտորդների, հյուրերի և Ե. Հ. Խ.-ի պատասխանատու պաշտոնյաների, ընդամենը՝ շուրջ 500 հոգի:

Օգոստոսի 10-ին, կիրակի առավոտյան, «Քալզեր Վիլհելմ» Մայր եկեղեցում հավաքական աղոթքով կատարվեց ժողովի բացման արարողությունը: Տեղական եկեղեցիների անուսից Արևմտյան Բեռլինի եպիսկոպոս դոկտ. Կուրտ Շարֆը ժողովի մասնակիցներին բարիգալստյան խոսք ուղղեց: Հանդիսավոր արարողության ընթացքում, ժողովի բացման առթիվ, քարոզեց ռուս եկեղեցու Եվրոպայի Էկզարխ միտրոպոլիտ Անտոնի Պյոմ արքեպիսկոպոսը: Նա իր քարոզում նշեց, որ Ե. Հ. Խ.-ի անդամ եկեղեցիների միջև միության խարխուլը մեր Տերն է՝ Հիսուս Քրիստոսը, որն իր անմեղ արյունը թափել է մարդկության ազատագրման համար:

Նույն օրը, Ռեստիցօրեի, ժամը 14.30-ին, Բեռլինի «Կոնգրես հոլ» սրահում պաշտոնապես բացումը կատարվեց Ե. Հ. Խ.-ի Կենտրոնական կոմիտեի 26-րդ գումարումը: Այս առթիվ Արևմտյան Բեռլինի պետական իշխանությանց անուսից հանդես եկավ սեներտոր դոկտ. Վեոներ Շթայնը՝ ողջունելով թուր ներկաներին:

Ողջույնի և բարեմաղթության խոսքերից

հետո Կենտրոնական կոմիտեի ժողովի ծրագիրը հաստատվեց, ապա հաշվետու զեկուցումով հանդես եկավ Կենտրոնական կոմիտեի գործադիր մարմնի ատենապետ դոկտ. Մ. Մ. Թոմասը:

Իր զեկուցման մեջ հնդիկ աստվածաբանն ասաց, որ Ե. Հ. Խ.-ը խարսխված է Հիսուս Քրիստոսի անձի վրա: Այս նշանակում է, որ եկեղեցին Ավետարանի վկան է ողջ աշխարհում և թուր այլ կրոնների գաղափարախոսությունների և հոգևոր ուսուցումների մեջ:

Դոկտ. Թոմասն իր վերոհիշյալ խոսքերը ընդգծում էր՝ սակելով, որ ավետարանական վկայությունը պետք է մտահոգությունը լինի հանուր քրիստոնյա մարդկության, «Ամենակարևոր մտահոգություններից մեկը ներկայի մարդկության այն է, թե արդյոք կարող են մարդիկ իրենց ազատությունը հասցնել բնության ուժերի սանձահարմանը, պայքարել ընկերային անարդարությունների դեմ, դիմագրավել մարդկության ապագայի դժվարությունները՝ ունենալով այն հաստատուն հավատքը, որ մարդկային հասարակության միությունը կարող է իրականացնել միայն այս ձևով»:

Դոկտ. Թոմասն իր զեկուցման մեջ նշեց նաև, որ մարդկային պատմությունը հիմնականում ազատագրության և միության դիալեկտիկա է: Արդի ժամանակների պատմությունը կարող է բնորոշվել երեք հատկանիշներով. առաջինը՝ մարդու ազատագրումն է բնության տիրապետությունից և մարդու տիրապետումը բնության վրա՝

տեխնոլոգիայի միջոցով. երկրորդը՝ մարդու ազատագրումը հասարակությանը շահագործող ու տիրապետող ուժերից, երրորդը՝ մարդու ազատագրումը ընկերային-քարոչական քարացած դոգմաներից և վերագրումումը իր ստեղծագործ և շինարար ուժերի:

Հաջորդ զեկուցումը կարդաց Ե. Հ. Խ.-ի գլխավոր քարտուղար դոկտ. Ֆիլիպ Փոթըրը: Ամփոփելով Ե. Հ. Խ.-ի անցած վեց տարիների գործունեությունը, նա սասաց, որ Ե. Հ. Խ.-ն, որպես գործունեության ուղի, աշխատել է ընտրել «հավատքի, հույսի և սիրո ճանապարհը»: Դոկտ. Փոթըրն իր խոսքերը շեշտեց՝ ասելով. «Մենք միշտ ջանացել ենք, որ մեր ծրագրերը, մեր գործունեությունը և մեր կյանքի շեշտը լինեն այժմեական՝ պատասխանելու համար արդի ժամանակների բոլոր պահանջներին: Մեր ամբողջ ուժը, հավատքը և հնազանդությունը ծառայեցրել ենք այս նպատակին: Հավանաբար մենք շատ բան չենք նվաճել, բայց մեր այս ճանապարհով ջանացել ենք միշտ ներկա լինել և մասնակիցը դառնալ մարդկության փորձությունների՝ աշխատելով փնտրել և գտնել այս աշխարհում Աստուծո իսկական նպատակը»:

Դոկտ. Փոթըրն այնուհետև թվարկեց այն աշխատանքները, որոնց Ե. Հ. Խ.-ի տարբեր հանձնաժողովները ձեռնարկել են վերջին վեց տարիների ընթացքում: Դրանցից են «Հավատո և կարգի», «Փրկությունն այսօր», «Առաքելություն և ավետարանություն» և մի շարք այլ հանձնաժողովների կողմից կատարված աշխատանքները տարբեր բնագավառներում:

1968 թ. Ուիսալայի Դ համագումարից սկսած կազմվել են նաև «Պայքար ցեղասպանության դեմ» և կրթական ու վերանորոգչական-քարոզչական այլ հանձնախմբեր: Վերոհիշյալ այս հանձնախմբերի մշակած ծրագրերի և գործունեության շնորհիվ, նշեց դոկտ. Փոթըրը, մեր կազմակերպությունը հիմնական քննության ենթարկվեց, և ամեն տեսակի տարածայնություններ քացահայտվեցին: Այս տարածայնություններից շատերն արդեն սկսել են բյուրեղանալ:

Կենտրոնական կոմիտեի անդամները մասնավոր ուշադրությամբ լսեցին դոկտ. Լուկաս Վիշըրի զեկուցափորձ՝ եկեղեցիների միության վերաբերյալ, ուր զեկուցողը առաջ էր քաշում մի շարք այժմեական և կարելիոր խնդիրներ:

Դոկտ. Վիշըրը, անդրադառնալով եկեղեցիների միության համար թափվող ջանքերին, սասաց, որ Վատիկանի Բ ժողովից անցել է մոտ 10 տարի, և այդ ժամանակաշրջանում կաթողիկե, ուղղափառ և բողոքական

եկեղեցիների փոխհարաբերությունները գրեալով զարգացել են ու ամրապնդվել: Այն պատճենները, որոնք կարծեք հավիտենապես կոչված էին արգելելու փոխադարձ հարաբերությունների զարգացումը, չքայրել են: Այնուամենայնիվ, սակայն, տեսանելի միությունը առայժմ մնում է անհասանելի:

Հիմնական, «եկեղեցական» խնդիրն է՝ ի՞նչ կերպով Քրիստոսի եկեղեցին պիտի կարողանա նվաճել համամարդկային եղբայրությունը: Այս հարցը այժմ քննարկվում է թե՛ կաթողիկե եկեղեցում և թե՛ Ե. Հ. Խ.-ի զանազան անդամ եկեղեցիներում: Դոկտ. Վիշըրը հույս հայտնեց, որ Ե. Հ. Խ.-ն առանձին մի ժողովով այս քննարկումների արդյունքները պիտի կարողանա ի մի բերել: Մինչ այդ, սակայն, Ե. Հ. Խ.-ն պիտի շարունակի իր դոմերը լայնորեն բաց պահել կաթողիկե եկեղեցու առջև, նույնիսկ եթե այն լինի «որոշ հակասությունների և բարդությունների» գոտի: Դոկտ. Վիշըրն ավելացրեց, որ Ե. Հ. Խ.-ն պետք է միշտ պատրաստ լինի քննարկելու այն բոլոր հարցերը, որոնք առաջադրվել են կաթողիկե եկեղեցու կողմից: Միայն նման լայնախոհ ոգով պիտի քացատրվի «եկուսենիկ շարժման միութենական» նպատակը, որի մասին քացահայտ արտահայտություններ արվեցին Ուիսալայի Դ համագումարում:

Դոկտ. Վիշըրը լավատես է Ե. Հ. Խ.-ի Ե համագումարի նկատմամբ, որի կարևոր թեմաներից մեկն է լինելու «Խոստովանել Քրիստոսին այսօր»: Ոչ մեկ մախորդող համագումար ուղղակիորեն չի լքաղվել այս վկայության խնդրով, և այն փաստը, որ տվյալ խնդիրը լայնորեն քննարկվելու է առաջիկա համագումարում, անսահման հնարավորություններ է բովանդակում:

Ժողովի հաջորդ օրերին զեկուցումներով հանդես եկան ժողովի մի շարք մասնակիցներ:

Ս. Ե. Հ. Խ.-ի տնօնսական գործերի վարիչ լորդ Մարչն իր զեկուցման մեջ անդրադարձավ արդի կյանքի նոր և դժվարին պայմանների՝ նկատի ունենալով մի շարք կարևոր երկրներում փողի արժեզրկումը: Արդյոք ի՞նչ միջոցներով հնարավոր է այսպիսի պայմաններում կայունացնել և ապահովել Ե. Հ. Խ.-ի տնօնսական պահանջները:

Բ. Դոկտ. տիկ. Միտը «Մարդու ապագան» խորագրով իր ճառում անդրադարձավ մարդկությանը մտահոգող ներկա կյանքի զանազան խնդիրներին: Հատկապես անդրադառնալով շրջակա միջավայրի աղտոտմանը և մարդկության արագ աճին, նա շեշտեց միջավայրի աղտոտման պատճառով մարդու կյանքի տարիների նվազ-

ման խնդրի կարևորությունը: Հարգելի զեկուցողը զանազան առաջարկություններ արեց՝ շեշտելով, որ մարդկությունը և բոլոր պետություններն այժմվանից պետք է նախատեսեն ապագայի քարտուրդությունները:

4. Հոգեշնորհ Դավիթ Զննքինգը՝ վարիչը «Հումանում» ուսումնասիրությանը բաժնի, իր զեկուցման մեջ առաջ, որ «սիլիոնավոր մարդկանց տառապանքով ամբողջ աշխարհում եկեղեցին Աստուծո մարդկության և փառավորության վկան է, և այս է եկեղեցին մարդկայնության առաջնորդող առաքելությունը, սրանում է արտահայտվում նրա մասնակցությունը Աստուծո գործին՝ մարդկությանը: Ի՞նչ է «Հումանում»-ի ուսումնասիրությունը. այս հարցին անգլիկան ատուլաձարանը պատասխանում է հետևյալ նախադասությամբ. «Մարդու տառապանքը, Աստուծո փառավորումը և եկեղեցու գոյությունը»:

Ժողովի ընթացքում առանձին հանձնախմբերի կողմից քննարկման առարկա դարձան վերոհիշյալ բոլոր զեկուցումները, նաև արդի կյանքի քաղաքական-ընկերային, ցեղային և հասարակական մի շարք այժմեական խնդիրներ: Ժողովն իր հատուկ որոշումներն արձանագրեց հետևյալ քաղաքական հարցերի վերաբերյալ.

1. Մերձավոր Արևելքի շարունակվող տագնապի քննարկումից հետո ժողովը հատկապես անդրադարձավ Կիպրոսի ներկա տագնապին: Ժողովի անունից Կիպրոսի նախագահ Մակարիոս արքեպիսկոպոսին հղվեց հատուկ մի նամակ՝ հավաստիացնելով նրան, որ Ե. Հ. Խ.-ն իր կենտրոնով ամեն ջանք ի գործ է դնելու՝ Ե. Հ. Խ.-ի անդամ Կիպրական եկեղեցուն իր օժանդակությունը բերելու և Կիպրոս կղզու վրա խաղաղությունը վերահաստատելու համար:

2. Ժողովը առանձին ուշադրությամբ քննարկեց ցեղային խտրականության հարցը: Կենտրոնական կոմիտեի 120 անդամները քվեարկեցին այն բանի օգտին, որ ցեղային խտրականության վերացման նպատակի համար կատարվող նյութական նպաստը շարունակական լինի: Չորս տարիներից ի վեր Ե. Հ. Խ.-ն տարին ավելի քան 200.000 դոլլար է տրամադրել այս նպատակի համար:

3. Արուսաղեսի հարցը ժողովի այժմեական հարցերից մեկն էր: Նկատի ունենալով, որ Երուսաղեսում դարավոր իրավունքներ վայելող հայ և հույն ուղղափառ եկեղեցիները, որոնք անդամ են Ե. Հ. Խ.-ին և որոնք անուղղակի կերպով ենթարկվել են ճնշումի, որի նպատակն է սահմանափակումը իրենց իրավունքների, Ե. Հ. Խ.-ն ո-

րոշում կայացրեց պաշտպան կանգնել իրեն անդամ հայ և հույն եկեղեցիներին առ որ անկ է:

4. Կենտրոնական կոմիտեի անդամները համաձայնության եկան, որ Ե. Հ. Խ.-ի Ե համագումարը առաջիկա տարի տեղի ունենա աֆրիկյան ցամաքամասում, Քենիայի մայրաքաղաք Նայրոբիում:

5-րդ համագումարի նշանաբանն է՝ «Հիսուս Քրիստոս ազատագրում է և միացնում»: Համագումարի նախապատրաստական աշխատանքներն արդեն կատարվում են առանձին մի հանձնախմբի միջոցով:

5. Ե. Հ. Խ.-ին նոր անդամագրված եկեղեցիներ:

Կենտրոնական կոմիտեի դոմիակ ճիստում առաջարկություններ արվեցին Ե. Հ. Խ.-ի կազմում, որպես նոր անդամ, զանազան ցամաքամասերի մի շարք եկեղեցիներ ընդգրկելու վերաբերյալ: Գրեյթե միաձայնությամբ Ե. Հ. Խ.-ին անդամագրվեցին հետևյալ եկեղեցիները.

ա. Ինդոնեզիայի Հուրիս Քրիսչըն եկեղեցին, որն ունի 243.000 անդամ, 500 ուսուցիչ և քարոզիչ, 65 հովիվ և 481 համայնք:

բ. Ալժիրի բողոքական եկեղեցին, որն ունի 300 անդամ, 4 հովիվ և 5 աղոթավայր: Ալժիրում ոչ կաթոլիկն ուրիշ մեծ եկեղեցի գոյություն չունենալու պատճառով Ե. Հ. Խ.-ի հետ հաղորդակցելու անհրաժեշտությունից մղված այս փոքր եկեղեցին դիմել էր «գործակից» անդամ դառնալու խնդրանքով:

գ. Ինդոնեզիայի Սանկիր տալող եկեղեցին, որն ունի 183.399 անդամ, 90 հովիվ և 189 քարոզիչ:

դ. ԱՄՆ, ազգային կոմիտեի համայնքային եկեղեցիներ, որոնք ունեն 125.000 անդամ և 185 համայնք: Անդամների կեսը սեվամորթներ են:

8. Չորեքշաբթի օրը, օգոստոսի 14-ի երեկոյան, ժամը 18-ին, Արևմտյան Բեռլինի պետական իշխանության և եկեղեցիների անունից «Ճարտտեղեքուրգ» շքեղ պալատում մասնավոր ընդունելություն տեղի ունեցավ՝ ի պատիվ Ե. Հ. Խ.-ի կենտրոնական կոմիտեի ժողովի մասնակիցների: Ընդունելության ընթացքում սենատոր պրոֆ. Վեոները զեղեցիկ մի ճառով ողջունեց հյուրերին՝ նշելով, որ Բեռլինը եղել է էկումենիկ կյանքի օրրան՝ ի հեճուկս նախատական հակառակորդ ուժերի:

Հրավերի ընթացքում Ե. Հ. Խ.-ի անունից պատասխան խոսքով հանդես եկավ Ե. Հ. Խ.-ի պատվավոր նախագահ դոկտ. Վիսլրթ Հուֆթը, որն իր ելույթում հիշեց այն քազմաթիվ անձների անունները, որոնք Գեր-

մանհայում դժվարին օրերին պայքարել էին նացիստական շարժման դեմ՝ քրիստոնեական եղբայրության և միության ոգուց դլրդված:


7. Փակում Կենտրոնական կոմիտեի 28-րդ ժողովի:

Ե. Հ. Խ.-ի Կենտրոնական կոմիտեն իր աշխատանքներն ավարտեց կիրակի օրը, զգոստոսի 18-ին, երեկոյան ժամը 18-ին: Նույն երեկոյան, ժամը 18.15-ին, ժողովի փակման արարողությունը տեղի ունեցավ ս. Մատթեոս եկեղեցում, ուր գոհարանա-

կան աղոթք մատուցվեց, բոլոր անդամների ներկայությամբ, այն գեղեցիկ պատեհության համար, որ դարձյալ ընծայվեց նըրանց՝ ս. Հոգու շնորհիվ միասնաբար աշխատելու և միջոցներ գտնելու, թեթևացելու համար մարդկության առաջ ծառայած դժվարությունները: Փոխադարձ սիրո ոգւյն տալով միմյանց, ժողովականները քաժանվեցին իրարից՝ վեստին հանդիպելու համար, այս անգամ՝ Նայրոբիում:

ՆԵՐՍԵՍ ԵՊԻՍԿՈՊՈՍ ՊՈԶԱՊԱԼՅԱՆ





# ԷԿՈՒՄԵՆԻԿ

## ԿՅԱՆՔ

### ԼՈՒՐԵՐ ՀԱՅԱՍՏԱՆՑԱՅՑ ԵԿԵՂԵՑՈՒ ԹԵՄԵՐՈՑ

ԵԿՐՈՊԱԿԱՆ ԵԿԵՂԵՑՈՒՆԵՐԻ  
ԿՈՆՅԵՐԱՆՍԻ «ՆԻՔՈՐԳ 7»  
ՀԱՄԱԺՈՂՈՎԸ ԷՆԳԵԼՏԵՐԳՈՒՄ

Սույն թվականի սեպտեմբերի 16—23-ը էնգելթերգ քաղաքում (Ծվեյցարիա) տեղի է ունեցել Եվրոպական եկեղեցիների կոնֆերանսի «Նիքորգ 7» համաժողովը, որի մասնակցել են Եվրոպայի արևելի քան 100 անդամ եկեղեցիների բազմաթիվ ներկայացուցիչներ: Համաժողովին Հայաստանյայց եկեղեցու կողմից, որպես դիտորդ, իր մասնակցությունն է բերել նաև Ժնևի հայոց հոգևոր հովիվ տ. Դավիթ Ե. վրդ. Սահակյանը:

Համաժողովի գլխավոր թեման է եղել՝ «Միությունն է Քրիստոս և խաղաղությունն երկրի վրա»: Ժողովում վերոհիշյալ թեմայի շուրջ առանձին զեկուցումներով հանդես են եկել Եվրոպական եկեղեցիների կոնֆերանսի նախագահ, աստվածաբան դոկտ. Հելմուտ Հիլդը (Արևմտյան Գերմանիա) և պրոֆ. Լ. Մ. Պակոսդին (Հունգարիա):

ԵԵԿ-ի գլխավոր քարտուղար դոկտ. Գլեն Գարֆիլդ Վիլյամսը, ԵԵԿ-ի ընդհանուր գործունեության վերաբերյալ իր ներկայացրած հաշվետու զեկուցման մեջ բնութագրելով ներկա համաժողովի հրավիրման հիմնական նպատակը, ցել է. «Եկեղեցիների նպատուր խաղաղության իրականացման գործին մեր օրակարգի առաջնահերթ խնդիրներից մեկն է: Ուրախալի է, որ եկեղեցիները ոչ միայն պատրաստակամություն,

այլև անհամբերություն են ցուցաբերում միասնաբար խորհրդածելու այդ հարցի մասին, որը մեր ժամանակի ամենահրատապ հարցն է: Ինձ թվում է, որ եկեղեցիները Քրիստոսով իրենց միությունն իրականացնելու վերաբերյալ իրենց բանավեճերի հիմքում խաղաղության հենց այդ մտահոգությունն ունեն, և որ այդ երկու հարցերը կամ հաստատումները՝ «Միությունն է Քրիստոս» և «Մաղաղությունն երկրի վրա», նկատվում են որպես երկու քաղաղարմասերը մեկ և նույն ամբողջության, այն է՝ Քրիստոսի խոսքի գործադրումը, ավետարանական առաքելությունը:

Համաժողովի մասնակիցները առանձին բաժիններից բաղկացած երկու հանձնախմբերում լայն քննարկման են ենթարկել համաժողովի գլխավոր թեման և խմբագրել համապատասխան զեկուցագրեր: Համաժողովը վերջում հրապարակել է մի հայտարարություն, ուր, ի միջի այլոց, ասվում է. «Մեր հանդիպումների ընթացքում մենք գիտակցեցինք, որ եկեղեցիները աշխարհի խաղաղության համար իրապես օգտակար մի բան կարող են անել այն դեպքում միայն, եթե քուր մարդկանց առաջ տեսանելի դարձնեն իրենց դավանած միությունը ի Քրիստոս և իրենց հասարակ կյանքում հայտնապես մարմավորեն այն հաշտությունը, որ նրանք քարոզում են աշխարհին: Աշխարհն այսօր մոտիկից է հետևում եկեղեցիներին և նրանց գործունեությանը՝ տեսնելու համար, թե նրանք ինչպե՛ս են հաղ-

թամարում իրենց տարածայնությունները, և թե հասարակաց կրակնչի ու գործակցության ինչպիսի՞ ուսանելի օրինակներ ունեն տալու մարդկությանը... Մտահոգվելով այն հարցով, թե Եվրոպայի եկեղեցիներն ու քրիստոնյաները կոնկրետ կերպով ի՞նչ կարող են անել աշխարհի խաղաղության համար, մենք գիտակցեցինք նաև, որ չպետք է սահմանափակվենք միայն Եվրոպայով, քանզի խաղաղությունն անբաժանելի է Եվրոպայի եկեղեցիների պարտականությունն է՝ իրենց հասարակությունների և պետությունների մեջ կրքոտ պաշտպանները հանդիսանալ այն բոլոր ժողովուրդների դատի, որոնք աշխարհի քաղաքակրթական ցանցներում գտնվում են թշվառության, սովի և սարսափի սպառնալիքի առաջ»:

Հայտարարության վերջում համաժողովը, ողջունելով ձեռք բերված լարվածության թուլացումը Եվրոպայում, նշել է. «Եվրոպայի եկեղեցիները պետք է քաջապետեն իրենց երկրների կառավարություններին՝ սպառնալու ստորագրված համաձայնագրերի բոլոր հնարավորությունները: Համաժողովը հույս է հայտնում, որ Եվրոպայի անվտանգության և համագործակցության կոնֆերանսը, որ վճռական կարևորություն է ներկայացնում մեր ջամաքամասի համար, շտաով կհասնի դրական արդյունքների: Մենք կոչ ենք անում կոնֆերանսի բոլոր պատասխանատու անձանց, արիություն հանդես բերել այն բոլոր դժվարությունների առաջ, որ կարող են հարուցել դեռևս լուծելի հարցերը»:

**ԼՈՒՐԵՐ ԲՈՒՅՐ ԵԿԵՂԵՑԻՆԵՐՈՒՑ**

**ՀՅՈՒՍԻՍԱՅԻՆ ԱՄԵՐԻԿԱՅԻ ԵՎ ԱՐԵՎԵԼՏԱՆ ԵՎՐՈՊԱՅԻ ԵԿԵՂԵՑԻՆԵՐՈՒ ԴԵՎԱՎԱՐՆԵՐՈՒ ԺՈՂՈՎԸ ՊՐԱԳԱՅՈՒՄ**

1974 թ. օգոստոսի 22—24-ը Պրագայում «Խաղաղության համաքրիստոնեական կոնֆերանս» կազմակերպության շրջանակներում տեղի են ունեցել միտեր ԱՄՆ-ի և Արևելյան Եվրոպայի երկրների 30 եկեղեցիների բարձրաստիճան հոգևորականների և դեկավար գործիչների միջև: Էկումենիկ ոգով տեղի ունեցած եռօրյա բանավեճերը եղել են օգտակար և արդյունավետ: Նիստերի ընթացքում քննարկվել են միջազգային լարվածության թուլացման շնորհիվ վերոհիշյալ եկեղեցիների միջև բացված համագործակցության հետահավարները, ինչպես նաև «երրորդ աշխարհի» ժողովուրդների

ազատագրման ու զարգացման խնդիրները: Կողմերը համաձայնության են եկել այն մասին, որ «սառը պատերազմի» դադարեցումը և լարվածության թուլացումը կօգնեն ժողովուրդների բարգավաճմանը, թեև, միաժամանակ, իրենց անհանգրստությունն են հայտնել այն կապակցությամբ, որ ստեղծված այս գերազանց հնարավորությունը կարող է միայն թղթի վրա մնալ, եթե լարվածության մեղմացումը դառնա քաղաքական մեքենայությունների գործիք: Այս պատճառով էլ երկուստեք համոզում է հայտնվել, որ արևմտյան և արևելյան եկեղեցիների կոչումը պետք է լինի՝ լարվածության թուլացումը դարձնել իսկական մարդասիրական գործ՝ այն արտահայտելով Քրիստոսի Ավետարանով, որը մարդկանց առաջնորդում է համայն մարդկությանը ծառայելու վսեմ իդեալին:

**ԼՈՒՐԵՐ ԵԿԵՂԵՑԻՆԵՐՈՒ ՀԱՄԱԾԽԱՐՀԱՅԻՆ ԽՈՐՀՐԴԻՑ**

**ԴԻԱԼՈԳ ՀԱՄԱԾԽԱՐՀԱՅԻՆ ՄԵՇ ԿՐՈՆՆԵՐՈՒ ՆԵՐԿԱՅԱՑՈՒՑԻՑԻՑՆԵՐՈՒ ՄԻՋԵՎ**

Եկեղեցիների համաշխարհային խորհուրդը իր «Դիալոգ մեր ժամանակի կրոնների և գաղափարախոսությունների հետ» ելթահանձնախմբի նախաձեռնությամբ սույն թվականի ապրիլի 17—26-ը Կոլոմբոյում (Շրի Լանկա) կազմակերպել է միջկրոնական մի ժողով, որին մասնակցել են հինգու, բուդդայական, հրեական, քրիստոնեական

և մահմեդական կրոններին հետևող 80 տղամարդիկ և կանայք: Մասնակցողների թվում են եղել Ինդոնեզիայի կրոնից գործերի մինիստր Հ. Մուկտի Ալիև, դոկտ. Անանդա Մանգալա Թերան՝ Սինգապուրից, Երուսաղեմի երրայական համալսարանի պրոֆ. Շեմարիաթու Տալմոնը, Բենարեսի հինգու համալսարանի պրոֆ. Սիվարամանը և հույն օրթոդոքս եկեղեցու եպիսկոպոս Անասթասիոսը՝ Աթենքից: Ժողովի թեման է եղել՝ «Դեպի համաշխարհային մի հասարակություն. միջոցներ և պատասխա-

նատվություններ՝ միասին ապրելու համար»:

Ժողովում գլխավոր զեկուցումով հանդես է եկել ԵՀԽ-ի վերոհիշյալ ենթահանձնաժողովի տնօրեն, հինգիկ աստվածաբան Սթենլի Սամարթան, որն իր զեկուցման մեջ նշել է, որ «իսկական համաշխարհային հասարակություն չի կարող ստեղծվել այնքան ժամանակ, քանի դեռ ժողովուրդները չեն ազատագրվել վերջնականապես: Իսկ մասնավորապես ընդգծել է այն միտքը, որ վերոհիշյալ հինգ կրոնների սրբազան գրվածքների, ավանդությունների, պատմության, մշակույթի, իմաստության, ինչպես նաև նրանց ժամանակակից կրոնական փորձի փոխադարձ քննադատական ուսումնասիրությունը կարող է էական մի նպաստ հանդիսանալ նման համաշխարհային եղբայրական մի հասարակության ստեղծման ճանապարհին:

Ժողովի ավարտին հրապարակվել է մի հաղորդագրություն, որի մեջ ներկայացվել են մասնակիցների տեսակետները վերոհիշյալ հինգ կրոնների հետևորդների միջև հետագա համագործակցության հնարավորությունների և եղանակների մասին ի խնդիր համաշխարհային եղբայրական մի հասարակության ստեղծման: Կարծվում է, որ այդ հաղորդագրությունն իր նպաստը կբերի ԵՀԽ-ի առաջիկա 5-րդ համաժողովին, որի գլխավոր թեմաներից մեկն է լինելու՝ «Տարբեր կրոնների, գաղափարախոսությունների և մշակույթների հետևորդների հետ միասին որոնում համաշխարհային մի հասարակության ստեղծման»:

Նարավային աֆրիկացի աստվածաբան Մանաս Բութելեզին, որը «Կոմունիզմի վերացման մասին օրենք»-ի հետևանքով կալանքի էր ենթարկվել անցյալ տարի, վերջերս ժնկում մասնակցել է Համաշխարհային լուսերական ֆեդերացիայի ուսումնասիրությունների հանձնաժողովի տարեկան ժողովին: Պաստոր Բութելեզին այդ հանձնաժողովի ղեկավար անդամներից է:

ՄԱՆԱՍ ԲՈՒԹԵԼԵԶԻՆ ԺՆԿՎՈՒՄ

Հանձնաժողովի անդամները իրենց ուրախությունն են արտահայտել սևամորթ աստվածաբանի ներկայության համար, որին արգելվել էր ճանապարհորդել և մասնակցել ժողովների, հատկապես Հարավային Աֆրիկայի Հանրապետությունում և Հարավ-Արևմտյան Աֆրիկայում:

Հանձնաժողովի անդամները իրենց ուրախությունն են արտահայտել սևամորթ աստվածաբանի ներկայության համար, որին արգելվել էր ճանապարհորդել և մասնակցել ժողովների, հատկապես Հարավային Աֆրիկայի Հանրապետությունում և Հարավ-Արևմտյան Աֆրիկայում:

ԼՈՒՐԵՐ ՄԱՅՐ ԱԹՈՒԻՑ


ԵԹՈՎՊԱԿԱՆ ՈՒՂՂԱՓԱՌ  
ԵԿԵՂԵՑՈՒ ՆԵՐԿԱՅԱՑՈՒՑԻՑԸ  
ՄԱՅՐ ԱԹՈՒԻՑ

Սույն թվականի հոկտեմբերի 11—14-ը Մայր Աթոռում էր գտնվում Եթովպական ուղղափառ եկեղեցու ավետարանչության գծով հաղորդակցության քաժմի պատասխանատու վարիչ և Ադիս-Աբեբայի ս. Հովհաննես եկեղեցու ավագերեց տ. Սոլոմոն Գեբրե Սելասիբն:

Հոկտեմբերի 12-ին, շաբաթ օրը, եթովպական քույր եկեղեցու ներկայացուցիչը ընդունվեց Ամենայն Հայոց Հայրապետի կողմից, իսկ հետևյալ օրը, առավոտյան, ներկա եղավ Մայր տաճարում մատուցված ս. պատարագին:

Մայր Աթոռում գտնվելու օրերին տ. Սոլոմոն Սելասիբն այցելեց Մայր Աթոռի թանգարանները, ս. Հովհաննես, ս. Գայանե և ս. Գեղարդ վանքերը, եղավ ս. Մեսրոպ Մաշտոցի անվան Մատենադարանում և Երևանի այլ տեսարժան վայրերում:





ՄՈՎՍԵՍ ԵՐԶՆԿԱՅՈՒ «ԸՆԴԴԻՄԱԴՐՈՒԹԻՒՆ ՍԱԿՍ ԶՐՈՅՆ  
ԽԱՌՆՄԱՆ Ի ՍՈՒՐԲ ԽՈՐՀՈՒՐԴՆ Ի ԹՈՒԻՆ ՀԱՅՈՑ .2ԾԸ.»  
ԴԱՎԱՆԱԲԱՆԱԿԱՆ ԹՈՒՂԹԸ\*

Բ. ՄԱՍ—ԲՆԱԳԻՐ

74. Գրիգոր կաթողիկոսի ճայոց ջրողի, երկաթնակի, ուրացողի. ո՞ն որոց թողեալ գուտումն մանկութեան եւ մոռացեալ գոխա՞ն աստուածեղէն.

Վասն ջրոյն թէ պարտ է՞ խառնել ի սուրբ խորհուրդն, որպէս և այլ քրիստոնեայքն, զոր եցոյց ճշմարիտ գոյ և հաստատէ՛ զնոյն գրոց վկայութեամբ: Եւ նախ զաւետարանչիւն քան, զոր գրեաց սուրբն Յոհաննէս, որպէս ասէ, թէ «Գ. եմ, որ վկայեմ յերկինս՝ Հայր և Բանն և Հոգին, և .գ.<sup>»</sup> եմ, որ վկայեմ յերկրի՝ Հոգին և ջուրն և արիւնն և .գ. եանն մի են»<sup>1</sup>: Եւ երկրորդ գրէ և առաքեալն Պօղոս առ կորնթացիսն ասելով. «Քանիցս անգամ եթէ ուտիցէք զհացս զայս և ընպիցէք զբաժակս՝ զմահն Տեառն պատմեսցիք»<sup>2</sup>: Եւ յիշատակ մահուն արիւնն և ջուրն է, որ ելին ի կողէն ի ժամ մահուն, ըստ որում և ինքն Տէրն առեալ բաժակ ի սեղանոյն գոհացաւ և ասէ. «Զայս արարէք առ իմոյ յիշատակի»<sup>3</sup>: Եւ բաժակ ոչ անապական գինոյ անուն է, այլ ամանոյն, յորում խառնի ջուրն և գինին: Ըստ որում և աստուածայինն Սողոմոն վկայէ թէ «Նառնեաց ի խառնարանսն զգինի իւր»<sup>4</sup> և զկնի ասէ. «Արբէք զգինի, զոր խառնեցի ձեզ»<sup>5</sup>, և դարձեալ այլ ոմն բաժակ ոսկի զնարուդդոնոսոր ի ձեռին Աստուծոյ այս է, այսինքն աման ոսկի: Եւ սուրբն Յոհանն ի պատարագամատուցին գրէ, թէ մատուցեալ ոմն ի գինուորացն տիգաւ խոցեաց զկողս նորա և ել վաղվաղակի արիւն, զՅիսուս ասելով արկանէ զգինին, // և ասէ ջուր և արկանէ զջուրն՝ յայտ առնելով, թէ հարկատր է ջուրն ի սուրբ խորհուրդն: Ի սոյն և սուրբ Բասիլիոս

75ա

\* Եարունակված «Էջմիածին» ամսագրի 1874 թ. № Թ-ից:  
<sup>1</sup> Հմմտ. Ա. Յովն. Ծ 8:  
<sup>2</sup> Ա. կորնթ. ԺԱ 26:  
<sup>3</sup> Ղուկաս ԻԲ 18:  
<sup>4</sup> Այլ գրչով՝ չէ:  
<sup>5</sup> Զեռագրում՝ որ  
<sup>4</sup> Հմմտ. Առակ. Թ 2:  
<sup>5</sup> Առակ. Թ 6:

կեսարու և Յակոբ Տառնեղբայրն ի պատարագամատուցին են այսպէս գրել, թէ առեալ բաժակ օրհնեաց, խառնեաց: Նմանապէս և սուրբն Աթանասիոս ասէ ի մկրտութեան ճառին վերջքն: Տառնեա, ասէ, զայս սեղան, որ կայ ի միջի թեմիս, որ ի վայելչութիւն եկեղեցոյ կազմեալ օրհնեցաւ, և խոռաջ տանելով զբանն, որ ասէ՝ այս է վերնատունն, յորում բազմիս ընդ փրկչին, որ մինչ դեռ ուտէին հոքս առեալ հաց, երեկ և տա: աշակերտացն ասեալով. «Առէք կերայք, այս է մարմին իմ»<sup>6</sup>: Եւ առեալ բաժակ գոհացաւ և ասէ. «Այս է արիւն իմ»<sup>7</sup>: Եւ յետ սակաւուց ասէ. «Առաջի դճեմք աստաւօր ի վերայ այսր աստուածային սեղանոյս հաց և գինի, որ իմաստութիւն է զեմ ըզեզիս իւր և խառնեաց ի խառնելիս զգինի իւր»<sup>8</sup>:

Իսկ զսուրբն Եփրեմ<sup>9</sup> արք, ասէ, զջուրն, որ աղբերացաւ ի վիմին կողմն, որպէս Իսրայէլն այն թիւն: Նաև մեծն Գրիգոր Նիսեա յերգ Երգոցին մեկնութենէ այսպէս գրէ. թէ բաց զքերանդ և արք ջուրն զւր տէգն աղբերացոյց քեզ և զի գինին ջուր է: Նոյն ինքն սուրբս ասէ, թէ գինին ոչ այլ ինչ է, քան եթէ ջուր որակացեալ ի փայտի, այսինքն գոյն առեալ յորթոյ: Եւ այն, զոր ասէ սուրբն Յոհանն ի մեկնութիւն Աւետարանին, թէ ոչ արքից ի բերոյ որթոյ, մինչև արքից զոս մոր ըստ յարքայութեան հօր իմոյ: Եւ ի վերայ բերէ, թէ զմիւս չար հերձուածն արմատաքի խլեսցէ, որ ի սուրբ խորհուրդն ջուր ի կիր արկանեն: Չայս ոչ վասն այնորիկ ասէ, թէ ընդ գինին ջուր խառնեն հերձուած անուանելով, այլ որ զսուրբ խորհուրդն ջրով միայն կատարէին առանձ գիննոյ: Եւ թէ ընդէ՞ր ոչ յայտնեաց զանուանս այնոցիկ սուրբն Յոհանն, նա առ մեզ չէ յայտնի, զի գտաք ի գիրս, զոր սուրբն Երիզ[ո]ս՝ աշակերտ առաքելոց գրեալ է և զանուանս հերձուածողացն, զի ոմն մարդ լոկ և ոմն Աստուած սոսկ անուանեն զՔրիստոս: Երիզնեանքն մարդ սրբացեալ ասեն զՔրիստոս և ոչ Աստուած և մարդ և յայն սակս ջրով միայն պատարագէին: Եւ մարկիոնեանքն Աստուած միայն ասէին և ոչ մարդ և Աստուած յերկուց միացեալ և վասն այր գինով միայն պատարագէին: Եւ զայս գիտելով սուրբն Յոհանն ասէ. թէ և զմիւս չար հերձուածն կացուցանէ, որ երկուանէ հերձուած, երբ ջրով միայն լինի, կամ գինով: Ջոր և սուրբ հայրքն վեցերորդ ժողովոյն որք յաւորս Յուստիանոսի մեծի, որ եղև ի մոր Հռոմ յորում և բազում ինչ աւանդեցին, այլ և վասն ջրին հարկ//ատր գոյ ասացին ի սուրբ խորհուրդն: Ի սոյն տեսութիւն և խորհուրդ խօսեցան և մեծի սուրբ հայրքն որ եղև յաւորս բարեպաշտ արքային Ուորիոսի ի Կարթագինի, զոր թէ խնդրես գտցես ի սոյն ժողովոց [գ] իրս զվեցերորդին յերեսներորդ երկրորդ կանոն նոյն ժողովոյն, և զԿարթակիոնոյն յերեսներորդ .է.երորդ կանոն ի նոյն ժողովոյն:

76F

Իսկ սուրբն Աղեկանդրոս, որ էր զկնի սրբոյ\*\* առաքելոյն Պետրոսի հինկերորդ յաթոռն Հռովմայ, վասն այսր խորհրդոյ այսպէս գրեաց. պարտ է, ասէ, ամենայն քահանայապետի գխորհրդականն գործ եկեղեցոյն ուսուցանել, այսինքն՝ զմկրտութիւն, զպսակն և զպա-

<sup>6</sup> Մատթ. ԻԶ 28:  
<sup>7</sup> Մատթ. ԻԶ 28:  
<sup>8</sup> Հմմտ. Առակ. Թ 1—2:  
<sup>9</sup> Ձեռագրում՝ Եփրեմ Նիսեայ:  
<sup>\*\*</sup> Ձեռագրում՝ սրբոյ սրբոյ:

տարագն, որ է խորհրդական չարչարանացն Քրիստոսի յիշատակ, զի որպէս Քրիստոս պարգևեցաւ ի խաչին մարմնով և արիւն և ջուր ել ի կողէն, զնոյն յիշատակ խորհրդոյ պարտիմք կատարել և մարմին և արիւն և ջուր, որպէս հրամայեաց մեծ վկայն Քրիստոսի սուրբն Աղեկ-սանդրոս, որ զամենայն կանոնս և զսահմանադրութիւնս լիապէս ունէր ի Պետրոսէ. և եցոյց, եթէ արժան է ոչ արեամբ միայն պատարագել և ոչ ջրով միայն, այլ մարմնով, այսինքն թէ՛ հացով և զինեալ և ջրով, քանզի զսոյն ուսաք և լուաք ի սուրբ յԱւետարանէն, զի յորժամ խոցեցին զկողն Տեառն, նա ոչ ջուր միայն ել և կամ արիւն միայն, այլ արիւն և ջուր: Եւ սուրբն Յովիանոս Պապն յայս խորհուրդ այսպէս ասէ. ոչ է պարտ լինել քաժակին արեամբ միայն և ոչ ջրով միայն, այլ երկուքովմքն, այսինքն արեամբ և ջրով: Եւ դարձեալ գրէ սուրբն Յովիանոս, եթէ որ զխորհրդանւերսն միովն կատարէ, առանց միւսոյն դադարել պարտի մինչ ի գոջումն եկեացէ և ապաշխարեացէ ըստ եկեղեցոյ կանոնադրութեանց: Իսկ կիարիանոս մեծ վկայն եպիսկոպոս Կարգեդոնիո յոր յարեմուտս վասն քաժակի Տեառն մերոյ Յիսուսի Քրիստոսի այսպէս յիշատակէ, խօսեցաւ Հոգին սուրբ բերանովն Սողոմոնի և ասաց իմաստութիւն. Քրիստոս շինեաց իւր տուն, զմարմինն, որ առ ի կուէն, ի խառնեաց ի խառնելիս զգինի իւր և պատրաստեաց զսեղան իւր և առաքեաց զծառայս իւր կոչել քարձր քարոզութեամբ ի խառնելիս իւր և ասէ. որ ոք իցէ անզգամ, եկեացէ առ իս և արքցէ և ցպակասամիտսն ասէ, եկայք կերայք ի հացէ իմմէ և արքէք զգինի իմ, զոր խառնեցի ձեզ. այս մարգարէութիւն Սողոմոնի յայտ առնէ զփրկական խորհուրդ Տեառն մերոյ Յիսուսի Քրիստոսի, զոր խառնեաց ի խաչին և ետ հաւատացելոց իւրոց հրէից և հեթանոսաց, և այս ուսուցանէ, թէ ոչ է օրէն ջրով միայն աւանդել զխորհուրդն, և ոչ արեամբ լոկով, այլ արեամբ և ջրով, այսինքն//զինով և ջրով: Իսկ մեծ եպիսկոպոսն Մելանոյ սուրբն Ամբրոսիոս գրէ. հնազանդել պարտ է սուրբ և առաքելական եկեղեցոյն Հոռմայ, վասն զի հաստատեալ է ուղղափառ հաւատով յառաքելոյն Պետրոսէ, քանզի որպէս մարմինն հնազանդի գլխոյն, նոյնպէս և ընդհանուր եկեղեցի, որ է տաճար Քրիստոսի, հնազանդել պարտի սմայ, որ զլուսն հաստատեցաւ ի Քրիստոսէ եկեղեցոյ: Եւ քանզի հարկաւոր է՝ ի սուրբ խորհուրդն ջրոյն արկումն ցուցանէ դարձեալ նոյն ինքն սուրբն Ամբրոսիոս այսպէս՝ ասելով. Այսուիկ զխառնումն Բանին Աստուծոյ, որ ընդ մեզ նշանակեմք, քանզի ճշմարտապէս եղև խառնումն աստուածութեանն ընդ մարդկութիւնս, որով և կոչեցաք անդամք ճշմարիտ գլխոյն մերոյ Քրիստոսի և վասն այսորիկ զխաչին իւր, այսինքն զարիւնն և զջուրն առնումք լիով ի պատարագն, որ ի սեղան խաչին, զի կատարեալ երևեսցի հաղորդութիւն մեր ընդ Աստուծոյ: Ի սոյն միտս յիշէ և մեծն Գրիգոր Աստուածաբան ի պասեքին ճառի վասն արեան և ջրոյն, որ ել ի կողից Տեառն մերոյ Յիսուսի Քրիստոսի յորժամ պատարագէր ի խաչին վասն քաւութեան և փրկութեան աշխարհի այսպէս ասելով. Ել արիւն նշանակելով, թէ կեն[դ]անի է ըստ աստուածային բնութեանս Տէրն մեր, և ջուր՝ թէ մեռաւ մարդկային բնութեամբն ստուգապէս, զոր ի մէջն էառ, այսու ցուցանէ սուրբ հայրս հարկաւոր զոյ զխառնումն ջրոյն ի պատարագն, զի թէ որ մատեան և մատչի պատարագ Քրիստոսէ ըստ այնմ մարդ պարտ է ապա զինով և ջրով միշտ լինել պատարագն, զի Քրիստոս ոչ Աստուած

78բ

միայն է և ոչ մարդ միայն, այլ Աստուած և մարդ, յայտ է ապա, թէ որք լիով և կատարեալ առնուն զճշմանակսն, ի պատարագն Քրիստոս խուտովանին Աստուած և մարդ կատարեալ զՏէրն մեր, իսկ որք թերի, այսինքն զինի եւթ կամ ջուր միայն, որպէս յեպիոնեանքն և մարկիոնեանքն, զոր յիշէ Երիմոս, այնպիսիքն պակաս գաւանին ի խոստովանեանքն, զոր յիշէ Երիմոս, այնպիսիքն պակաս գաւանին ի խոստովանութիւն աստուածութեան և մարդկութեան Տեսուն մերոյ Յիսուսի Քրիստոսի, և գրէ թէ այն ոչ է պատարագ վասն անկատար և թերի գոյոյն, յաղագս որոյ և մատուցողքն ընդ քանի և մեղադրութեամբ են ի սուրբ և ի մեծ սինգոդոսացն և զտեսութիւն սրբոց հարցս և վկայիցս Քրիստոսի, որ ի սոյն խօսեցան, զմեծին Աղեկսանդրոս պապուն և զսրբոյն Յովիանոսի պապուն Հոռովմայ և զԿիպրիանոսի և զԱմբրոսիոսի գտցես յիւրեանց շարադրութիւնսն զոր արարեալ են վասն խնդրոյ այսորիկ ի թուղթսն Իոնէկեմոնոսի պապուն Հոռովմայ, որ կայ ի Ֆռանկ ցուցակն, զոր գրեալ էր առ Տէր Գրիգորիոս կաթողիկոսն եղբայր մեծին Ներսէսի Կլայեցուն լուսափայլ/և փառաւոր վարդապետին ի ջրոյս քանն, թէ հարկաւորէ ի սուրբ խորհուրդն, զոր յիշէ և սուրբն Երիմոս հետևողքն առաքելոցն Քրիստոսի, զոր թէ խնդրես, գտցես իւր շարադրութիւնսն ի քազում տեղիս: Ի չորրորդ հատուածին, որ առ ամենայն աղանդսն, ասէ թէն զայս Տէրն ուսոյց զխառնումն քաժակին ի վերնատունն ի ժամանակ չարչարանացն, զոր առեալ ի սեղանոյն հաց, զինի և ջուր ամանով, որ կայր առաջի աշակերտացն, օրհնեաց, սրբեաց, գոհացաւ, որպէս ասէ անտարանիչն Մաթէոս և ասաց՝ այս է մարմին իմ և արիւն իմ, զայս արարէք առ իմոյ յիշատակի, և թէ ոչ արքից ի քերոյ որթոյ, յայսմ հետէ մինչև արքից զդա նոր ընդ ձեզ արքայութեան Հօր իմոյ: Նաև Պետա սուրբ քահանայն և այլևս յոլովք ի սրբոցն խօսել են ի սոյն խորհուրդս, զորոց զտեսութիւն գտաք լիով ի նամակ սքանչելի հօրն մերոյ Գրիգորիոսի և զի յի էր վկայութեամբ յաստուածաշունչ գրոց, որ ի սոյն խորհուրդ, այլ և ի քանն և յաւանդութենէ սրբոց վարդապետացս և հարցս յոյժ ամրացեալ գոյր մանաւանդ թէ ընդ կանոնի և հրամանի սրբոց սինգոդոսացն, որ եղև ի մեծն Կոստանդնուպօլիս և ի Կարթագինէս, որպէս և գրեալ է ի վեր անդր և զի էր ըստ հետի և շաղաց սուրբ և ուղղափառ եկեղեցեացն Քրիստոսի Հոռովմայ և Կոստանդինոս և այլ սուրբ ուղղափառ եկեղեցեացն սովորութեանցն և կարգացն զոր սկսեալ յառաքելոցն սրբոց հետէ, զնոյն կարգ և սովորութիւն ունին և առնեն մինչև ցայժմ, վասն որոյ և աստ ժողովեալ քազմութիւն եպիսկոպոսաց և վարդապետաց, հարց և քահանայից հանդերձ քրիստոսասէր թագաւորաւս մերով, Լեոնի և պարաւաւս Հեթմի և եղբարք իւրովք Ալեքի և Ալիմախի և այլ ևս իշխանօք, ազատօք և զօրօք ևս քազում\* ժողովրդականաբ յոյժ հաւանութեամբ և պատուով ընկալաք զհրաման սրբոյ հօրս և իրև զճշմարիտ և զառաքելական կանոնս և զօրինադրութիւն հաստատեցաք յեկեղեցիս հայոց, զի թէպէտ այսպիսի աւանդութեամբք սուրբ և կարգաւորութիւնք տէրունական տօնից, ի կանոնիս ժամանակաց սկսեալ ի սրբոյ լուսաւորչէն գոյք յեկեղեցիս Հայոց և պահիր սոյն սովորութիւն քազում և երկար ամօք և ի պատճառէ ի մեքէ յափանեալ և քարձեալ եղև: Սակայն և այժմ սղորմութեամբն և շնորհօքն Աստուծոյ, ի ձեռն եպիսկոպոսապետին Գրիգորի և Կոս-

\* Ձեռագրում՝ ևսքազան:

77ա տանդեա և//բարեպաշտ տեառնս մերոյ Լևոնի և որ այժմն է բարեպաշտ թագաւորիս Օշնի և պար Ալիմախի, ընկալաք վերստին և եմք հաճածայն՝ յամենայն բարեկարգութիւնս և տօնս եկեղեցոյն Հոովմայ և այլևս ճշմարտադասն և ուղղախոն եկեղեցեացն Քրիստոսի, զի մի ոք իշխեսցէ յայսմ հետէ և առ յապա յայսմ կանոնադրութեանս և հրամանի, որ ի սրբոյ ժողովոյս եղև ընդդիմասաց և հակառակօղ. երևիս զի մի ընդ պատուհասիք դիցէ և մասն և բաժին ընդ հերետիկոսացն\*\* կալցի, մանաւանդ այնց որք փոխանակ ցորենոյ հացի զոր եկեղեցի սուրբ ճշանակ առնէ Քրիստոսի մարմնոյն նորա ի զարեղէն փոխարկիմ և փոխանակ զինոյ օրինակի արեանն Քրիստոսի ջուր ևեթ ի կիր արկանն:

Եղև կանոնադրութիւն և սահման սրբոյ ժողովոյս ի մեծ թուակաւութեանս Հայոց .ԾԾ. և փոքր թվին .Ե. յամենան մարտի .ժթ. ի յօղօգամեան տօնին, ի սուրբն մեծ կաթողիկէն մայրաքաղաքին Սիսայ:

Պարտ է ամենայն քահանայապետի զխորհրդական գործ եկեղեցոյ ուսուցանել, այսինքն զմկրտութիւն, զպսակ և զպատարագ, որ է խորհրդական չարչարանացն Քրիստոսի յիշատակ, զի որպէս Քրիստոս պատարագեցաւ ի խաչին մարմնով և արիւն և ջուր ել ի կողէն զնոյն խորհրդոյ յիշատակ պարտիմք առնուլ: Այլ և զտօն ծննդեանն\*\*\* Քրիստոսի պարտ է ըստ մետասան ազգաց քրիստոնեիցըն կատարել, ի.Ե. դեկտեմբերի ամսոյ, ըստ վկայութեանն Յոհաննու Ոսկեքերանոյ և այլ սրբոց հարցն և վարդապետացն ուղղափառաց, քանզի ասեմ, թէ յամենան յորում ծնաւ Քրիստոս դարձ արեգականն է ի վեր և սկսանի յանել տիւն և զիշերն նշազիլ, որ կու ճշանակէ այսով զճշմարիտ արեգականն ծագիլն յաշխարհ, այսինքն զմարմնով ծնանիւն ի կուսէն: Եւ զծնունդն Յովաննու .իդ. յունիս ամսոյ որ .գ. ամսով յառաջ է քան զՔրիստոսին: Քանզի անտի սկսանին ատուրքն նուազիլ ու զիշերքն յաճել ըստ վկայութեանն Յովաննու, թէ նմա պարտ է աճել և ինձ մեղմանալ, զի գրեալ է սուրբն Յոհաննի մեկնութիւն Աւետարանին վասն Եղիսաբեթի մօրն Յովաննու .իգ. լինել յղութիւն նորա, յորում ամսեան հաւասարի տիւն և զիշերն և սկսանի տիւն ի պակասել և զիշերն յանել, և այս ստոյգ խորհուրդ էր աճման Աւետարանին Քրիստոսի և ի մեղմանայ ստուերական օրինացն որպէս ասէ օրէնքն և մարգարէքն մինչև ցՅովանէս այլովքն հանդերձ:

Գրեցաւ սա ի թվին հայոց .ԾԶ. Ինիոյկինդոսէ պապէ Հոովմայ առ տէր Գրիգոր//կաթողիկոս Հայոց, եղբայր ներսեսի Ելայեցոյն:

77բ

Այսոքիկ հակառակասիրացն բանք, զոր մինչև ցայսր վայրի բազում ստութեամբ յօղեալ, շարամանեաց երկմիտ խորհրդով և ոչ առաջին կամօք, զի որ մօտակայքն էին, ասացին, թէ յորժամ զքանքս Վայսոսիկ ի բաց ընկէց ասելով, առէք ձեզ կոիւ, այստերազմ և հաղառակութիւն, զի իմ շահելով զկամս թագաւորին, զայս արարի և փոխանակ կրեմ աքսորումն յաթոռոյս, և զի էր ոչ վասն ճշմարտութեան խնդրիս այս, այլ վասն հեշտութեան զպահսն յուժանել, պոռնկել և անխըտրաբար պատարագել, որպէս և այնոքիկ ընդ որս սիրեն միաբանել, զի և որ այժմս ունի զաթոռ հեղինակութեան Հայոց, ոչ միայն ջրով,

\* Ձեռագրում՝ համայնայն:

\*\* Ձեռագրում՝ հերետիկոսացն:

\*\*\* ՅՅընկուսն:

այլև ի խմորով պատարագ՝ .բ. րնութիւն և .բ. կամք և .բ. ներկործո-  
թիւն և ապակամացու կիրք ասեն ի Քրիստոս, գճաղկեղովնի ժողովն  
ընդունին և տօն կատարեն, գտորքն, զոր մեր ընդունինք, նզովեն:  
Ին այլ թագում անգգամութեամբ զոր ոչ է պարտ յիշատակել:

Եւ որ գրեացն գայտսիկ ի ժամ վախճանին, զղջացեալ ասէր.  
«Հայ եմ, հայ եմ և հայ մեռանիմ»:

Այս մինչև ցայս վայր:  
Ընդդիմադրութիւն սակս ջրոյն խառնման ի սուրբ խորհուրդն ի թվին  
հայոց .2ԾԸ. պատշաճաբար շարադրութեամբ յարմարեալ մեծի  
բարունապետին Մովսէսի.

«Որդիք մարդկան մինչև յե՛րբ էք խստասիրտք, ընդե՛ր սիրէք  
զճանրութիւն և խնդրէք զստութիւն»<sup>1</sup>, ասէ ուրումն յիպոստ քանն նրա-  
նէին Դաւիթ և ես զնորայն առ քերելով վերածայն[եց]ից յիմումս ժա-  
մանակի. մինչև յե՛րք սրտմտութիւն, մինչև յե՛րք անձնահաճութիւն,  
մինչև յե՛րք ակառութիւն: Ժամ է և ինձ այժմ զառաքելոյն բարբառել:  
Ընդե՛ր քնաւ հերձուածք են ի ձեզ: Մի ազգ, մի լեզու, ոմն ես պօղոս-  
եան, ոմն ես ապողոսեան, զոր վիճաբանութեամբ և ունայն քերմամբ:

Քրիստոս է գլուխ արարածոց և փրկիչ աշխարհի: Եւ զիա՛րդ զմի  
Քրիստոսն ի քազումս քաժանէք, իբրև զայլալեզու կամ զայլադէմ: Ոմն  
յայս ինչ պարապեալ և ոմն յայն յապարան նորաձևութիւն և յանիմաստ  
յաժումն զօրէն կապկի զգայարանաց նմանեալ և ոչ մտաց իմաստից  
ըն[տ]րողաբար փոյթ առեալ: Մի է Տէր, մի հաւատ, ըստ անօթոյն  
ընտրութեան, և միոյ Տեառն և հաւատոյ զիա՛րդ առօրեա փոփոխումն  
և սկզբնատրութեան://Հիմն այլ ոք ոչ կարէ դնել քան զեղեակն Յիսուս  
Քրիստոս և այն վաղ ժամանակաւ եղաւ, զիա՛րդ ամենայն ատուր  
հըմնարկութեան, յամենայն ժամ առաջարկութիւն նորագոյն սկզբանց:  
Բազում սկզբունքն քազում խոռվութեանց են պատճառք և քազում  
քակման և շփոթման: Ամենայն ազգ և թագաւորութիւն քաժանեալ աւե-  
րի և ոչ հաստատի ըստ տէրունական հրամանին, զի վիճմունք և քա-  
ժանմունք խոռվութեան [է] պատճառ և ոչ խաղաղութեան, և խոռվու-  
թիւնքն աւերման, և ոչ շինութեան: Նախ զայս հարցանեմ, զի ամենայն  
իրիք առաջարկութեան (դիտաւորութիւն գոյ, և առանց դիտաւորու-  
թեան<sup>2</sup>) սկզբնատրութեան երբեք իմիք ոչ յինիք: Վասն որոյ և զդի-  
տաւորութիւն առաջարկութեանս այսոցիկ հարցանեմ: Ջի գիտացից  
զհարկաւորութիւն իրս այսորիկ կամ զպիտանութիւն, զի ընդ կարևորն  
և ընդ պիտանացուն քազում զանազանութիւն գոյ: Եւ արդ լսեմ որպէս  
ասեն ստայոդ ունայնաբանութիւն<sup>3</sup>, զի սէր և միաբանութիւն ասեն  
հաստատեցի, և գայցեն մակեղոնացիք և օգնեցեն մեզ, աւաղ, զոր  
և ունայն կարծեացս այսոցիկ, զի թէ առանց Աստուծոյ եղև և ոչինչ  
որպէս և է ճշմարիտ, ապա զայ մակեղոնացոցն ոչ ըստ մերոց յինիցի  
կամաց և ոչ ըստ նոցայն այլ ըստ Աստուծոյ: Ջի որպէս լսեմք նոքա  
ի վաղ ժամանակաց յամենայն ժամ պատրաստեն ոչ վասն մեր, այլ  
զայ և ազատել զԵրուսաղէմ յանօրինաց և ոչ յաջողի: Իսկ սէր ընդ մեզ և  
ընդ նոսա և առանց այսր իրի հայցմամբ սրբոցն հաստատուն է և

78ա

<sup>1</sup> Սաղմ. Դ 8:  
<sup>2</sup> Զեռագրում՝ չիք, այլ ձեռագրերից:  
<sup>3</sup> Զեռագրում՝ ունայնաբանութիւն:

78ր Երբ ԳՄԵԳ ԲՆԱՒ ոչ (ԲՈՆԱՊԱՏԵՆ Ի ՄԵՐՈՑ ՍԱԲՄԱՆԱԳ ՎՈՒՓՈՒԿՈՒՄԸ\*), այլ թեթևամտութեամբ ի մերոցս առ ճոսա փութան շնորհ իմն առնելով խնդրովս: Իսկ Երբ ոչ յի բաց կալն, այլև առաել ի մերոցս պահելն զմեզ ընդունին և էպերեն, զի բացկալն ի մերոց սահմանացն իրն զօրինազանց: Իսկ շաղկապ սիրոյ, թէ էին այսպիսի (իրակերտութիւն, ապա բաց ի սակաւոց ամենայն\*\*) իրօք յունք և մակեղոնացիք համագործութիւն ունին և այնքան թշնամութիւն է ի մէջ նոցա, մինչ զի զմիմեանս ընդ ամբարիշտս համեմատեն: Քանի՞ցս անգամ Կլայնեցիք\*\*\* Ներսէս յիրում ժամանակին և ի թագաւորութեանն հոռոնոց Մանգիլին՝ փոյթ արարին վասն միաբանութեան հայոց և յունաց և ոչ եղև հնար: Այլ և քեռորդի Երից Տէրն Գրիգոր և Լամբրոնացիք Ներսէս ի նոյն ջանացին և ընդունայն և զուր եղև աշխատութիւն և մեր ոչ սրբագոյն, և ոչ իմաստագոյն զոլ բան զճոսին: Եւ Տէրն Ներսէս Կլայնեցիք վասն այսր//իրի գրէ յարևելս՝ աղօթիւք խնդրել յԱստուծոյ, զի ըստ հանդիցն Աստուծոյ աւարտ իրին լինիցի: Որով յայտ իսկ է, թէ ոչ մարդկան հնարիւք, այլ Աստուծոյ իրակերտութեամբ յաջողեսցի իրս այս և ում որ ցաւէ վասն այսր վշտի և թշնամութեան զուր և անօգուտ վիճման, պարտի աղօթիւք առաջի Աստուծոյ անկանել և զայսս ի նոյն յորդորել և երկրամերձ դիմօք և արտօսրաթաւք պաղատանօք հաշտեցուցանել զԱստուած, թերևս դարձի ի քարկութենէ իրմէ, որ վասն մեղաց մերոց: Զի այլ զի՞նչ է պատահումն այսքան, թէ մեղաց մերոց հարուած և պատուհաս յանցանաց, որով և յայտ իսկ է, թէ չիք բժշկութիւն վիրաց մերոց, բայց միայն աղօթից օժանդակութեամբ և Աստուծոյ ձեռնտութեամբ: Եւ մեր զօրէն խաղաղիկ մանկանց կամ անհմուտ բժշկաց ի վերս գլխոյ յոտից փութալ բժշկութեան և փոխանակ ի կարևոր դեղս փութալոյ, ճեմականցն հետևիմք գտմանց: Այլ ասէ, ի ճշմարիտն ընթանամք ի կրօնս և յիմաստնոց գիտս և ի տեսութիւն, Ասող անմտութեանց, յո՞ր ճշմարիտ, կամ յորո՞ց իմաստնոց գիտ:

Արդ բեր ինձ յառաջ զհաւատն Նիկիական և զսահմանադրութիւն սրբոց հարցն և հաստատեա անտի զիրաց քոց առաջարկութիւն: Ամենայն ումեք յայտ է, զի որ ի ձայն մերձ լինի, նմա յայտ է ճշմարիտն, քան որ ի քուցեայ կայ, և թէ այս այսպէս է, որպէս և է իրաւացի, ապա ուրք ի նախակարգեալ օրինադիր հայրսն հուպ էին և յաւանդիչսն հաստատութեան հաւատոյ նոցա յաւէտ պարտ է հաւատալ, քան թէ սուտակասարսուց յետնոց, որք ոչ միայն երկար ժամանակաւ և հետի միջոցաւ յետնեայք են, այլ և վարուց ևս մաքրութեամբ նոցին համեմատութենէ վերջացեալ գտանին: Որք զմե՛ծ և զկարևոր հոգաբարձութենէ անփոյթ արարեալ՝ զոչ պիտանիս ջանան հաստատել, որք բժշկ[ակ]ան արհեստի հմուտք գոլով՝ ի հաւաքումն ծաղկանց\*\*\*\* միայն զպիտանին և զօգուտն ժողովեն և զխոտանն և զանպիտանն ի բաց ընկեանուն, զոր պարտ էր և ոգոց բժշկաց այսմ փոյթ յանձին ունել և ոչ ի վայրապար և յանօգուտ նորաձևութիւնս փութալ, և զպարզամիտսն և զանիմաստսն պատրել: Արդարև հովիւք մոլորեցան և ի սպանութիւն հօտին

\* Ձևագրում՝ չիք, այլ ձևագրերից:

\*\* Նույնը:

\*\*\* Կլայնցիք:

\*\*\*\* Ձևագրում՝ ծաղկաց:

78- Բրիստոսի միաբանեցան և սպա//նութիւն ոչ ըստ մարմնոյ, այլ ըստ հոգոյ:

Եւ արդ եղից յայսմ վայրի առաջի յսասիրաց սեւան՝ լի հոգևոր խորհիւք գիրալից բանս սրբոյ դիտապետին Գրիգորի վկայասիրի:

**Գրիգորիոս վկայասիրի հայոց վերադիտողի վասն Զատկի.**

Ի թուականութեանն հայոց .ՇԼԱ. ի սուրբ Զատկէն մոլորեցան .ժ. ազգս հաւատացելոց և հալք և ասորիք միայն մնացին հաստատուն և հոռոմք և ֆռանկք հետևեցան Իոնիոնի, որ արկանէր ըզտումարն յԱպրիլի .ե. և զլրումն լուսնին հանդիպեցուցանէր ի տօնն Ղազարոս, զոր հալք և երբայեցիք արկանեն յապրիլի .գ. որ հանդիպեցուցանէր ի տօնի ծառզարդարին:

Յորժամ ժողով արարին, զԻոնիոն ոչ կոչեցին և նա հախանձեսլ և եկեալ գաղտ առեալ զվեցն հինկ արար, վասն որոյ յառէն .դէ. սմ մոլորին յոյնք ի Զատկին: Յայնժամ դասք քահանայիցն, որ է Յուր-հայ, ազդ արարին Տեառն Գրիգորիսի հայոց կաթողիկոսի վկայասիրին և նա գրով ձեռին իրոյ հաստատեաց զնոսա անշարժ կալ ի հաւատս ողղափառութեանն և էր պատճէն թղթոյն այսպէս զոր գրեաց յՈռհայ.

Բրիստոսի ճշմարիտ սիրողացդ և դաւանողացդ սրբոյ Երրորդութեանն քահանայիցդ և իշխանացդ և այլ ամենայն ժողովորոցդ ողջոյն: Զաստուածասիրութեան զգիրս ձեր ընթարձաք և զխնդիրս ձեր լուսաք վասն ստուգութեան սուրբ Զատկին և յոյժ զոհութիւն մատուցաք Աստուծոյ, որ շարժեաց զձեզ յայտ: Եւ արդ Տէր Յիսուս Բրիստոս զօրացուցուցէ զձեզ ի նոյնդ կալ հաստատուն և տալ պատասխանի ընդդիմողացն. Գիտէ ինքն ամենագէտն ողորմութեամբն իրով և ամենաքրննին զօրութեամբն իրով, որ թեպէտ գործովք միշտ մեղանչենք Աստուծոյ, այլ հաւատովք ես և հօտքս իմ ամենեքեան զողիղն և զճշմարիտն ունիմք և եթէ ի վերայ ճշմարտութեանն պատճոց հանդիպիմք, մի զանգիտէք և մի երկնչիք, զի զվարձս ի Տեառնէ առնումք և մերձ է ժամանակն փրկութեան և պարտ է այսմ ամենայնի կատարել, զի երևեսցին ճշմարիտքն: Եւ ես որ խրախոյս տամ ձեզ և քաջալերեմ համբերել ամենայն իմաստութեամբ, կամաւորութեամբ մահակից և ես ձեզ գտանցիմ յամենայն գործս և ի տեսակս տանջանոց://

79

Եւ եթէ բանիւք կամ քննութեամբ էր մեզ նեղութիւնս կամ հարցափորձութեամբ, ահա պատրաստ կամք յամենայն իրս տալ պատասխանի, զոր ինչ և հարցանիցեն, և եթէ տանջանոց և կամ բռնութեամբ և ոչ յայնմանէ յորաստ կամք և զոհանամք զԱստուծոյ յամենայն ժամ, որ մինչև ցայժմ յանաստուած հեթանոսաց դատեաք և այժմ ի Բրիստոնէիցդ նոյնպէս: Բայց դուք մի վհատիք, կարօղ է Աստուած ընդ փորձութեանն և զելսն առնել, սակայն որչափ ի կարի մեր է ամենեքեան որպէս զքաջ զինու Բրիստոսի մարտիմք, զբարոք նահատակութիւնն Յիսուսի ի վերայ ճշմարտութեանն վկայէ ինձ Տէր Աստուած իմ, վասն զի չեմք ի սղալումն ինչ և ոչ եմք ի թիրութիւն հաւատոց և կամ յանդգնարար իրաւ զձեզ կարծեմք վասն զի այդ անզգամաց է գործ և անմտաց, այլ շնորհօքն Աստուծոյ և սրբոց լուսաւորչացն մերոց առաջնորդացն զարքունականն և զճշմարիտն ունիմք զճանապարհն,

որ ի Քրիստոս Յիսուս և ոչ յաջ խոտորիլ մեր և ոչ յահեակ և ի պատուիրանացն Աստուծոյ ոչ օտարացեալ, և ոչ հպարտացեալ և անբարտաւանցեալք որպէս զայլս ոմանս: Եւ արդ եթէ խարդախութեամբ ինչ ունիմք զթերութիւն հաւատոց, վասն է՞ր չարչարիմք իրրև զպատմապարտս և ոչ ունիմք զհանգիստ, այլ տագնապաւ շրջիմք ընդ ծով և ընդ ցամաք, որպէս և Պօղոս պատմէ զինքեցն զնոյն և ես ասեմ, եթէ սնոտի յուսով էր այս ամենայն շրջագայութիւնս և փախուստ և նեղութիւնս և անձուկս ինձ տարապարտէ անցեալ, եթէ վասն պարտաւելի հաւատոյ զայս գործեցի և .իս. ամ կամ իմով ճշմարտութեամբս և հայրապետութեամբս և զիմ հայրեցի զտունն ի խաղաղութեանն ժամանակի թողի և յայս փոխեցայ, ապա ուրեմն խաբեալ ես միայն եղէ, քայց յուսովն Աստուծոյ եմ և լկայութեամբ սուրբ Գրոց վասն զի զուղղափառ և զանթերին ունիմ զհաւատն: Արդ ամենեքեան, որ իմում հայրապետութեանս և հաւատոյս կցորդիք, մի թուլութեամբ կամ աչառանօք պատկառէք և կամ երկնչիք և զԱստուած վաճառէք վասն սնոտի կենացս, վասն զի անա այս է ժամանակ ընդունելի և առնուլ պսակ ի Քրիստոսէ, և երաշխաւոր ես եմ ձեզ առ Քրիստոս, վասն զի որ զսուրբ հարցն զցանկն ոչ պատահէ, ընդ/սուրբսն պսակեցի, ապա թէ որ զմարդկան զփառս առաւել սիրեցէ քան զԱստուծոյն: Ի դատաստանի որդոյն Աստուծոյ ընդ ուրացողսն գտցի, որք զՔրիստոս Աստուած ոչ խոստովանեցան և ի մեր հաւատոյս և յարհնութեցն անմասն ելցէ: Իսկ հաստացեալսն ի հաւատս մեր օրհնեալ եղիցին յերկնաւորաց և յերկրաւորաց, ի մէջ և յԱստուծոյ, որ է օրհնեալ յաիտեանս:

Եւ արդ սուրբ հայրս այսոքիկ են բանք և այսպիսի սպառնալիք, որ երկերիւր ամաւ կամ ևս անելի յառաջ գոլով, քան զմեզ և բազում ժամանակս առ յունականս ի թագաւորանիստ բաղակն կացեալ և նոցին ամենայն իրի տեղեկացեալ, և թէ ի սմանէ թաքուցաւ ճշմարտութիւնն, ապա վերջեցելոցս զիա՞րդ եղև յայտնի, որք ոչ առաքինութեամբ ի սորին չափ հասեալք և ոչ գիտութեամբ՝ իմաստից և այսոքիկ այսչափ: Յայսմ հետէ ընթասցուք ի քանիցն քննութիւն և տեսցուք, որչափ է կարողութիւն ընդդիմադրելով զպատասխանին, ոչ հակառակութեամբ և յանդճութեամբ, այլ սրբոցն խօսեցեալ քանիք, հաստատելով զերիս այսոքիկ զճշմարտութիւն վասն պարզամտացն անսայթաք մնալով:

Գրիգորն ասէ կաթողիկոսի. ի գրեցելոցս թեթևութիւն գրոյս վեր երևի ոչ սրբոյ, զի չէր ոչ Տեառն, զի ամօթ համարէին ոչ վերադիտողի, զի եպերանաց ունէին կարծիս և մի որ զբանս անզգամութեան համարեցի, զի թէ գրով ոչ էին կատարեալ, ոչ ունէաք ընդ գրով արկանել, զի որք զայսոսիկ ծանուցին զսահմանադրութիւն զճնօղ քանիս ինքեան հրապարակեցին, աքսորեցին և հրապարակագոյժ արարին: Ապա որո՞վ իմաստութեամբ զնորին վերագրեն զանուան յորջորջումն ի տառապարտութեանն, քանզի պարտ էր կամ սուրբ վերաձայնեալ և զգրեալսն հաստատեալ, կամ թէ այն մեր արժանի զոր արարին խոտան և

\* Ձուտագրում՝ և ոչ գիտութեամբ, և ոչ գիտութեամբ:

ամօթայի գրառն հաստատել: Այլ մեք ի սրբոցն դիմացուք բան, և զնոցին յառաջ բերցուք զճշմարտութիւն և նախ զսրբոյն Ներսէսի հայոց վերադիտողի, երբօր տեսա՞ն Գրիգորի քեռորոյ Վկայասիրին:

Եւ արդ դիցուք նախ գրանս ունայնախորհիցն, թէ զինչ ասէ, որ ասեմ:

Վասն ջրոյն թէ պարտ է ասել խառնել ի սուրբ խորհուրդն որպէս առ քրիստոնէայքն: Որոց առաջին պատասխանի այս.

80ր Իւրաքանչիւր ոք, եթէ հոգ ըստ հաճոյից իւրոց, այլ մեք երթիցուք յանուն Տեառն Աստուծոյ մերոյ: // Եւ եթէ ի Քրիստոս հաւատայք, նա ջրոյն շփոթումն է ի բաժակն և զՔրիստոս զպատառն ի ջրոյն լուաց և եղ Յուդայի և ջրոյն ընկեր խմորն է:

Նա և .ժդ. գրուի հերձուած. յիշ[է] Մարկոս ոմն.

Բազում չարիս յաւանդեալ այլ և բաժակ գինով խառնեալ և բաղքառեալ գոհութիւն իմն ի վերայ ծիրանի և կարմիր երևելի առնէր առ ի պատրել տեսողաց, և որք ընպէին թմբեալք անբժշկելի ոչ մեկնէին ի նմանէ և կանանց արթուցեալ շնայր ընդ նոսա: Եւ գիտել պարտ է, թէ ի պատասխանատուութեան ոչ է, այլ միայն զճշմարիտն ծանուցեալ վասն ազտի:

Ի սուրբ գրոց ասէ վկայութեամբ և նախ յտեսարանչէն Յովաննու դէ՛չ որպէս ասէ, թէ .գ. եմ, որ վկայեմ յերկինս՝ Հայր և Բանն և Հոգի՞ն՝:

Եւ .գ. եմ, ասէ, որ վկայ յերկրէ հոգին և ջրոյն և արիւնն:

Պիսի. Այս վկայութիւն սակս յայտ առնելոյ, թէ Որդի Աստուծոյ է Յիսուս և ոչ վասն ի սուրբ խորհուրդն ջրոյ՞\*:

Թէ զՅորդանանու ասէ անդ արիւն ոչ յիշէ, ապա թէ զիսաչին որպէս և է ճշմարիտ, ջրոյն ի մկրտութիւն զի որիշ էլ ի կողէն և արիւն ի հաղորդութիւն:

Հրցու. Դե՛ն և զՊօղոսին, թէ յուտել հացին զմահն Տեառն պատմել.

Պիսի. Եւ Պօղոս անդ ջրոյ ոչ յիշէ, այլ միայն գրածակն ասէ ըմպել և ի կողէն արիւն և ջրոյ ելանելն կենդանի աստուածութեամբն և մեռեալ մարմնովն զՏէրն ի իսաչին քարոզէր և ոչ ի սուրբ խորհուրդն ջրոյ արկանել:

Հրց. Գրիգոր կաթողիկոսէ. Բերէ և գրան Փրկչին, թէ անեալ գրածակն ի սեղանոյն գոհացաւ և ասէ՝ զայն արարէք առ իմոյ յիշատակի և գրածակն ասէ ոչ անապական գինոյն է անուն, այլ ամանոյն:

Պիսի. Մովսիսի վրդտ. Ով դուք, որ գայդ ասէք և ոչ պատկառէք, յորժամ ասէ՝ քանիցս անգամ, թէ ընթիցէք գրածակս՝ մի՞թէ զամանն սասց ըմպել և ով ի մարդկանէ զպնակ կամ զգուշ կամ զսկիհ էարք: Տեսանէ՞ք, թէ անզգուշութիւնդ ուր տանի զՁեզ հանէ: Հոմանուն է բաժակն: Ձի և զչարչարանն բաժակ ասէ՝ կարէք ըմբել գրածակն, գոր ես ըմպելոց եմ, սասց Տէրն:

Հարցու. Յիշէ և զՍողոմոն, զի ասէ խառնեաց ի խառնարանս զգինի իւր:

Պիսի Մովս. Սողոմոնն ոչ վասն խառնելոյ ջրոյ և գինոյ, ասէ, այլ վասն հնոյ կտակին առ նորս միաբանութեան, որով և զանզգամսն ի

\* Ձեռագրում՝ Պիսի:

\*\* Ձեռագրում՝ Պիսի:

81... սգայութիւն անէ, զի հիճն ասէ՝ մի սպանանէր և ի նորս՝ մի բարկանար, ուստի սպան//անելն էր և ի նորս լինի: Եւ Լամբրոնացից ներսէս զնոյնս ասէ, թէ՛ զնորս ընդ հիճն խառնեաց զուխտակի ըստ տանուտեան, որ հանէ ի գանձէ իրմէ զնորն և զհիճն: Զրաբանէ և զբերանն Ոսկի և զհասիլիոս, թէ ի պատարագն մատուցին զրեալ եմ ջոր արկանել:

**Մով.** Եւ ի մասընդեք ունելով զպատարագս սրբոցն և այժմ հայելով նկատեմ: Սուրբն հասիլիոս զրեալ է յիրում պատարագամատուցին այսպէս. առեալ զգինից արկանէ խաչանիշ ի սկիհն ասելով. յաղագս յիշատակի տնօրենութեան Տեառն մերոյ Յիսուսի Քրիստոսի. և ջոր բնաւ ոչ յիշէ: Սոյնպէս և Յոհանն յիրում պատարագամատուցի զնոյնս է զրեալ և առեալ ասէ զգինից արկանէ խաչանիշ ի սկիհն ասելով. յաղագս յիշատակի տնօրենութեան Տեառն Աստուծոյ և Փրկչից մերոյ Յիսուսի Քրիստոսի. և սուրբքս ոչ յիշեն ջոր: Իսկ եթէ ոմանք յանդրոցնաբար եղեալ են, զսուրբքն մի զրաբանեցեն ստութեամբ: Եւ Տեառննորսն Յակովբա բնաւ անհարմար է զայդ ասել, և սրբոյն Աթանասի, զի թէ նոցա արարեալ էր, սոքա սուրբքս որ յետ նոցա էին, յիրեանց պատարագամատուցին եղեալ էին, որով յայտ է թէ չէ և չէ բնաւ ուրեք:

**Գրիգոր.** Այլ և զՍփորեմ և զԳրիգոր Նիսեա յիշէ և ասէ այսպէս. բաց զբերանդ և արք զջորն ի կողէն զոր տեզն աղբերացոյց քեզ:

**Մովս.** Զոր սարտ է իմանալ, թէ ի խորհուրդ մկրտութեանն ասէ, զոր մտացն բերանով ասէ ըմբել. և զի ի մեկնութիւն Տէրունական աղօթիցն Նիսացից ինքն զմտացն զիտակցութիւն աղբեր կոչէ, զոր խորհրդաբար սարտ է իմանալ, զի և Նսայի ծարաւելոց հրամայէ զնալ ի ջորն, որ զմկրտութիւնն ցուցանէ և ոչ զհաղորդութիւնն: Եւ Եպիփան Կիպրացից ի մեկնութիւն Սաղմոսից և Դանիէլ Ասորից. ճաշակեցէք և տեսէք զի քաղցր է Տէր, զմկրտութեան խորհուրդն եմ ստեալ, որ մտացն է ճաշակումն և ոչ զգալի բերանոյն: Եւ դարձեալ Դանիէլ ասէ և զայս. եկն Աստուած մարմնով և ետ փոխանակ հացի զմարմին իր և փոխանակ ջրոյ զարիւն իր: Այլ Գրիգոր Նիսացից ի մեկնութիւն ժողովողին զրե. ասաց Տէրն մարմին իմ ճշմարիտ կերակուր և արիւն իմ ճշմարիտ ըմպելի, արդ որ զայն սիրէ զմարմին իմ և յայն արիւն հանգչի, յախտից մաքրի, վասն զի հանցին մարմին և որ ի մարմնոյ անտի արիւն//ախորժելի լինի ճաշակողացն\* և բաղձալի: Եւ սուրբս աստ ջոր ոչ յիշէ:

81r

**Գրիգոր.** Առնու և զմիս բան զՆիսացոյն, զի զգինից ջոր ասէ որակացեալ ի փայտի:

**Մովս պխի.** Եւ թէ այս այսպէս է, որպէս է ճշմարիտ, ապա զջոր ի ջոր զիա՛րդ պարտ է արկանել, զայս ոչ տեսաք ի մարդիկ առ ի յարբուսն զայս արարեալ, զի ծիծաղելի է:

**Գրիգոր.** Դնէ ծեքելով զբանն Յովաննու, զոր ի մեկնութիւն Աւետարանից ասէ. թէ ոչ արբից ի բերոյ որոյ մինչև արբից զդա նոր ընդ ձեզ յարքայութեան հօր իմոյ:

**Մովս.** Զոր և ասէ, թէ զմիս չար հերձուածն արմատացի խլէ, որ ի սուրբ խորհուրդն ջոր ի կիր արկանեն: Զայս ոչ վասն այնորիկ ասեն, թէ ասէ, թէ ընդ գինից ջոր խառնեն հերձուած անուանելով, այլ որ զսուրբ խորհուրդն ջրով միայն առնեն:

\* Ձուագրում՝ ճաշակողացն:

**Մովս.** Ասադ ստութեան և ունայնութեան բանիցս: Չայտցիկ գպա-  
տապիսանին երանելին Ներսէս Կլայեցիին լիով և անթերի առնէ զոր յե-  
տոյ դիցուք ի կարգին իրում: Իսկ մեք զայս ինչ այժմ հարցանեմք, ով  
քուք, Քրիստոս գինով զխորհուրդն աւանդեաց, ի թերոյ որթոյ աւաց,  
ոչ առից և ոչ ի ջրոյ: Ո՞ր միտք էր, որ լոկ ջրով մատուցանէր զխոր-  
հուրդն և ընդէ՞ր ոչ ասաց Յոհան, թէ որ միայն ջրով առնեն, քան թէ  
որ ի կիր արկանեն: Ասաց և ի կիր արկանելն ոչ միոյ, այլ խառնութեան  
է անուն: Եւ եթէ ընդէր ոչ յայտնեաց, ասէ զանուանս այնոցիկ սուրբն  
Յոհան առ մեզ չէ յայտնի, զի ոչ էին, այլ միայն ստայաւոր քանք որպէս  
եղջիրաքալ և արալեզն և ոչ էին ոչ գոյ յայտնութիւն:

**Քրիզ.** Այլ ասէ գտաք ի գիրս Երիկոսի զանուանս ցոցս, զի Երի-  
ունեանքն ասէ, լոկ մարդ ասեն զՔրիստոս, վասն որոյ ջրով միայն  
պատարագէին և մարկիոնեանքն Աստուած միայն ասէին և սակս այնր  
գինով միայն պատարագէին:

ՌՁԱ

**Մովս.** Ահա յայտնի ստութիւն, զի թէ եղեալ էր այս երբէք ուրէք  
միայն ջրով ումեք պատարագեալ, սուրբքն ծանուցեալ էին և ի քազ-  
մաց յսելիս հասեալ էր մինչև ցայժմ, այլ զի ոչ էր, ոչ եղև յայտնի, և  
թէ գինով միայն պատարագէին հերձուած էր, սուրբքն ոչ էին միայն գի-  
նով պատարագեալ և մեզ ուսուցեալ, և թէ մարկիոնեանքն զայս առնե-  
ին հերձուածութեամբ, ապա որք մեզ ուսուցին, որ մինչ ցայժմ զՄար-  
կիոն նզովեմք, զայն ընդէ՞ր ոչ ուսուցին, թէ գինով միայն պատարա-  
գելն Մարկիոնի//աղանդն է և ոչ է պարտ առնել: Մարկիոն .ե. հերձ-  
ուած է ասացեալ և վասն պատարագին խորհրդոյ գինոյ կամ ջրի  
քնաւ ոչ յիշեալ, որով յայտնի ստոյն զբարանութիւն և զաղփաղութիւն:  
Տեսանե՛ս, զի սուտն անտոք է և ընդանալ ոչ կարէ, զի որք զայսոսիկ  
գրեցին զբարանութիւն, ես ինքնին եղէ ականատես երբեմն, զի գրեալ  
էին ստայաւոր քանք և մակագրեալք զանունն Յովաննու և մատուցին  
առաջի իմ, զի այնու պատրեացեն, որ և ի նոյն տեղուցն էպէրեցաւ, ոչ  
եղև ընդունելի, զի սուտ էր, վասն որոյ չէ զարմանք, թէ և զայս ստու-  
թեամբ ի վերայ Յովաննու և Երիկոսի յաղէին և թէ յայլ Երիկոս ունին  
քաց յաշակերտէ առաքելոցն իրեանց աղանդովն, մեզ չէ ընդունելի:  
Իսկ զիրիոնացիքն, ասէ Եպիփան, ի .ծ. գլուխ հերձուածն, թէ զջուրն  
որպէս զԱստուած պատուեն և հանապազ մկրտին, զոր նզովեմք, ասէ  
հանապազ և աստ վասն խորհրդոյ ոչինչ յիշէ:

**Քրիզ.** Բերէ աստ ի մէջ և զքանս վեցերորդ ժողովոյն Յունաց, որ  
յաւուրս Յուստիանոսի, զի ժողովս այս և Յուստիանոս .ծգ. ամալ յե-  
տոյ է, քան զՄարկիոն և զժողովն Քաղկեդովնի, որք նոյն հերձուա-  
ծովն էին և մեզ չէ ընդունելի, զի զիրեանցն սահմանէին այսորժակս  
և ոչ զարթոց հարցն օրինադրութիւնս:

**Մովս.** Եւ Ջենոն կայսր յունաց յետ .իգ. ամի ժողովոյն Քաղկեդով-  
նի վասն ուղղափառութեան հաւատոյ երկոտասան գլուխ նզովս գրեաց  
վասն Քաղկեդոնի ժողովոյն խրամատողաց զուղիղն:

**Քրիզ.** Ասէ և զժողովն Կարթագինի առ Ոճորիոսի թագաւորին  
Հռովմայ:

**Մովս.** Ոճորիոս որդի էր Թէոդոսի մեծին և եղբայր Արկադէոսի,  
և թէ նոքա ջուր էին հաստատել ժողովով, ահա Յոհան և այլ սուրբքն  
որ յետ նորա ընդէ՞ր ոչ ընկալան կամ ուսուցին: Յայտ է, թէ ոչ է ճըշ-  
մարիտ:

**Գրիգ.** Աձէ ի մէջ և զԱղեքսանդրոս պապն Հոռոմայ, որ զխորհրդական գործ եկեղեցոյ քահանայապետի ասէ ուսուցանել զմկրտութիւն և զպսակ և ի խորհուրդ պատարագին յիշէ զջուրն, որ ի կողմն Տեառն և զՍողոմոնի ասելն վասն խառնմանն:

**Մովս.** Զայսոսիկ զպատասխանին յառաջ արարաք: Բայց ջուրն ի հոռովմայեցիքն յետոյ եմուս՝ Մարտինոս եպիսկոպոս արկ://Եւ ոչ էր յառաջագոյն: Եւ ոմն ի վարդապետաց նոցին ասէր ցիս, թէ ոչ իշխեմք ասել ազգիս մերում, թէ ջուրն ի մկրտութեան խորհուրդ է և ոչ ի պատարագին:

**Գրիգոր.** Առնու և զՈւլիանոս Հոռովմայ և զԿիպրիանոս Կարքեդոնի, որ և զնորին Սողոմոնի բանսն թերէ ի մէջ վկայելով, նաև զԱմբրոսիոս ևս յիշէ, թէ զՀոռոմայ եկեղեցին գլուխ ասէ.

**Մովս.** Եւ այս ոչ է ճշմարիտ, զի մի եկեղեցի մեծ և փոքր ոչ կարէ լինել, որպէս մի մարդ ինքն ինքեան մեծ և փոքր ոչ լինի: Բայց զայսոցիկ պատասխանին յառաջագոյն արարաք, թէ սուրբ և իմաստուն հարքն մեր առաջինք, որ մօտագոյնք էին ի ժամանակին, նոքա լիով և անթերի զճշմարիտն գիտէին, որ ստուգապէս տեղեակ էին սրբոցն բանից և ամենայնի ի վերայ հասնայք ճշմարտութեանն, որք զուղիղն մեզ ուսուցին և ոչ թիրսն:

**Գրիգոր.** Առնու վկայ և զԳրիգոր Աստուածաբան յայտնապէս հակառակ ինքեանն և յամօթ նախատանաց, զի զարիւնն յայտնապէս վկայ կենդանութեան աստուածային քնութեանն ասէ և զջուրն մեռելութեան մարմնոյն, որ ի վերայ խաչին և ոչ ի խորհուրդ հաղորդութեանն:

**Մովս.** Գրիգոր Նիսացի յերգ երգոցին մեկնութեան ասէ. ճշմարիտ ողկույզն, որ ի վերայ փայտեղէն վեր ամբարձութեանցն զինքն եցոյց, որոյ արիւնն փրկելոցն և հրճուեցելոցն ըմպելի և փրկութիւն լինի: Սուրբն Գրիգոր Աստուածաբան ի թղթին, որ առ Դորոթիկոս, այսպէս գրէ. ի վերայ սնդոնի, այսինքն սրբոյ սեղանոյն դնեմք զհացն ստաչնորդութեան և զբաժակն օրհնութեամբ սրբելով ճշմարտապէս զնա մարմին և արիւն Տեառն առանց յերկուանալոյ ճաշակեմք հստատովք: Սուրբս այս աստ ջուր ոչ յիշէ յամօթ առնելով զհակառակամարտն, ուստի յայտ է, թէ ստութեան են քանք և ոչ ճշմարտութեան. մարմին իմ ճշմարիտ կերակուր ասաց Քրիստոս և Արիւն իմ ճշմարիտ ըմպելի և ոչ ջուրն:

**Գրիգ.** Իսկ զի ասէ զայսոսիկ քանք Ոնեկենդոս պապն Հոռովմայ, գրեալ առ Տէր Գրիգոր Կաթողիկոսն հայոց եղբայր մեծն Ներսէսի լուսափայլ և փառաւոր վարդապետին:

**Մովս.** Ահա յայտնի եղև լրբութիւն և անամօթութիւն և յիրոցն եպերի բանից մաքառելով ընդ ինքեան, //զի թէ նոքա, որ ի ձէնջ վկայեցան լուսափայլ և փառաւոր վարդապետ գլով, ոչ ընդունեցան, այլ շաղկապութիւն և շաղակրատանք համարեցան, դուք, որ ոչ լուսափայլ և ոչ փառաւոր, զիա՛րդ յանդգնիք ընդդէմ նոցին և ամենայն սրբոց անզգամել հակաճառելով, զի նոքա քաջ գիտէին զսրբոցն առաջնոցն զբանսն և միշտ նոցին հետեւելով շաղկաց, զուղիղն ընտրելով և ուսուցանելով հանապագ:

**Գրիգն.** Եւ զԵրիւնոս առնու վկայ և նորին քանի ցուցանէ, թէ ի Մաթէոսի Աւետարանին գրեալ է, թէ առեալ Տէրն ի սեղանոյն հաց

և ջուր ամանով, որ կայր առաջի աշակերտացն, օրհնեաց, սրբեաց և գոհացաւ:

**Մովս.** Ի համատարած ծովէ, կամ ի յորդաբովս գետոյ մի ճաշակն քաւական է առ ի ստուգութիւն քաղցրութեան և դառնութեան: Այսպէս և միով քանի յայտնեացի քազմացն ստութիւն և ճշմարտութիւն: Ի չորից անտարանչացն մեք զմիցն գիտեմք Մաթէոս և նա ընդ քսածակն ջուր ոչ յիշէ, ապա թէ նոքա այլ ունին անտարանիչ Մաթէոս և այլքս, մեք զայն ոչ ճանաչեմք, և թէ այդ այդպէս է, ահա յայտնի եղև և քածանեցան ի միմեանց որդիքն Աստուծոյ և որդիք սատանայի: Ապա թէ զմերն ճանաչեն Քրիստոս և Մաթէոս զրանս Անտարանին մի ձեքեացեն, այլ ճշմարտութեան հետևեացին:

**Դարձեալ** զի յիշէ զերիոնեանքն: Երիոնեանքն ոչ պատարագէին ջրով, այլ հանապազ մկրտէին զամառն և զձմեռն: Եւ զջուրն որպէս զԱստուած պատուէին, որպէս փարառն:

Իսկ կարեղեն հացն, զոր ասորին ասէ յօրինակ հնոյն ամբոխին, իսկ նորս ի Քրիստոսի խաղաղութիւնն զմարմին և զարիւն իւր աւանդեաց և ոչ ջուր, զի ջրին ընկեր խմորն է և ջուրն առանց խմորի սուտ է. Քրիստոս զպա[ս]տառն ի ջուրն լուաց յօրհնութենէն և ապա յետ Յուդայի: Ջջուր ի ջուրն ոչ լուանայ:

**Գրիգ.** Յիշէ և զՊետա քահանայն և զայլ ոմանս զնոյն ճառեալ զաղանդաորութեան ջրոյ և ասէ, թէ զնոյն տեսութիւն գտաք ի նամակ սքանչելի հօրն մերոյ Գրիգորիսի:

**Մովսէսի.** Թէ սքանչելի է և սուրբ, որպէս և է ճշմարիտ, նմա ընդէ՛ր ոչ հետևիս, քան Պետեա և Ոնեկենդեայ, զի թէ նա ընկալեալ էր զբանս նոցին, պարտ էր և քեզ ընդունել, ապա թէ նա ոչ//և ոչ քեզ էր համարձակել ի խրամատօղ լինել ցանկոյն հայրենի և յօձէն հարկանի: Զի հանդգնութիւն մեծ է ընդդէմ սրբոցն ընդդիմադրութիւն առնել, մինչ ցայս վայր է մարդահաճոյ՝ զի մի ասացից մարդապաշտ հակաճառութիւնս այս, զի թէ ճշմարիտ էին բանքս այսոքիկ, ապա ընդէ՛ր ոչ զրեացն և արար զսոյն յաքսորելն իւրում իբր ստրջացեալ իմն զղջմամք, ասէր. հաճելով իմ զկամս թագաւորին, ջուր արկի ի սուրբ խորհուրդն և զայս կրեմ ի նմանէ և յետ այսորիկ որք մօտակայք էին, պատմեցին, թէ ասէր. հայ եմ, հայ եմ և հայ մեռանցիմ:

Եւ արդ այս ամենայն արկածք սատանայի են, զի պատահեաց զեկեղեցի և տակաւին ևս պատահէ, զի մի միաբանելովն զյիսոյ նորին գեր ի վերոյ գային, վասն որոյ ատելութեամբ զմեզ առ իրեարս գոգո՛ւ և քածանէ, զի դիրաւ յաղթեացէ:

Ո՛ տայր ինձ զամենայն քրիստոնեայս մի կամք և մի խորհուրդ: Քանզի զի՞նչ երանութիւն, քան զայսոսիկ, այլ զի միայն այս ամենակարօղ ձեռին է հնարաւոր և ոչ՝ մերումս ջանի, գոնէ զմիմեանս իւրաքանչիւր սահմանս ընդունեցուք սիրով և մի զմիմեանս նախատեսցուք և ոչ փոքր է այս առ ի յուղղութիւն, զի հին սովորութիւն քաղցր է իւրաքանչիւր ումեք և կարօղ է Աստուած զամենեսեան յիւրաքանչիւրն կեցուցանել, զի հուսովն Աստուծոյ հաճոյ է ամենայն:

Այսուհետև զմնացեալ բանսն, որ ի կարգիս է, զայլոց ոմանց զհաւանողացն տեսցուք:

**Գրիգ.** Վասն որոյ ասէ քազմութիւն ժողովեցան:

**Մովս.** Սուտ ասէ, զի սակաւք էին և ոչ բազումք. պարտ էր յամե-  
նայն հալաստանեացս առաքել և ժողովել և թէ ամենեքեան հաւան-  
եալք էին, ապա զայդպիսի նորաձևութիւն յեկեղեցի մտնանել, և թէ ոչ  
ի բաց ընկեանոյ: Ո՞ր իրաւունք է այդ, ինքնահաճոյ մտաց ախօրժակօք  
գրել և առ ամենեսեան առաքել, թէ ընկալարուք (գրէ նաև յոյժ հաւա-  
նութեամբ ընկալարուք—տողատակում):

**Մովս.** Դուք օրինադիրք և դուք ընկալուչք, կարի կեղեցիկ, քայց  
չէ ճշմարիտ, զի նոյն ինքն ի տեղին հակառակեցան և դեռ տակաւին  
ևս հակառակին և որք որ ի սահմանելն իւրում հակառակութիւն կրէ,  
յայտ է, թէ ոչ է ճշմարիտ, այլ սուտ:

84ա

//Այլ և պատուով ասէ, ընկալարուք զհրամանս սուրբ հօրս իբրև  
ճշմարիտ:

**Մովս.** Թէ սուրբ հայր էր, ընդէ՛ր ընկեցիք յաթոռոյ և չար ի վերայ  
եղիք և ընկեցօղք ոք որ օրինադրէք զբանսն, ծածկեալքն ոչ թաքչին,  
այլ յայտնին տէրն հրամայէ, քայց ձեզ որքան հնար էր, յընդդիմակէն  
պարտ էր ջանալ և ոչ սիրով նեցգել և պարսաւանօք պատուել:

Եւ հաստատեցաք, ասէ, յեկեղեցիս հայոց:

**Մովս.** Ի գրոց՝ Առաջին Հայք և Երկրորդ և Երրորդ և Չորրորդ  
անուանեն և Կիլիկիէ յայսցանէ ոչ է և ի սոցանէ ժողովդ ձեր ոք ոչ էր,  
յոր եկեղեցիս հայոց ասել հաստատել: Յայտ է, թէ յոչ որ:

Այլ, ասէ, զլուխքն աստ էին:

**Մովսի է.** Գլուխն այնքան է զլուխ, որքան ի վերայ անդամոց  
մարմնոյն հաստատեալ էր: Իսկ յորժամ ի քաց կարեացի որոշելով ի  
մարմնոյն, յայնժամ ոչ է զլուխ, այլ խաղալիկ ծաղր և այսպ կատակա-  
նաց:

Աւանդութիւնս այս, ասէ, և կարգադրութիւն տօնից ի սուրբ Լու-  
սաւորչէն սկսեալ կայր յեկեղեցիս հայոց և ի պատճառէ ի մեքէ խա-  
փանեալ եղև.

**Մովս.** Երբ այդպիսի սրատէս և կորովարիքք էք, որ գիտացիր, թէ  
յառաջն էր և յետոյ խափանեալ եղև, զպատճառն ընդէ՛ր ոչ գիտացիր,  
կամ զժամանակն, թէ յորոց պատճառ էր կամ յորում ժամանակի:  
Սուրբն Ներսէս ի թողթն, որ առ Մանիլ թագաւորն յունաց գրեալ է, թէ  
զաւանդութիւնս զայս ի սուրբ Լուսաւորչէն մերմէ ունիմք, զոր ընկալ-  
եալ էր նորա ի սրբոցն, որ յառաջ քան զնա: Եւ դուք ասէք ի պատ-  
ճառէ ի մեքէ խափանեալ: Ով որ միտս ունիցի, կարէ ճշմարտապէս  
ընտրել, թէ ձեզ պարտ է լսել, թէ սրբոյն Ներսեսի և եղբօր նորին Գրի-  
գորի և միւս Գրիգորի Վկայասիրի, որ սքանչելիքն և զարմանալիք են:

Եւ սկսեալ այժմ, ասէ, ի ձեռն եպիսկոպոսապետին Գրիգորի և  
Կոստանդեա և Լեւոնի, Հեթմի, Օշնի և Ալինախի:

Ոհ, ոհ, ոհ անբաւութեանս և կարի յոյժ անզգայութեանս, սուրբ  
և երանելի մեծապատիւ կայսրն Կոստանդիանոս յարևելից և յարևմտից,  
ի հիւսիսոյ և ի հարաւոյ և ամենայն գաւառաց ժողով արարեալ, սրբոց  
և իմաստնոց, ևս սքանչելագործաց, որք զՀոգին սուրբ ընկալեալ էին,  
իբրև զառաքեալսն մահացուցանելոյ և կենդանացուցանելոյ, //իշխանու-  
թիւն առեալ իբրև զՊետրոս և զայլ առաքեալսն: Իսկ աստ ասէ՝ Գրի-  
գորի, Կոստանդի, Հեթմի, Օշնի և Ալինախի իշխանիք, ըռամիկ ժո-  
ղովդդովք, զորոց զգործն Աստուած գիտէ, որ ծածկագէտն է: Իշխանօք  
և թագաւորաք կարգ և կանոնք եկեղեցոյ ոչ է երբէք եղեալ և չէ

84բ

պարտ լինել, զի առաջին թագաւորքն վասն ճշմարտութեան միայն ժողով հրամայելին սրբոց հարց լինել, իսկ զընտրութիւնն ի ձեռն նոցին թողուին: Իսկ աստ սպառնալիք և աստ թագաւորական ոչ հնազանդելոցն և ովստադրութիւն զհրամանս արքայի և զհաճոյս նորին, թէ և անօրէնութիւն իցէ յանձն առնուլ կատարել և ասլա քահանայապետական արժողոյն արժանանալ:


Մի ոք, ասէ, սուրբ ժողովոյս օրինադրութեան ընդդիմանալ:

Սուտ ժողովս պարտ է ասել և ոչ սուրբ, ի հոգոյ ստութեան և ոչ ի հոխտոսի Հոգոյն, որ Աստուած է ճշմարիտ:

Ջի մի, ասէ, ընդ պատուհասիւք դիցի և մասն և բաժին ընդ հերետիկոսացն կալցի:

Թէ մարմնական սպառնայք պատուհասես և հաւանօղքն ինձ պատրաստեմք ի վերայ ճշմարտութեանն մեռանել: Եւ հաւատամք ըստ հրամանի սրբոյ հօրն մերոյ Գրիգորի Վկայասիրի այսու չարչարանօք առաջին սրբոցն գտանել մասնակից: Իսկ հերետիկոսացն, զոր ասէք. բաժին նոքա ընկալցին, որ զսրբոց լուսաւորչացն մեքոց զհրամանս արհամարհեն, զգանկ օրինացն պատառեն և գառաջին սրբոց հարցն զկանոնադրութիւնսն խափանեն:

Իսկ զարեղէն հացն զոր ասէ, յամբոխումն հնոյ ժողովորդեանն ասէ և զհաց ցորենոյն ի խաղաղութիւն նորոյս եկեղեցոյ, այլ ոչ վասն բաժակի և ջրոյ, որպէս շաղփաղփեն ստախօսքն, և առանց զինոյ ջուրն, ի սրբոցն բանից յանդիմանի, զի սուտ է և չէ ճշմարիտ և արիւն և ջուրն ի կողէն, զոր ասէ ի սուրբ խորհուրդն, դնեմք աստ զսրբոցն բանք, որոյ յայտնի ճշմարտութիւնն և յանդիմանի ստութիւնն:



### Լ ՈՒՅՍ ՏԵՍԱՎ

1. Մայր Աթոռի հրատարակություն «Հայկական խաչքարեր» սուրճ, հայերեն, ռուսերեն և անգլերեն լեզուներով, 213 գունավոր և միագույն (սև) նկար, կավճասպատ ընտիր թուղթ, 12500 տպաքանակ, 230 էջ, գեղարվեստական գեղեցիկ ձևավորում և ընտիր տպագրություն՝ կատարված Բելրուսի «Էրեբունի» հրատարակչության կողմից:

2. Օրացույց, Մայր Աթոռի, 1975 թվականի, 14 մամուլ, 220 էջ, պատկերազարդ, 20000 տպաքանակ, Մայր Աթոռի տպարան:

3. Պատի օրացույց, Մայր Աթոռի, 1975 թվականի, 55x76 սմ չափի, երիզված կինամոնագույն կամ կապույտ գույնի զարդանախշերով, 10000 տպաքանակ, Մայր Աթոռի տպարան:

### ՄԱՄՈՒԼԻ ՏԱԿԷ

1. Նոր Կտակարան (Չորս Աւետարաններ, Գործք առաքելոց, Առաքելական թղթեր և Յայտնութիւն), արևելահայերեն թարգմանություն, 10000 տպաքանակ, ընտիր տպագրություն, Մայր Աթոռի տպարան:

2. «Էջմիածին» ամսագրի մատենագիտություն, 1944—1974 թթ., մատենագիտություն, թեմատիկ, անձնանունների, տեղանունների ցանկեր, 400 տպաքանակ, Մայր Աթոռի տպարան: